

LOS HECHOS

Jadu'n Nej Jesús

Y'ayuccapxhuäcxpi Ytuun Yjajti

¹⁻² Ma je jayijp'atypi necy, migüg Teófilo, ti nyajnijayiy tüg'óciy jadu'n nej Jesús ytuuñ etz jadu'n nej yaj'ixpijctzondacy oga'n'aty, ixti cooni ypättigiy tzajpjoty. Ca'ni Jesús anajty ypättigiy tzajpjoty co hui'n'ijxy je' yjáy huidibi yi' y'ayuc ytiy'ajt capxhuäcxib, e chi mïd je Espíritu Santo najztunïy najtz'ane'mïy nej huaad ajcxy ytunïpy.

³ Co anajty Jesús y'ögy, chi ñayguëxici canaag'oc ma je' ydiscípulos ajcxy, e huixchiguipx xii ñayquëxigo'ci ma je' ajcxy, yajniquëxigy huadz co anajty yjuugyity, etz nañ yajmïdmïydacy je' yjáy je Dios y'ayuc etz Dios y'ané'min.

⁴ Co anajty jim ijtcixy tügmucy mïd Jesús, chi Jesús je' ydiscípulos ajcxy ane'my co ca' huaad jim choongixy jim Jerusalén. Chi ajcxy nimay:

—Ahuijxcix tibi Dios nDeedy ahuanïy ma miich ajcxy, je huidibi miich ajcxy nyajmïdmïydägy.

⁵ Janch Juan je Bautista jäy yajniibejt mïd ni, tzojc miich ajcxy xy'adigihuipy xyjottigihuipy yi Espíritu Santo.

Jesús ypättigiyñi tzajpjoty

⁶ Ni'amugï anajty ajcxy jim mïd Jesús, chi ajcxy yajtiy:

—¿Huindzin, nej myajcödïgoyamy je Israeljäy ymidzip jadachambi?

⁷ Chi Jesús y'adzooy:

—Ca' xypaatcixy mnejhuñygyxy je xii je tiempo mina anajty ti yhuaad'ajtni, mina Dios Teedy tuna'ñ tijaty, je' tügpajc miid cötújcin tijaty ytu-namy.

⁸ Co anajty je Espírito Santo chinaydacpicy ma ajcxy mjot mhuinma'ñ mbaatcixp mic'ajt. E chi mdzoongixp ayuc capxhuäcxpi miid ñich ycixpi ya Jerusalén, etz tüg'óciy Judea ñaaxjot, etz jim Samaria, etz huindu'my ñaaxhuiñybi.

⁹ Ti jada ajcxy jadu'n yajnimäy, jim anajty ajcxy yhuindñcxcixy, chi Jesús chajppejtni. Chi miñ joc yeeg huidi Jesús yajnidigoyday, chi ajcxy ca' ocjac'ijxni.

¹⁰ Jadu'n anajty ajcxy chachpät'ijxcixy tzajpcíxy, co Jesús ypättigñy. Huin'it mejtz yëydijc ñayguëñici ma je' ajcxy ymijc, poob huit miid,

¹¹ chi ajcxy ñimaayi:

—Galilea jäy ajcxy, ¿nej co mdzachpät'ijxcixy tzajpcíxy? Yi Jesús huidibi ti chajppety, ti chooñ ma miich ajcxy, minaamb jadüg'oc jadu'n nej ti m'ijxcixy co ti ypättigñy.

Matías yajhuin'ijxy co Judas ytung jijptunñyipy

¹² Huin'it Jesús ydiscípulos ajcxy chooni ma je cögop huidi xñijip Olivos, yhuimbjtcixni jim Jerusalén, ca' ooy yjiguëgyity, jëbi yajyöy sábado xii, jadu'n nej Moisés ycötújcin y'ane'my.

¹³ Co ajcxy yja'ty ma je cajp, chi ajcxy ypejty ma je cuarto mimetz ñihuijtzpetypi ma ajcxy anajty miidity yjättac. Jim yi' anajty ajcxy: Pedro, Jacobo, Juan, Andrés, Felipe, Tomás, Bartolomé, Mateo, Alfeo ymang Jacobo, Simón je Zelote etz Judas Jacobo ymiguëx.

14 Tüg'óciy anajty ajcxy y'ijtcixy tügmucy Dios miñijctzoogixy chajpcapxycapxcixy. Ymñid ajcxy anajty Jesús y'uch etz María Jesús ytaj, etz jacjadyii töxyjäydijc.

15 Huin'it xñi Pedro ytinayigy agujc'amy ma je ymigügtijc ajcxy huñdibi yajmij'ajtp Jesús, huñdi anajty ajcxy naybaatip migo'px ja'ñipxti jäy, chi ñimay ajcxy:

16 —Migügtijc, copicy co jada yajcuydúnipy nej Dios ymñañ ma ñecy huñdi jaybety ijtp, ma David jaay Dios y'ayuc, ma Dios nigapxy Judas. Je huñdi coduu'ajt taabi je judíojäy ajcxy majch Jesús.

17 Je Judas yaj'amichomujcp je' anajty mñid ñich ajt, paatip anajty Dios ytung tú'ciy mñid ñich ajt.

18 Chi Judas ñicxy juy tüg naax mñid je muju'ñ huñdibi anajty ti paady mñid yjibic-huinma'ñ. Chi jim mic'amy ycäy tzuxcödeñ, chi ytopxy ymooxac, e chi ytiinch ypidzimday.

19 Je jäy ajcxy huñdibi anajty tzinaayb jim Jerusalén, co nejhuñy, chi ajcxy yxñimoy je naax Acéldama, hue' je' yhuimbídzimy ma je' ajcxy ayuc, ni'py ñaaxjot.

20 Jada je' je ayuc huñdibi David yjaay ma je Salmo necy:

Hui'mip najtz'ixiy yi' chinaaydac. E ca' pin yaj-tunipy.

Nañ jadu'n ymñañ:

Huingbi huen yajñicxyii je' ytung.

21-22 Copicy co tüg yëydijc huñdibi mñid ti yhuñdity nHuñdzin Jesús quipxyi mñid ñich ajt, huen tunipy je tung huñdibi Judas anajty ytumyb, maab Juan

yajniibety ixti taabi xypuyöyduutim co pättigiy tza-jpjt, tüg jëbi testig'aty müid ich ajt co Jesús yjuygyjcy.

²³ Chi Jesús ydiscípulos ajcxy huin'ijxy mejtz jäy: tüg jäy huidi anajty yxi José, huidi yxi anajty yajtijy Barsabás etz nañ jadu'n anajty yajtijy Justo. E huin'ijxy ajcxy nañ jadu'n Matías.

²⁴⁻²⁵ Chi Jesús ydiscípulos ajcxy Dios mibijctzoy, yminañ ajcxy:

—Huindzin Dios, m'ijxyp mnejhuuyb tüg'óciy jäy yjt yhuinma'ñ, yajni'ixiygich jada metzpi jäy huidibi miich nidügti ti nhuin'ixy, je huidibi jëbi jijptigiyi miich mdung tú'ciy müid ich ajcxy, etz huidibi apóstol'adip. Huen jada jäy jijptigiyi je tung huidibi Judas ti yajtigooy, co ytundigooy e ñicxy ma ypaadyi.

²⁶ Chi ajcxy suerte ijxy, e je suerte ñibidzimni je Matías. E huin'ítiiy je Matías oy ymicho'ndigiyi ma je nimajtügpi ajcxy huidi ycapxhuäcxy Jesús y'ayuc.

2

Co je Espíritu Santo ycidacy choñ tzajpjoty

¹ Co oy je Pentecostés xi paady, jim anajty Jesús ydiscípulos ajcxy ni'amugi' tú'ciy ijtcixy.

² Huin'it janch timitiini yajmidoy tüg ne'min, choñ tzajpjoty, jadu'n nej poj micpi. Chi yaj'ujtzaay je tigot ma anajty iñaaygixy.

³ Chi nigidaaci nidüg nidügti toodz jadu'n nej jinye'n.

⁴ Chi je Espíritu Santo nidüg nidügti ajcxy y'adigiyi yjottigiyi. Chi ytigiyixni capxy

míydaacp nije' nije' ayuc jadu'n nej je Espíritu ajcxy yajcapxyii.

⁵ Jim Jerusalén anajty je huin'it xii may judíoájy ajcxy huídibi tzoomb canaag agajp. Hue' ajcxy chachcuydumb judíoájy ycostumbre.

⁶ Co je cajpjáy ajcxy mídooy je ne'mín, chi ajcxy ooy yóymujcy. Chi je mayjáy ooy yhuinmay'ahuídijty, co ajcxy mídooy chachcapxcixy chachmíydaaccixy ma yci'm'ayuc.

⁷ Je mayjáy ajcxy ooy chigíy jihuíy, chi ajcxy ñayñímaayi miñ xyipy:

—Ix ¿nej cay Galilea jáy jada ajcxy nidüg'óciy huídibi jadu'n tzachcapxcixy tzachmíydaaccixy ñch ajt ngi'm'ayuc?

⁸ ¿Nej ñch ajt co nmído'mbíjím co tzachmíydaaccixy ñch ajt n'ayuc huídibi ti nmíbi'c'ájtím?

⁹ Ya anajty ajcxy Partia jáy, Media jáy, Elam jáy, Mesopotamia jáy, Judea jáy, Capadocia jáy, Ponto jáy, etz cham huídí tziñaayb ajcxy jim Asia ñaaxjot,

¹⁰ etz huídibi ajcxy tzomb jim Frigia, etz Panflia, huídibi tzomb jim Egipto, etz huídibi tzomb jim ma yi Africa ñaaxjot Cirene ninaxy. Nañ jadu'n jim romanojáy huídibi ya adziñaayb. May ajcxy jim huídibi judíoájy etz nijéjty huídibi ca' yjudíoájyty huídibi judíoájy ycostumbre ajcxy ti yjijptigiyíyí.

¹¹ Ya nañ jadu'n Creta jáy etz Arabia jáy; e ñch ajt tüg'óciy nmídoohuím jada jáy ajcxy nigapxcixy nimíydaaccixy huídí Dios ti tuñ mijcajee ma ñch ajt ngi'm'ayuc.

¹² Nidüg'óciy ajcxy ooy jihuíy, e chi ajcxy ooy yhuinmay'ahuídijty, miñ xyipy ñay'amídoóhuígixy:

—¿Nej jada yhuimbidzima'ñ?

13 E nijëjity jäy jëyi nixïgy yajxïgy, ymïnaangixy:

—Muucip jada yi' ajcxy.

Pedro yaj'ixpijcy je mayjäy

14 Huin'it Pedro ytinayïgy mïd je nimajctügpi apóstoles, e ytiigiy capxpï mic ymïnañ:

—Yëydijctijc ajcxy huidibi tzïnaayb Judea etz tüg'óciy huidibi tzïnaayb ya Jerusalén, nejhuihuipy miich ajcxy jada e midou ajcxy yajxon huidibi ajcxy nyajnimähuamyb.

15 Jada jäy ajcxy ca' ajcxy ymügyii jadu'n nej miich ajcxy mïnaangixy. Tim petyxïni jada cham.

16 Jada je' huidibi ñigapxy je Joel, Dios y'ayuc najtzcapxïybi, co jadu'n mïna'ñ:

17 Je huin'it xï mïna anajty je naaxhuiñybi cïxa'ñ, jadu'n Dios mïnañ, nyajhuäcxtähuibich je nEspíritu ma tüg'óciy naaxhuiñjäy. Miich mñix etz mmang ajcxy capxhuäcxip ïch n'ayuc ndiy'ajt, e je yujcyeecpidijc ajcxy yhuin'ixipy ooy mijhuinma'ñ, e je mijjäydijc cumähuiipy ajcxy.

18 Nyajhuäcxtähuiip ïch je nEspíritu huin'it xï ma ïch ndumbi yëydijcpi töxyjäybi, e yi' ajcxy capxhuäcxip ïch n'ayuc ndiy'ajt.

19 Nyajquëxigibich tzajpcïxy huidijaty oy chigïyñi, e ya naaxhuiñ nyegipyich tiy'ajt: ni'py, jïn etz jïnjoc.

20 Yi xï ahuimbidity coodz, etz je po' ahuimbidity nej ni'py, ma anajty ca' miñ je xï je tiempo mïna anajty mïna'ñ je Huindzin Dios. Mij ayo'n ji tunaanip jadaanip ijxna' quëxna'.

21 E tüg'óciy jäy huidi m̄yaaxp ojadajtp je Huindz̄in Dios, Dios ajcxy yajn̄dzöḡiib y'alma.

22 Chi Pedro yjacm̄inañ:

—Am̄ido'ijtc̄ix, miich judíojäy ajcxy, jadu'n nej cham nm̄ina'na'ñich. Je Jesús huidibi tzoon jim Nazaret ti xyaj'ijxc̄ixy Dios ym̄ic'ajt, m̄ijhuinma'ñ, etz ijxpejt, jadu'n nej miich ajcxy ti m'ijxc̄ixy ti mnejhūiyḡixy.

23 Jada yajc̄iyejc ma miich ajcxy, jadu'n nej anajty Dios ti yajniḡöduḡiy, e ti huinmay. Ajcxy mmajch je Jesús e myaj'ögy ajcxy, chi ajcxy myajcruudzpejty m̄id jib̄ic jäydijc y'ané'min.

24 Chi Dios yajjugyp̄ijcy yajn̄huädz̄ictuty ma yi ó'cin, ca' huaad yhūi'my ögy huin̄ix̄i.

25 Je David ñim̄iydac Jesús chi ym̄inañ:

Nejhūiyb̄ich co je nHuindz̄in Dios y'ity ma ñich nhuinduu. Yi' ijt ma ñich n'a'oy, jiḡix ca'ydi p̄in xy'adz̄iḡiyich xyajhuinma'ñydiḡooyich.

26 Paady ti njotcuḡiyich, e ti ngapxyp̄idz̄im̄yich co ooy njotcujc̄ich. Paady co oy n'öḡib̄ich etz nin̄icx ñaaxtiḡihūipy, ca' ndajy mayich.

27 Co miich Dios ca' myajhūi'ma'ñ ñich n'alma ma ñaaxtiḡiydac. Ni mga'aa'ix̄ihūipy, co miich mdumbi huidibi ooy mdzocy, co nic̄xy ñin̄icx ñaaxhuindiḡoyd̄äy.

28 Miich Dios, ti xyajni'ix̄iyich yi tzinaayin huidibi ym̄id jugy'ájt̄in huin̄ix̄ibi. Xyajjotcuḡihūib̄ich m̄id co xym̄id'idipyich.

29 Chi Pedro yjacm̄inañ:

—Migügtijc ajcxy, huädz miich mnejhuüygixy co ñch ajt nmij'ap David y'o'cy etz yajnaaxtigüiyi. E ma ñaaxtigüiy nmüdni jë'ajt chambaad.

³⁰ Je David hue' je' anajty Dios y'ayuc ñajtzcapxiybi, e ñejhuüyb anajty co ti Dios yajnimäyüi huidibi ca' y'anijity. David ñejhuüyb anajty co ma y'ap y'oc ma'xung'adipy Cristo, jaydëbi ané'mipy ma David y'ane'mdac.

³¹ Jadu'n co David jecy'ajty huiñjhuüy e nejuüy etz nigapxy jadu'n nej yjugypiga'ñ je Cristo co anajty ti y'ögy. E ymïnañ co ca' yi' y'alma yhu'ü'mipy jutjoty etz ñinïcx ca' ypüdzipy.

³² Dios yajjugypijcy je Jesús co y'o'cy. Jada tiy'ajt ñch ajcxy nidüg'ócy nidiy'ajt'ajtpy.

³³ Jadu'n Dios Jesús mooy mij'ajt jüby tza-jpjoty, chi yajcïdigüiyi je Espíritu Santo huidibi Dios Teedy y'ahuanüy e tüg'ócy huidibi miich ajcxy ti m'ijxcixy ti mmïdoogixy jüby yi' chooñ ma yi'.

³⁴ Com David ca' je' chajppejty, je David ci'm ymïnañ:

Je Huindzïn Dios nimay ñch nHuindzïn: “Ñña' ma ñch a'oy'amy,

³⁵ ixti cooni nmïmadactähuüibich yi mmïdzip, jadu'n anajty nipaady nej jihuüy mdecypocxpejt'adyii.”

³⁶ Chi Pedro yjacmïnañ:

—Ñejhuühuipy nidüg'ócy yi Israel jäy ajcxy co janch janch co je Jesús huidibi miich ajcxy myajcruudzpejt, Dios yajñibijc co yhuindzïn'adipy ma miich ajcxy, etz Cristo huidibi xyñihua'nipy xyajtzögipy ajcxy.

³⁷ Co je mayjäy ajcxy jadu'n midoy, chi ajcxy yjotyungüy, e amidoy ajcxy je Pedro etz jacjadyii jäy huidi Jesús y'ayuc capxhuäcxi anajty, chi ajcxy yminañ:

—Migügtijc, ¿ti ñich ajcxy jëbi huaad nduñ?

³⁸ Huin'it Pedro y'adzooy:

—Jothuimbijtcix e ñibejtcix nidüg nidüg miid Jesucristo yxi, jigix Dios miich ajcxy mbocy xy-huinmeecxipy. E jadu'n Dios xymöhuipy je Espíritu Santo.

³⁹ Huidibi Dios y'ahuanüy miich yi' ajcxy mje' etz m'ung ajcxy, etz m'ap m'oc ajcxy, etz nañ jadu'n je jäy ajcxy huidi jigüémip, etz jacjadyii jäy ajcxy huidi Dios huin'ixamy.

⁴⁰ Miid jadayaab ayuc etz jacjadyii ayuc Pedro yajnimay capxhuijy je mayjäy yminañ:

—Ca' mmijpidaacix je jäy ajcxy y'ayuc huidibi ca' capxymidoy Dios.

⁴¹ Jadu'n yjajti, je jäy ajcxy huidijaty mibijc Pedro y'ayuc, chi ajcxy ñibejttay huin'it xi. Ñimayüy ajcxy huidibi mijpidac Jesús y'ayuc oy nidugüg mildi jäy.

⁴² Tüg'ócüy ajcxy anajty panicxcixy yi xpijcin jadu'n nej yi Jesús y'apóstones ajcxy yaj'ixpijcy. Chinaaygixy yquipxyjot yquipxyhuinma'ñ. Etz Dios mibijctzoogixy e ñayyöymújcigixy co anajty ajcxy chajcaagy tujc-huäcxaangixy.

Jadu'n nej je mibijpidijc chinaaygixy jugy'ajtcixy

⁴³ Nidüg'ócüy ajcxy anajty ooy mijcajee jihuüy. E Jesús y'apóstones ajcxy ijpajt etz mijhuinma'ñ ooy anajty tungixy.

44 Nidüg'óciy je jäy ajcxy huídibi anajty ti ymíbjccíxy ijtp anajty ajcxy tüg mucy, e yajhuäcxcíxy tijaty ajcxy anajty ymíid, mooygíxy ymígügtjic.

45 Ytoocpy anajty ajcxy yí' ypidägy huídibi anajty ymíid, e chi anajty yajhuäcxcíxy yí' meen nije' nije' nej pín ti yajmayjaty.

46 Jabom jabom anajty ajcxy ñayyöymugyii ma Dios ytjic, etz nañ ñayyöymugyii ajcxy ma ytjic tzajcaagy tujc-huäcxcíxy etz ycaaygíxy y'uuccíxy ni'amugi' jotcuyc míid ajcxy y'oyjot y'oyhuinma'ñ.

47 Ñi'igíxy niyaaxcíxy yí' Dios, e tüg'óciy jäy nayyajmij'ájtíp anajty ajcxy. Chi je Huindzin Dios yajmayíy jabom jabom yí' mibijcpíidjic, yí' huídibi anajty patp nidzoocin.

3

Tüg tecyma'tpi chögy

1 Tüg xii Pedro etz Juan ypättigíy ajcxy tú'ciy ma Dios ytjic, mijminacy xii anajty, je' je' anajty je hori mina ajcxy Dios mibijctzoogíxy.

2 Jabom jabom anajty jäy yajnicxcíxy ma je Dios ytjic'aguu tüg tecyma'tpi, jadu'n je' anajty ti yma'xung'aty. Chi ajcxy pidägy je tecyma'tpi ma je Dios ytjic'aguu huídi anajty yxii la Hermosa, jigix jim píjctzohuípy meen ma je jäy ajcxy huídibi tigíyib ma Dios ytjic.

3 Co je jäy tecyma'tpi ijxy Pedro etz Juan ytigíhuaangíxy anajty ma Dios ytjic, chi píjctzoy meen.

4 Co Pedro etz Juan ijxy je tecyma'tpi, chi Pedro yminañ:

—Huindicxpejtcich.

⁵ Chi je jāy huindicxpejty, yjijp'ijxpy anajty ti mōhuaanip.

⁶ Chi Pedro je tecyma'tpi nimay:

—Ca' nmīdidyich plata, oori, huidibi janchtiy nmīdich je' nmōhuiip. Mīd Jesucristo je Nazaretpi ymic'ajt iich miich nimaayb: Tinaayig etz yöy.

⁷ Huin'it Pedro majch je tecyma'tpi ma a'oygi', e yajtinaygugiiy. Huin'itiy y'oyiiy ymicpijcy je ytecy etz ytecyöög.

⁸ Chi je tecyma'tpi ytinaygugiiy etz chi ñajtztibiiy. Chi jada' yöychoñ e ytigiiy ma Dios ytijc mīd Pedro etz Juan yöyñip ñidijcni yujctijcni, yam Dios ooy jāyech.

⁹ Tüg'óciiy je mayjäy ijxy co anajty yöyñip etz jāyech yi Dios.

¹⁰ Je jāy ajcxy y'ijxy'ajtpy anajty ajcxy je tecyma'tpi e ñejhuuygixyp co je' anajty je' huidibi pijtzohuo'cp pi'c meeñ ma Dios ytijc'aguu huidi anajty yxii la Hermosa. Paady je jāy ajcxy ooy chigiiy jihuuy, co ajcxy ijxy nej anajty yam ti ytunyii ti yjadyii.

Pedro nimiydacy nej anajty je tecyma't ti chögy

¹¹ Je tecyma'tpi huidibi anajty ti chögy ca' anajty ixmach Pedro etz Juan, e tüg'óciiy yi jāy anajty ooy jihuuygixy huinmaaygixy. Chi mic'amy mayjäy nimujcy Pedro etz Juan jim ma yi Dios ytijc huindu huudibi jāy ytijpy Salomón.

¹² Pedro co jadu'n ijxy je mayjay, chi yminañ:

—Judío yöydijctijc, ¿nej co mdzachhuinmaaygixy mijcajee? ¿Nej co iich miich ajcxy xychachhuindicxcixy jadu'n nej jihuuy iich

ajcxy jada jäy ti nyajtzögyich ti nyajyöychooñich müd ngümmic'ajtich, o müd co ñich ajcxy ooy nDios'ojadaty?

¹³ ñich'ajt nDios, je Dios huidi nmij'ap nmijteedy, je Abraham, je Isaac, etz je Jacob y'ojadajt, yi' ti yajtzögy jada tecyma'tpi, jigix yajcömayipy yi' y'ung Jesús huidibi miich ajcxy mgïyejc ma je tungmüdpï. E co je gobernador Pilato je' najtzmazihua'ñ, miich ajcxy ca' m'aa'axiy.

¹⁴ Ma yjapadyii ajcxy mgapijctzoy co huen yajnajtzmaziy, je huidi anajty yajpaatp huädz etz tudägy, chi miich ajcxy mbijctzoy co huen yajnajtzmaziy tüg jäy huidibi anajty ti yjäyyaj'o'cy.

¹⁵ Jadu'n je jäy ajcxy yaj'o'cy je' huidibi anajty jugy'ajt yejcp. Je huidibi Dios yajjugypicy ma anajty ti y'ögy e jada tiy'ajt ñich ajcxy nidiy'ajt'ajtpyich.

¹⁶ Müd co ti mibicy Jesús yxi, je mijhuinma'ñ huidibi Jesús ymic'ajt ti tuñ müd jada pa'mjäy huidibi miich ajcxy m'ijxyp mnejhuïyb. Com ti mibicy Jesús paady ti chögy janch yajxondïcni, jadu'n nej miich ajcxy nidüg'óciy ti m'ijxcixy.

¹⁷ Chi Pedro yjacmïnañ:

—Nmigügtjicich, nejhuïybich co miich ajcxy etz mhuindzindijc yaj'o'cy Jesús, müd co anajty mganejhuïygixy ti anajty ajcxy mduungixy.

¹⁸ Jadu'n cham Dios ti cuyduñ jadu'n nej Dios y'ayucnajtzcapybï ymïna'ñ co copicy co yi Cristo yajnaxipy ayo'n.

¹⁹ Paady játyim jothuimbijtcix miich ajcxy ma Dios, jigix ajcxy mbocy yajjötztähuipy. Huin'it je Huindzin Dios xyajniguexipy ajcxy jotcujc'ájtïn huinixii,

20 e yí' quexamb je Jesús, je Cristo, je huídibí Dios jayijp'aty yhuin'ijx co quexañ ma miich ajcxy.

21 Oy jadachambí Jesucristo y'oc-huí'mípy jii by tzajpjoty ixtí cooní Dios anajty yaj'oyíydäy tijaty, co jadu'n yjaay yí' y'ayucnajtzcapxíybi huídibí m'íd huädz yjot yhuinma'ñ huídibí ajcxy jecy'ajty tzínay.

22 Jadu'n Moisés nímay ích ajt nmíj'ap nmíjteedy jecy'ajty: “Je Huindzín Dios xyajnigüexaan miich ajcxy tüg yí' y'ayucnajtzcapxíybi, huídibí pídzímamyb ma miich ajcxy mjuugy mmígüg jadu'n nej ích yí' xyguejxy. M'amído'idípy miich ajcxy yí' y'ayuc.

23 Jadu'n yjadípy co tüg'óciy jáy huídibí anajty ca' capxymídooy je Dios y'ayucnajtzcapxíybi, huädz ajcxy ytígoydáhuípy, e tüg jíbicy ajcxy idípy ma judío jáy ajcxy yajpaady.”

24 Chi Pedro yjacmíñañ:

—Jadu'n jada tüg'óciy Dios y'ayucnajtzcapxíybi, chondacy ma Samuel ixtí ma jacjadyiiní ajcxy, ñigapxtay ajcxy jadu'n nej cham ytuñyí yjadyí.

25 Yí Dios y'ayucnajtzcapxíybi ajcxy, miich je' anajty ajcxy mmíj'ap mmíjteedy. E je ayuc huídibí Dios yajnímay Abraham ycuydunaamyb m'íd miich ajcxy co jadu'n ymíñañ: “Ngonúucxibích tüg'óciy naaxhuiñjáy m'íd tüg miich m'ap m'oc.”

26 Co Dios y'ung y'o'cy, chi Dios yajjugypíjcy jadüg'oc, e quejxy jayijp ma miich ajcxy, jigíx xyconúucxíxípy, etz jigíx nidüg'óciy miich ajcxy m'ixmadzípy yí mjíbichuinma'ñ.

Pedro etz Juan ma tungmïdipi yhuinduu

1 Pedro etz Juan jimni anajty tzachmïdmïydaaccixy je mayjäy ajcxy, co oy miingixy je judío teedy ajcxy, mïd je soldado huindzin, je tzajptijc cuend'ajtpi etz mïd saduceojäy.

2 Ooy ajcxy anajty yjotmätcixy co Pedro etz Juan yaj'ixpijccixy anajty je mayjäy etz nïmaaygixy co yi öcpi jugypigipy yi' ajcxy, com co Jesús yjugypicy co y'o'cy.

3 Chi je tungmïdipi ajcxy majch Pedro etz Juan, e chi ajcxy pidacy pujxtigoty ixti com jabomni, com ti anajty chu'ïñ.

4 Mayjäy ajcxy huïdibi anajty ti amïdo'ijtcixy je Pedro y'ayuc ymïbijc ajcxy. E hue' je mïbijcpidijc, ac yëydijctijcpi, yajmïchomujcy jahueen ycamigoox mility.

5 Je com jabom ajcxy ñaymújcci jim Jerusalén judíojäy tungmïdipi, je mijjäydijc etz yi escribas.

6 Nañ jadu'n jim anajty Anás huïdibi anajty ane'mb je teedy ajcxy, etz je Caifás, je Juan, je Alejandro, etz tüg'óciy teedy mïjtungmïdipi yjugymigüg.

7 Chi ajcxy pidacy Pedro etz Juan cujc'amy ma anajty ajcxy ñaymugyii, chi ajcxy y'amïdooy:

—¿Pïn miich ajcxy ti xymöy cötujcïn co jada jadu'n ti mdungixy?

8 Huin'it Pedro ymïd anajty Espiritu Santo ma yjot yhuinma'ñ, chi ymïnañ:

—Miich ajcxy tungmïdipi etz judíojäy mijjäydijc,

⁹ Yi' ñch miich ajcxy cham xyaj'amidoob yi oybi tiibi yajtuñ ma tüg pa'mjäy e nejhuihuaangixy nej ti chögy.

¹⁰ Cham nimiydactäyich ma miich ajcxy mhuinduu, jaydëbi ajcxy nejhuidähuiipy tüg'óciy judíojäy, co jadayaabi jäy huídibi anajty tecyma'tpi, cham yajpaady ya ma miich ajcxy mhuinduu mic oy, miid je mic'ajt huídibi Jesucristo je Nazaretpi yejcpy, je jäy huídibi miich ajcxy myajcruudzpejt, huídibi Dios yajjugypijc co y'o'cy.

¹¹ Yi Jesús jadu'n nipaady nej tüg tzaa oybi, huídibi ajcxy potzpidijc, ca' yajtúngixy co ytiçcojçixy. Jesús cham ti paady miitung ma Dios, jadu'n yi' ni paady nej tüg mij tzaa huídibi ytungbaatp ma poch ytaatz.

¹² Ca' jac ni pin huídibi jëbi xyajnidzoocim ajt n'alma. Jesucristo yi' je' tügpajc huídibi Dios yejc ma jäy ya naaxhuiñ huídibi jëbi xyajnidzoocim ajt n'alma.

¹³ Co je miitungmiidpi ajcxy ijxy midoy jadu'n nej Pedro etz Juan ajcxy huinmic jotmic ycapxcixy, etz nejhuiy co ca' ajcxy y'ixpicyjäyity, chi ajcxy ooy jihuiy huinmay. Nañ yi' iixcajp ajcxy co je' anajty huídibi ajcxy ti miid huidity Jesús.

¹⁴ Cha co yjactimjimity anajty je jäy huídibi anajty ti chögy ytinäy miid Pedro etz Juan, paady ajcxy ca'jajty nej midziptzoonipy.

¹⁵ Chi je tungmiidpi ni'ane'mdiy huen yajpidzimyii Pedro etz Juan ma je mayjäy anajty ñaymugyii, jigix ac jëyi tungmiidpidijc ñyöyaangixy capxyöyaangixy Pedro etz Juan ypocy.

16 Chi ajcxy yminañ:

—¿Ti cham nduunim miid yijiibi jäy ajcxy? Com tüg'óciy jäy huídibi tzinaayb ya Jerusalén ñejhuüyb ajcxy co ti túngixy mijhuinma'ñ, e ca' huaad ñich ajt nminaanim co ca' yjanchity.

17 Tzoc capx'adujcim co ca' huaad ajcxy jacnimiydägipy Jesús jadachambi etz jacnicxpí xii tiempo.

18 Chi ajcxy mijhuoy Pedro etz Juan, chi ajcxy nimay co ca' huaad ajcxy ni nej ocnimiydaacnip, ni ca' jacyaj'ixpigipy miid Jesús yxii.

19 Huin'it Pedro etz Juan y'adzooy:

—Huinmaaygix miich ajcxy ci'm pen tñy'ajt jada ma Dios co ñich miich ajcxy ngapxycöbigipy jayijp, ca'ydi yi Dios.

20 Com ñich ajcxy ca' nni'amonaangixy jadu'n nej ñich ajcxy ti n'ixy ti nmidooy.

21 Huin'it je tungmüdpí ajcxy adzigi'ñ migapxy Pedro etz Juan, e najtzmazhiy ajcxy. Ca' ajcxy mihuinma'ñybaty nej tzaachytunipy Pedro etz Juan. Com tüg'óciy jäy yjäymejchpy ycömaayb anajty yi Dios jadu'n nej anajty ti ytuñyii ti yjadyii.

22 Je jäy tecyma'tpí huídibi tzooc co Dios mijhuinma'ñ ytuñ, ymiid anajty yjimijt huixchiguüpx naxy.

Je miijcpidijc ajcxy pijctzoogixy ma Dios jotmic'ajt

23 Chi Pedro etz Juan co yajnajtzmazhiy, chi ajcxy ñicxy ma ymigügtijc anajty, yajmüdmiydactay tüg'óciy jadu'n nej teedy huindzin etz mijjäydijc anajty ti ñimáayigixy.

24 Co jada ayuc ajcxy midoy nidüg'óciy ajcxy tú'ciy yjot yhuinma'ñ pidacy, chi ajcxy Dios mibijctzoy ymínañ ajcxy:

—Huindzin Dios, miich je' ti m'oyduñ je tzajp, je naaxhuiñybi, je mejy etz tüg'óciy tijaty.

25 Miich m'id mEspíritu je David myajcapxy, e yi' jadu'n ymínañ:

¿Nej co jada naaxhuiñybi jäy chachhuaangixy chachjihuiñygyxy, e yi jäy ajcxy huinmaagyxy huídibi ca' ytimytiijity?

26 Yi reydiyc ya naaxhuiñybi midziptzoñ ajcxy yi Dios. Etz je tungm'ídpi cajp cajp ñaymujci ajcxy, midziptzoñ ajcxy Huindzin Dios, etz midziptzoñ ajcxy Cristo.

27 Com janch co je rey Herodes etz yi gobernador Poncio Pilato ñaymujci ya ma jada cajp m'id huídibi ca' yjudíojäyity ajcxy etz m'id judíojäy ajcxy, midziptzoñ ajcxy yi m'ung Jesús huídi anajty ti mhuiñ'ixy.

28 Yi' ajcxy ti cuydungixy tüg'óciy jadu'n nej miich, Huindzin Dios, ti myajnigödugiy jadu'n nej ytunñyb yjadñyb.

29 Jadachambi Huindzin Dios, ix jadu'n nej yi tungm'ítpi xychachmijotmá'tcixyich. Mo' yi mdumbi ajcxy jotmic'ájtín, jigix m'ayuc ajcxy capxhuäcxipy amic jotmic,

30 e m'id miich mmic'ájtín chögipy pa'mjäydijc, tunipy ajcxy tijaty ijpajt etz mijhuinma'ñ m'id yi m'ung Jesús yxi, huídibi m'id huädz yjot yhuinma'ñ.

31 Co ajcxy mibijctzoday, chi je naax chuyuuy ma anajty ajcxy tügmucy yajpaatcixy, etz nidüg'óciy yi'

ajcxy ymic'ajt mooyi je Espíritu Santo, e yi Dios y'ayuc capxhuäcxixy anajty amic jotmic.

Je mibijcpidijc tú'ciy anajty ajcxy yjot yhuinma'ñ

³² Je mayjäy huidibi anajty ti mibicy, tú'ciy ajcxy yjot yhuinma'ñ. Ni pin anajty ycamina'ñ co naydüg jè'adyi. Hue' anajty yminaangixy co tú'ciy jè'ájtigixy.

³³ Je majmetzpi Jesús y'ayuccapxhuäcxpi amic jotmic capxhuäcxy je tiy'ajt jadu'n nej je Huindzin Jesús yjugypijcy co y'o'cy. E mij ajcxy Dios ypubejti.

³⁴ Ma je' ajcxy ca' ni ti yajmayjajtcixy, com tüg'óciy tijaty anajty ajcxy ymiid ñaax o ytijc ytoocpy anajty ajcxy, e yejccixy anajty meen.

³⁵ Chi je meen yajcidiigiigixy je apóstoles ajcxy e yi' ajcxy moy nidüg nidüg pinjaty yajmayjajtp.

³⁶ Jim anajty miid je' ajcxy tüg levita jäy huidi anajty yxi José, huidibi ma'xung'ajt ma yi ñaaxjot mejy agujc huidibi yxi Chipre, je huidibi je majmetzpi Jesús y'ayuccapxhuäcxpi, yxi moy Bernabé, huidibi huimbizim je yajjotcujc'ajtpi.

³⁷ Je Bernabé tocy ytundac huidibi anajty ymiid, e chi mimiin je meen, e yajcidiigiy je apóstoles ajcxy.

5

Je Ananías etz Safira ajcxy Dios midundigoy

¹ Chi jadüg yëydijc, huidi anajty yxi Ananías, miid ytöxyijc, Safira, toogy ajcxy tüg it ytundac.

² Ananías ñayyajnihuimi jac'anaxy je meen, e yajninicxy Jesús y'apóstoles ajcxy je jac-hueenip, jadu'n nej jihuüy yejctay tüg'óciy, etz yi' ytöxyijc ñejhuüy anajty.

³ Chi Pedro nimay Ananías:

—Ananías, ¿nej co myajtuñ je mujcu' yhuinma'ñ, e mhuin'inañ je Espíritu Santo, e ti mbugoñ jac'anaxypi meeñ nej ti tzoo'adyii yi pidägy tiibi mdoogy?

⁴ ¿Nej ca' anajty yi' miich mdundac'adyii? E co ti mdoogy, ¿nej ca' anajty je' miich mmeeñ'adyii? ¿Nej co jadu'n ti mdundigooy? Dios ti mhuin'inañ, canan jäy.

⁵ Co jadu'n midoy, Jiménez Ananías yciday, e chi y'o'cy. E tüg'óciy jäy ajcxy huidijaty nejhuüy, ooy ajcxy chigüy.

⁶ Huin'it ymiiñ jadyii yujcyeepidijc, chi ajcxy mo'ñ Ananías ñinix, e oy ajcxy yajnaaxtigüy.

⁷ Codugüig hori naxy, oy ytigüy je Ananías ytöxyijc, e ni ca' nejhuüy anajty ti ti ytuñyii ti yjadyii je ñäy.

⁸ Pedro y'amidoohui:

—Yajnaaaygich, ¿nej janch jadu'n ti mdoocixy yi mdundac jadu'n nej ti mgapxcixy?

Chi je töxyjäy y'adzooy:

—Janch jadu'n ti ndoogyich.

⁹ Chi Pedro yminañ:

—¿Nej co ti mnaygápxigixy mhuin'inañ yi Espíritu Santo? Cha ma tijc'aguu je jäy ajcxy ytinäy huidi oy ti yajnaaxtigüy mñäy, e jadachambi miich ajcxy xyajnicxaam nañ jadu'n.

¹⁰ Tim huin'itüy Ananías ytöxyijc yciday, e chi y'o'cy. E chi oy ycidägy ma Pedro ytecymijc. Co je yujcyeepidijc ytigüy, chi ajcxy je' paaty ögy. Chi ajcxy yajpidzimy etz oy yajnaaxtigüy ma ñäy ymijc.

¹¹ Chi tüg'óciy je jäy ajcxy huidibi Jesús mibijcp etz tüg'óciy huidibi midou jada nej ti yjadyii ti ytunyii, chi ajcxy ooy chigüy.

Canaag mij'ijxpejt etz tıy'ajt

12 Je majmetzpi Jesús y'ayuccapxhuäcxpi ooy anajty ajcxy Dios ymic'ajt yajniguëxici etz ijxpejt yejccixy ma yi jäy ajcxy. E tüg'óciy jäy ajcxy huıdibi Jesús mıbiyc jabom jabom anajty ñayyöymújciğixy ma Dios ytıjc huıduu huıdibi yxıı Salomón.

13 Ca' jac ni pin anajty mijnicxpeda'ñ mijyöypeda'ñ je' ajcxy. E je jäy ajcxy yjacyajmij'ajtpy huıdi Jesús anajty ooy mıbiycıxyp.

14 Mayjäy oy mıbiycni Jesús y'ayuc, yëydıctıjc etz töxyjäydıjc.

15 Etz ixtı pa'mjäydıjc anajty ajcxy yajnicxy mijtügıjc cıjx'aam pıdaaccıxy, jıgıx co Pedro ñaxıpy jim ycadımjeyıty co nicxy y'aa'ap yjäty ma je pa'mjäy.

16 Nañ jadu'n mayjäy chooñ anajty huıdıjaty huıgon ycajp, ymiıngıxy Jerusalén, mıđmiıngıxy pa'mjäy, etz huıdibi ca'oybi mıđ ma yjot yhuınma'ñ, e tüg'óciy yajtzooctaayb anajty ajcxy.

Pedro etz Juan yaj'ixhuıdıjtcıxy yajpahıdıjtcıxy

17 Huın'ıt je teedy mijtungmıđpi etz huıdibi sāduceo ijxpıjcin ymıjpıdacp ooy ajcxy yajca'oy'ıjxy,

18 e co ajcxy majch je apóstoles ajcxy, chi ajcxy pıdacıy ma je mıjpujxtıjc.

19 Chi Huıdzın Dios tüg y'ángel je huın'ıt coodz yaj'ahuaach je pujxtıjc aguı, yajpıdzımy ajcxy, chi ajcxy nımay:

20 —Nıcxıx, tınay'ahuıygıx tzajtıgoty, yajmıđmiydaaccıx yi mayjäy ajcxy Jesucristo ytıy'ajt nej jëbi jäy ajcxy paadıpy jugy'ájtın jemybi.

21 Co jadu'n midoy, chi com jabom ytigüy ajcxy jopyñi tzajtigoty. Jiiby je' ajcxy anajty ñiyaj'ixpijcco'ni.

Chi je teedy mijtungmüdpí etz jacpinjaty müd, chi ajcxy capxyñigüeijxy yí judíojäy ymijjäydijc etz ixpiçytijc co huen junta jadyii. Chi ajcxy capxyñigüeijxy huen nicxy yajpidzimyii jiiby pujxtigoty yí apóstoles ajcxy.

22 Co je policías ajcxy ymejch ma je pujxtijc, ca' ajcxy paady je apóstoles ajcxy. Chi ajcxy huimbijtni müd tiy'ajt,

23 chi ajcxy nimay:

—Hue' ñich ajcxy tí nbaadcixy yí pujxtijc aducy, etz je soldadtijc jim tijc aguuy yjaccuend'ajtcixy. Chi co ñich ajcxy nyaj'ahuäch je pujxtijc, ca' ñich ajcxy ni pin tí nbaatyich jiiby pujxtigoty.

24 Co jadu'n ajcxy midoy, je teedy mijtungmüdpí etz je soldado huindzin, etz jacjadyii teedy huindzin ajcxy, chi ajcxy ooy huinmay nej jada y'occogixihuip.

25 Huin'it tüg jäy miiñ huídibi nimaayi ajcxy:

—Je jäy huídibi miich ajcxy mbidac pujxtigoty, chim je' ajcxy tzajtigoty yaj'ixpijccixy yí mayjäy.

26 Chi je soldado huindzin müd soldadtijc ñicxy ma yí apóstoles ajcxy jäy yaj'ixpijccixy, chi ajcxy yajnicxy oy'amy, com tzigüyb anajty ajcxy co je mayjäy chaagädziyb.

27 Co ajcxy yajmiiñ, chi ajcxy pidacy ma je maytungmüdpí yhuinduu. Chi je teedy mijtungmüdpí je apóstoles ajcxy nimay:

28 —Ñich ajcxy tí ngapx'aducy co ca' huaad m'ocjacyaj'ixpijccixni ma Jesús yxií. E çti tí

mdungixy? Ti myajhuäcxtaaygixy yi m'ixpíjcin ma Jerusaléngajp, e ich ajcxy miich pocy xyjátyim yajmihui'mam co Jesús y'o'cy.

²⁹ Chi Pedro etz jacjadyii apóstoles ajcxy y'adzooy:

—Copicy ich ajcxy ngapxycöbigipyich yi Dios jayijp ca'ydi jäy.

³⁰ Je Dios huídibi ich ajt nmij'ap nmijteedy y'ojadajt, yi' yajjugypíjc je Jesús huídibi miich ajcxy myaj'öc cruudzcíxy.

³¹ Je Dios Teedy jadachambi hue' Jesús mädity aa'oy'amy jilby tzajpjoty, e ti pidägy ane'mbi etz yajnüdzoocpi jigix yi judío jäy ajcxy yjothuimbidity e yajhuinmeecxipy ajcxy ypocy.

³² Ich ajcxy tiy'ajt nyejcpy miid jada ycixpi, etz nañ jadu'n je Espíritu Santo huídibi Dios ymooyb pinjaty capxymidoohuip.

³³ Co je jäy ajcxy jadu'n midoy, chi ajcxy ooy yjotmätcoty, chi ajcxy jayaj'öga'ñ.

³⁴ Huin'it ytinayigy ma je naymujctac tüg fariseojäy, hue' anajty yxi Gamaliel, hue' je' anajty Moisés yley ñihuindzin'ájtíp. E jäy ajcxy ooy anajty yajmij'ajtcixy je Gamaliel. Chi je' ni'ane'mdiy co huen yajpidzimyii tzojcyi jilby tiba'y je apóstoles ajcxy.

³⁵ Chi Gamaliel nimay yi tungmüdpí ajcxy:

—Judío yëdyjctíjc ajcxy, íxcim ti mdungixy miid jada jäy ajcxy.

³⁶ Jäymetz miich ajcxy co jecy'ajty je Teudas ypidigy yminañ co je' ymijity yjanchity, e chi ypanicxi oy nimidaax migo'pxti yëdyjctíjc. Chi ajcxy

yaj'o'ci, chi tüg'óciy huídibi anajty ti ypanicxyii yöyhuäcxtay, e jadu'ñyi je' ajcxy ñitigoyday.

³⁷ Jacnamni je huin'it xii mina cajpjây anajty ñecypejtcixy, ypidïgy Judas huídibi tzon Galilea. Mayjây ypanicxi; nañ jadu'n ajcxy yaj'o'cy, e tüg'óciy jây huídibi panicxy jadu'ñyi ajcxy yöyhuäcxtay.

³⁸ Paady ñich miich ajcxy jadu'n nimaaygixy, ix-majtzci x yí apóstoles ajcxy, e ca' mmijyöybejtcixy. Peni jây yí y'ayuc ytiy'ajt huídibi ajcxy ymïd, cixip tigoyip yí'.

³⁹ Pen Dios y'ayuc ytiy'ajt yí' ajcxy ymïd, ca' ajcxy mjadipy nej myajcödígóoygixyipy. Jaty nayguend'ájtigixy, ca' jecyity co Dios anajty mïd mdziptungixy.

⁴⁰ Nidüg'óciy ajcxy jäygidacy Gamaliel ycapxhuíjn. Huin'it ajcxy mijhuoy yí apóstoles ajcxy. Chi ajcxy tzaachytuñ, chi ajcxy cï'ajty, etz capx'adujcy co ca' huaad Jesús y'ayuc jaccapxhuäcxip. Huin'it ajcxy najtzmadzïy.

⁴¹ Je apóstoles ajcxy ypidzimy ajcxy ma tungmïdpi ajcxy yhuinduu ooy yjotcujcity co Dios jadu'n ti aa'ixïy co huen tzaachytuñyii mïd Jesús yxii ycixpi.

⁴² E ooy ajcxy yaj'íxpjccixy etz nimiydaaccixy Jesucristo jabom jabom jadu'n tzajtigoty nañ jadu'n majaty tijc.

6

Chi ajcxy yajnïbejty huixtujc mutztungmïdpi

¹ Je huin'it xii ajcxy huídibi ixpjc Jesús y'ayuc nïgi anajty ñimayiy'adïtzci xy. E huídibi anajty

capxp griego ayuc ytiḡiḡy nayñigápxip m̄id huídibi judío y'ayuc capxp. Ym̄inaangixy co yi griegojáy co'ögy töxyjädiç, ca' anajty ajcxy paady quipxy-jaty m̄id je judíoáy co'ögy töxyjäydiç caayin uuc̄in jabom jabom.

² Huin'it yi majmetzpi apóstoles ajcxy yajnay-mujtaayi je jáy huídibi Jesús m̄ibijçp, chi ajcxy ym̄inañ:

—Ca' huaad ñch ajcxy Dios y'ayuccapxhuäcxin n'ijxmajch, e nicxyich caayin uuc̄in yajhuäcxixy.

³ Paady miich ajcxy migüḡtiç nayhuin'íjxiḡix huixtujc yēydiçtiç huídibi oy yajm̄ij'ajtñi Dios, huídibi huädz oy yhuinma'ñ ym̄id, huídibi je Dios yjihu'ñ ym̄ic'ajt m̄id, e huen ajcxy tung'ad̄ib jada tung.

⁴ ñch ajcxy njacm̄ibijctzohuamy Dios, etz ñch ajcxy njacyaj'ixpiḡamy Dios y'ayuc.

⁵ Tüg'óciy ajcxy jäyḡidacy je' ayuc. Chi je mayjáy huin'ijxy Esteban huídibi ym̄id ooy ym̄ibijçin, etz ym̄id Espíritu Santo. Nañ huin'ijxy ajcxy Felipe, Prócoro, Nicanor, Timón, Parmenas, etz Nicolás. Nicolás ca' je' anajty yjudíoáyity. Hue' je' anajty chooñ jim Antioquía, jécyip anajty jijptiḡiyiḡiñi judíoáy ytiy'ajt.

⁶ Chi ajcxy yajnicxy je jáy ma je apóstoles ajcxy. Chi ajcxy je apóstoles Dios m̄ibijctzoy e c̄inixajy ajcxy.

⁷ Je Huindzin Jesús y'ayuc n̄iḡi anajty jáy tzachnejhuñi. E je m̄ibijçpidiç n̄iḡi anajty ajcxy chachnimayñi jim Jerusalén, ixti may judío teedy ajcxy ym̄ibijcy.

Majch ajcxy Esteban

8 Je Esteban ymïd anajty Dios ymic'ajt etz y'oy'ajt e oy mijhuinma'ñ tuuñ, etz yejcy ijsxpejt ma jäy ajcxy.

9 Huin'it xii nijëjity ixpicytjic ooy ñay'ijxquípxigixy y'ixpijcïn miid Esteban jim ma judíojäy ajcxy ñaymujctac huidi anajty yxii Libertados. E jim anajty Cirene jäy, Alejandría jäy, Cilicia jäy, etz huidibi tzomb jim Asia ñaaxjot.

10 Ca' ajcxy mimadacy Esteban com hue' je' anajty ycapxy miid yhuijy'ajt ycujc'ajt huidibi je Espíritu Santo anajty mooyip.

11 Chi Esteban ymidzip ajcxy mujuy jäy huidibi jëbi nihuambety Esteban, co ti anajty ooy ycapxtigooy etz ni'ojïy Moisés etz Dios.

12 Jadu'n ajcxy yajyuumïgy yaj'oxïgy yi jäy mijjäydjic, etz huidibi ajcxy yaj'ixpijcp Moisés yley. Chi ajcxy mimadacy majch ajcxy Esteban, yajnïcxy ajcxy ma je judíojäy ymijtungmïdipi etz ixpicytjic ñaymújcigixy.

13 Chi ajcxy ixtaayi jäy huidibi nihuambediib, chi ajcxy ymïnañ:

—Jada Esteban jibic nigapxy yi Dios ytjic etz Moisés ytiy'ajt.

14 Ti iich ajcxy midoy co ymïna'ñ co Jesús je Nazaretpi yjidamy je Dios ytjic, e yajtigadza'ñ Dios ytiy'ajt jadu'n nej Moisés ajt xymooyim.

15 Huin'it je judíojäy tungmïdipi e tüg'óciy jäy nej anajty ajcxy jim iñaaygixy huindïcxpejty ajcxy Esteban. E chi ajcxy ijxi yhuiñyjijp jadu'n anajty quëxïgy nej y'ángel yhuiñyjijp.

Esteban ñaygohuaani ma tungm#dp#yhuinduu

¹ Huin'it je teedy mijtungm#dp#yaj'amidooy Esteban:

—¿Nej janch jadaji?

² Chi Esteban y'adzooy:

—Migügtijc ajcxy etz mijjäydijc ocmidoogix. Ich ajt nDios mijpi janchypi nayquëxici ma ich ajt nmij'ap nmijteedy Abraham jecy'ajty co anajty jim ity Mesopotamia ñaaxjot, ca'ni anajty chinaydacpiy jim Harán.

³ Chi Abraham Dios ñimaayi: “Ixmatz mnaax mgajp etz tüg'óciy m'amigügtijc, e nicx ma yi naaxjot huidibi myajnixihuamyb.”

⁴ Chi Abraham choon ma yi Caldea ñaaxjot, e nicxy tzinaydacpiy jim Harán. Co yteedy oy y'o'cni, chi Dios Abraham yajmiiñ ma jada naaxjot ma miich ajcxy cham mdzinäy.

⁵ E ca' Dios moy Abraham jada naaxjot ya, ni ca' ma yhuäcxtägiy. Hue' je' janchtiy yaj'ahuaniiy co möhuaaniiy y'ap y'oc, e co anajty je' ajcxy jëdiib. Oyñi anajty Abraham ca' y'ung miidity co Dios ymigapxi.

⁶ Nimaayi Dios co y'ap y'oc y'adzinähuipy ajcxy ma huingjäy ñaaxjot, etz chi ajcxy ytumbi'adiyb etz chaachytuniiyb midaax migo'px jimijt.

⁷ Nañ jadu'n Dios nimay Abraham: “Ndzaachytunipyich je naax cajp ma yi m'ap m'oc anajty ytumbi'adyii. Chi choonip ajcxy jim, e chi xymidunipyich ma jada yaabi it.”

⁸ Dios ytuun tüg capxytuunin müd Abraham, co huen ajcxy yajtiy'ajttihiip. Paady co Abraham y'ung Isaac yma'xung'ajty conductujc xi ajcxy oy tiy'ajtti. Nañ jadu'n Isaac ymang Jacob, e Jacob yi

ymang nimajmetzpi ajcxy, huídibi ajcxy ñi'ap'ajty yi nimajmetzpicypí Israel ycajp.

⁹ Chi Esteban yjacmíñañ:

—Je' ajcxy Jacob ymang, ñich ajt nmij'ap nmijteedy, ymi'ijxtínaayb anajty ajcxy y'uch José. Chi ajcxy José toocy, chi je' yajnicxi jim Egipto, per Dios miid anajty y'ity José,

¹⁰ etz nihuaañ yajtzoocy ma ayo'n jotmay. Chi Dios moy ixpíjcin jigix cōmay ypidzimipy ma Faraón, je Egipto jāy yrey. Chi je rey José tung moy huen ane'my je Egipto naaxjot etz ane'mipy je rey ytjic.

¹¹ Huin'it xii ymiiñ mijyuu mij'ayo'n jim Egipto etz jim Canaán ñaaxjot. Je huin'it xii ñich ajt nmij'ap nmijteedy ca' anajty ajcxy paady ti ycajipy.

¹² Co Jacob oy nejhuiy co jim Egipto yajpaady jim trigo, chi jim quejxy ymang ajcxy trigo juuybi. Je' ajcxy huídibi ñich ajt nmij'ap'ajtim nmijteedy'ajtim. Chi ajcxy y'oy tūgtecy trigo juuyb.

¹³ Je mímajt'ocpi co ajcxy oy trigo juy, huin'it José ñayñigapxi ma y'ajch ajcxy. E chi je rey nejhuiy pinjāy je' anajty je José.

¹⁴ Chi José capxyñiguejxy huen cidaaccixy jim Egipto yi' yteedy Jacob miid tūg'óciy yjuugy ymigüg. Hue' anajty ajcxy ñaybaattāayigixy nidugi'px majmocx jāy.

¹⁵ E jadu'n yjajty co Jacobo oy chinaydacpiy jim Egipto. Jim oy comjey y'o'cni. Nañ jadu'n jim ajcxy y'o'cy may ñich ajt nmij'ap nmijteedy.

¹⁶ E chi Jacob yjuugy ymigüg com jey yajpidzimy Jacob ypajc ma ñaaxtigiy, e chi ajcxy yajnicxy jim Siquem, oy pidaaccixy ma je o'cpi

jut huidibi Abraham anajty ti juy meen̄ygīxy ma Hamor ymang jim Siquem.

17 Chi Esteban yjacm̄inañ:

—Ytimypadaan̄ipy anajty tiempo nej anajty Dios ti yaj'ahuan̄ȳy Abraham. Ti anajty ȳi judíōj̄y ooy ymaȳīyñī jim Egipto.

18 Chi oy jadüg rey ytīgīy ane'mbī huidibi ca'ixy'adyii José.

19 Je rey yhuin'ññ̄ ñch ajt nmij'ap nmijteedy, e oy ajcxy chaachytuun. E chi ane'my co huen y'ung ajcxy n̄iguecytaaygīxy huidibi anajty ajcxy ma'xung'ajtp, jigix y'ó'ccixipy.

20 Huin'it tiempo oy yma'xung'ajty Moisés, je huidibi ooy Dios j̄äygīdacy. Chi Moisés ytaj yteedy tugīg po' yajyeeci ma ytījc.

21 Co ajcxy yajn̄igueeci, chi je rey ññ̄x je' agondīgīy, e yajyeegy jadu'n nej yci'm'ung.

22 Paady Moisés ixpijcy t̄üg'óciy jadu'n nej Egipto j̄äy anajty ajcxy y'ixpīcȳity, e ooy ymadacy m̄iid y'ayuc etz m̄iid ytung.

23 Co Moisés anajty m̄id̄ity huixchīgūip̄x jimijt, chi pidacy yhuinma'ñ̄ co nicxy ixa'ñ̄ je' y'amiḡügtījc je Israel y'ap y'oc.

24 Chi Moisés ijxy co t̄üg egipcioj̄y chaachytuñ̄yii t̄üg je' y'amiḡüg. Chi Moisés yaj'o'cy je egipcioj̄y, yaj'ahuimbijty nej anajty y'amiḡüg yajtzaachytuñ̄.

25 Hue' Moisés tijy co je' y'amiḡügtījc ajcxy huen nejhūȳy huinj̄ihūȳy co Dios nihua'naan̄ip ma ymidzip m̄id Moisés ycīxpi. Chi ajcxy ca' huinj̄ihūȳy co Moisés nihua'naan̄ip.

26 Com jabom Moisés paty mejtz Israel jäy chachtziptungixy. Chi Moisés jayajxemaañ je tzip, chi ñimay: “Miich ajcxy nay'amigüg'ajtip, ¿nej co mdziptungixy miich ajcxy miñ xyipy?”

27 Je huidibi anajty ymigüg tzaachytuumb huin'it najtztijiy Moisés, ñimay: “¿Pin ti xypidägy huindzin etz tiydumbi ma ñich ajcxy?”

28 ¿Ney xyaj'ögaamich jadu'n nej axiy myaj'o'cy yi egipciojäy?”

29 Co Moisés jadu'n midoy, chi yqueegy, ñicxy jim ma Madián naaxjot. Moisés jecy y'adzinaayjim Madián naaxjot, e jim oy ypicxy. Chi ytöxyijc paty metz ymang.

30 Huixchiguïpx jimijt naxy, huin'it jim adügtuum ma je cop huidibi yxií Sinaí, ñayguëxici tüg ángel jinjoty ma tüg quipymang huidibi anajty tzachtooyb.

31 Chi Moisés ooy jihuiy huinmaay mid je' ycixpi huidibi anajty y'ijxyp. Co oy mihuingoñ, chi midoy co je Huindzin Dios ñimäyii:

32 “Ñich Dios huidibi mmij'ap mmijteedy ajcxy Abraham, Isaac etz Jacobo Dios'ajtpy.” Chi Moisés chiyuygoty, ca' anajty ocjac-huindicxpedaani.

33 E je Huindzin Dios ñimaayi: “Jen mgig, com je it ma miich mdinäy, Dios yi' y'it.

34 Ñich ti n'ixyich njäyich nej tzaachypi paatcixy jim Egipto. Ti nmidooyich co yi'ajcxy yäxy ytinäy mid je tzaachypi ycixpi. Ti ngidägyich co ajcxy ngohuaanip. Ñich miich nguexamyb jim Egipto ma yi Israel jäy ajcxy.”

35 Chi Esteban yjacmínañ:

—Co Moisés oga'n ñicxy ma ñich ajt nmij'ap

nmijteedy ca' ajcxy cöbijcy huen y'ane'miyyb, chi ajcxy yminañ: “¿P'in ti xyñimäy co ñch miich ajcxy nhuindzin'adiyyb?” Co mimetz'ocpi Moisés ñicxy ma yi Israel jäy, je taabi anajty je ángel ti ymigapxyii jinye'ñ agujc, chi ajcxy cöbijcy.

³⁶ Je Moisés je' yajpidzim ñch ajt nmij'ap nmijteedy jecy'ajty jim Egipto. Moisés ytuun oy mijhuinma'ñ etz ijxpejt huixchiguïpx jimijt jim Egipto, jim ma tzaptz mejoy, etz jim ma mijtigiduum.

³⁷ Je Moisés huidibi jecy'ajty nimay je Israel jäy: “Dios y'ijxtihuipy tüg jäy ma miich ajcxy m'ap m'oc huidibi najtzcapxihuipy yi' y'ayuc, jadu'n nej ti xy'ijxtiyyich ma miich ajcxy. M'amido'ijtip ajcxy yi' y'ayuc.”

³⁸ Je Moisés jim je' anajty mijtigiduum mïd je mayjäy. Chi jim je Dios y'ángel mïd miydacy ma je cop huidi yxii Sinaí, etz Moisés yajnax Dios y'ayuc ma ñch ajt nmij'ap nmijteedy. Moisés ycöbijc Dios y'ayuc huidibi jugy'ajtín huinixibi mïd, etz jayhui'my mïd ñch ajt ycxipi.

³⁹ Chi ñch ajt nmij'ap nmijteedy ajcxy jecy'ajtpy ca' anajty ajcxy capxcöbigaangixy Moisés, ca' anajty cöbijccixy je' y'ané'min, chachhuimbidaangixy jim Egipto.

⁴⁰ Chi ajcxy Aarón nimay: “Ndzojcypich ajcxy co miich oydun tüg Dios huidibi ñch ajcxy xyhuinhuoohuip, com ca' nnejhuuyim ti jada' ti yjadyii je Moisés huidibi ajt xyajtzoonim Egipto ñaaxjot.”

⁴¹ Chi oyduñ ajcxy tüg huajmang. Chi huindzigiiy ajcxy je huajmang huidibi anajty ti yajcojcixy, e ooy ajcxy mijotcuyc'ajty huidibi ci'm

anajty ti yajcojy.

⁴² Huin'it xii ajcxy Dios y'ixmajtzi, huen ajcxy ojadaty yi xii, yi po' etz madza'. Com jadu'n Dios y'ayuc cojaaybi cojaay co Dios jadu'n ymĩnañ:

Israel jāy ajcxy canan iich je' huidibi ti
mhuindzigiiygixy jim mĩjtigĩduum
huixchigũipx jimĩjt.

⁴³ Ti mgiynĩcxcixy Moloc ytijc etz yi Renfán ymadza', tzadzech, quipychech etz oori oyduñ huidibi miich ajcxy ci'm myajcoj huidibi anajty ajcxy m'ojadadamy. Paady iich miich ajcxy nyajpidzimaangixy ma yi mnaaxjot, e nguexaangixy jiguem jim Babilonia ninaxy.

⁴⁴ Chi Esteban yjacmĩnañ:

—Jim mĩjtigĩduum iich ajt nmij'ap nmijteedy ymĩd anajty cochactijc ma anajty ajcxy Dios huindzigĩy. Jiiby anajty ajcxy yujcciy je tzaa ma Dios ytiy'ajt ycojaayity. Je cochactijc ajcxy ycoj jadu'n nej anajty ti yaj'ane'myii Moisés, e nej anajty yajni'ixiyii nej tunipy.

⁴⁵ Iich ajt nmij'ap nmijteedy mĩhu'i'm je cochactijc, e iich ajt nmij'ap nmijteedy huidibi miiñ ma jada naaxjot mĩd Josué, chi mĩmiiñ ajcxy je cochactijc je taab ajcxy mĩmadacy je ymĩdzip canaag'agajp. Dios yajpidzim je' ajcxy ymĩdzip ma je naaxjot, jigix yajcidigĩhuip iich ajt nmij'ap nmijteedy. Yajtuuñ ajcxy je cochactijc, ixti cooni David ytigĩy ane'mbi.

⁴⁶ Dios yjāygĩdaac je rey David, e David yjacoja'ñ anajty tũg tijc oyduñ ma jēbi yaj'ojadaty

yajhuindzigiñy Dios, je Dios huidi Jacob mijpidac jecy'ajty.

⁴⁷ Per Salomón je' oy cojy Dios ytijc.

⁴⁸ Oy yi Dios tzajpjotypi ca' chinäy ma yi tijc tiibi jäy cojy. Jadu'n nej je Dios y'ayucnajtzcaxiñybi jecy'ajty jaybety co Dios jadu'n yminañ:

⁴⁹ Je tzajp hue' je' ñich n'ane'mdac, jada naax-huññybi ñich ndecypocxtac. ¿Ti tijc ñich miich ajcxy xycojaanip? ¿Ma je it huidibi it ma ñich jébi nbocxy?

⁵⁰ ¿Nej cay ñich ti n'oydundäy tüg'óciy?

⁵¹ Miich ajcxy ooy mjetjuuñity, ca' mgapxymidoy Dios. Jadu'n Esteban yjacmīnaañ:

—Jadu'n miich ajcxy mjet mhuinma'ñ mīdity jadu'n nej jäy ajcxy huidibi ca' Dios ytiy'ajt nejhuiyi. Miich ajcxy játyim midzip'ajtpy je Espíritu Santo. Mdügiñybi ajcxy mīd mmij'ap mmijteedy.

⁵² Miich ajcxy mmij'ap mmijteedy chaachytuun tüg'óciy Dios y'ayucnajtzcaxiñybi. Yi' ajcxy yaj'o'c Dios y'ayucnajtzcaxiñybi huidibi jayijp'aty najtzcaxiñy co ymina'ñ tüg jäy huidibi tudägyip. E co je tudägy jäy ymīñ, chi miich ajcxy agojñx myaj'o'cy.

⁵³ Je Dios y'ángel miich ajcxy xymooy je Dios ytiy'ajt, e ca' ajcxy mgöbijcy.

Yajtzaagögätzciy Esteban

⁵⁴ Co je mayjäy midoy jadu'n nej Esteban yminañ, chi ajcxy mijotmätcoty Esteban, chi ytiñybi ajcxy tītzmucxpī tītzqueetpi.

⁵⁵ E chi je Esteban jihuñy je Espíritu Santo ma yjot yhuinma'ñ, chi chajp'ijxy, e ijxy yi Dios y'oy'ajtñ etz ijxy Jesús ytinäy a'oy'amy ma Dios Teedy.

⁵⁶ Chi Esteban nimay je mayjäy:

— ¡Ijxcix! N'ijxypich yi tzajp ahuädz, e n'ijxypich je jäy huüdibi tzoon tzajpjoty ytinäy a'oy'amy ma Dios Teedy.

⁵⁷ E chi je mayjäy ajcxy ytätz'ac amo'cxy, chi ajcxy ytiḡy huambi jihuüybi, e chi ajcxy nimujcy yajmujcy Esteban.

⁵⁸ Chi ajcxy yajpidzimy Esteban cajppa', je' oy cögätzcixy. Je tiy'ajt yejcpí huüdibi jadu'n idütz, chi yjocxhuit ajcxy yajmihui'my tüg yeeg'anäg huüdibi anajty yxü Saulo.

⁵⁹ Jim anajty ajcxy Esteban tzachcätzcixy. Chi Esteban Dios mibijctzoy, ymíñañ:

— Huindzin Jesús, cöb'ijcigich n'alma.

⁶⁰ Huin'it ycoxtinay'ahuüy, e chi yaaxqueegy mic ymíñañ:

— Huindzin, ca' mbocy ixipy nej ajcxy xytuñich. Co jadu'n Esteban ymínanday, chi oy y'ögy.

8

Saulo pahüidijttägy ooy mibijcpidijc

¹ Saulo ytuun quipxycapxy mäd huüdibi ajcxy yaj'o'c Esteban.

Huin'it xü yaj'ixhuidijt yajpahuidijt pinjaty anajty Jesús mibijcp jim Jerusalén. Tüg'óciy je jäy ajcxy huüdibi Jesús mibijcp anajty yqueecuäcxtay, ñicxy ajcxy jim Judea ñaaxjot etz Samaria ñaaxjot. Jëyi je majmetzpi apóstoles ajcxy jac-hui'müy.

² Nijëjity yëydijc huüdibi Dios huindzigüyb oy yajnaxtigüy Esteban. E ooy ajcxy jotmay jihuüy, yaaxy ajcxy mäd je' ycixpi.

3 Chi Saulo ooy ixhuidijtcoty pahuidijtcoty huidijaty Jesús mibíjciꝑ etz tíjc tíjc anajty yajpidzimy pahuich pajuguty yéydíjctíjc etz töxyjäydíjc, e pidaaccíxy anajty pujxtígoty.

Jim Samaria ajcxy capxhuäcxy Dios y'ayuc

4 Je huidi ajcxy queec-huäcxtay ycapxhuäcxyp anajty ajcxy Jesús y'ayuc huen tim ma'amy huidijtcíxy.

5 Nidügti huidibi anajty yxii Felipe ñicxy jim Samaria, ytigíy y'ayuccapxhuäcxpi, yajnimay ajcxy Cristo ytiy'ajt.

6 E je jäy ajcxy ñayyöymujci nidüg'óciy ajcxy y'amido'ijtcíxy janch amoñyi jadu'n nej Felipe anajty ymiydägy e ijxyp anajty ajcxy je mijhuinma'ñ huidibi Felipe anajty ytumyb.

7 Com may anajty jäy jim huidibi mïd ca'oybi ma yjot yhuinma'ñ, e tzoocp anajty ajcxy. E co je ca'oybi anajty ypidzimy ma je jäy, chi je jäy ooy yjacyaaxqueecy. Etz nañ mayjäy anajty chögy huidibi ca' yci' ytecy yücxy etz tecyma'tpi.

8 E jadu'n je mayjäy ajcxy anajty jim ooy yjotcujcity.

9 Jim anajty tüg yéydíjc huidibi anajty yxii Simón huidibi anajty ti ni'ixpiğıy huijyjäy huinma'ñ, e ooy anajty may Samaria jäy huin'ñ, ymina'ñ co je' anajty ymijty yjanchity.

10 Tüg'óciy jäy anajty oy amido'ijtcíxy Simón y'ayuc, pi'ctíjc etz mij'anäctíjc, e yminaangíxy:

—Jadayaabi yéydíjc ymïd jada Dios ymíc'ajt.

11 Ooy anajty je jäy ajcxy Simón mijnicxpejtcíxy, com mïd je mañ'ajt anajty jecy ti chachhuin'ñigíxy.

12 Co je Samaria jäy mibijcy je ayuc jadu'n nej Felipe ñimiydacy Dios y'ané'min etz Jesucristo, chi ajcxy ñibejty yéydijctijc etz töxyjäydijc.

13 Etz je Simón, je huijyjäy, nañ jadu'n mibijcy e ñibejty. Chi Simón puyöyiy Felipe, ooy jihuüy huinmaay jadu'n nej je mijhuinma'ñ huídibi anajty Felipe ytumyb etz jadu'n nej anajty Dios ymic'ajt ijxi.

14 Co ajcxy je majmetzpi apóstoles ajcxy, huídi anajty jim Jerusalén, nejhuüy co je Samaria jäy anajty ti cöbijccixy Dios y'ayuc, chi ajcxy quejxy jim je Pedro etz Juan.

15 Co Pedro etz Juan yja'ty jim Samaria, chi ajcxy Dios mibijctzoy miid je mibijcpidijc ycixpi, jigix ajcxy ymöhuiyb je Espíritu Santo.

16 Com ca'ni anajty je' ajcxy ñicidägyii, jëyi anajty ti ñibejtciyx ma Huindzin Jesús yxi.

17 Huin'it Pedro etz Juan cñixajy ajcxy, e chi je Espíritu Santo y'adigiy yjottigiy ajcxy.

18-19 Co Simón ijxy co je Espíritu Santo y'adigiyii yjottigiyii co yi apóstoles ajcxy ycñixajy, chi Simón yaj'ahuanüy je' ajcxy meeñ, yminañ:

—Mooygich nañ jadu'n yi mic'ajt jigix co ngñixájibich hueñypinity nañ jadu'n jëbi ajcxy je Espíritu Santo y'adigiyii yjottigiyii.

20 Chi Pedro nimay Simón:

—Mi'ög'huipy miich mmeñ, miid co mhuinma'ñ ti mbidägy co meeñygix mbada'ñ je huídibi Dios ñiyejcp.

21 Com miich ca' xypaady jadayaabi tung, com miich mjot mhuinma'ñ ca' ytudägitu ma Dios.

22 Jothuimbit e ixmatz yï mjibic-huinma'ñ, e mibijctzou Dios, ca' jécyity xyhuinmeecxipy jadu'n nej jibic mjot mhuinma'ñ mmidity.

23 Com janch ta'm miich mjot mhuinma'ñ, e yï jibicpi hue' xymidity mach.

24 Chi Simón y'adzooy:

—Mibijctzou je Huindzin Dios mid ich ycixpi, jigix ca' ti xyjadipyich jadu'n nej miich ti xynimäyich.

25 Co Pedro etz Juan tiy'ajt yejcy etz capxhuäcxy Dios y'ayuc jim Samaria, chi ajcxy yhuimbijty jim Jerusalén. Chi ajcxy canaag agajp ñaxiy jim Samaria ñaaxjot, e capxhuäcxy Dios y'ayuc nej ajcxy y'alma nidzoocin paadipy.

Felipe mid je Etiopía jäy

26 Huin'it xii Huindzin Dios y'ángel migapxy je Felipe, nimay:

—Tzoon ya, nicx ma madzäcruudz ypidzimy, ma je tü'aa huidi tzomb jim Jerusalén huidibi nicxp jim Gaza.

Je' je' je tü'aa huidibi adügtuum najxp.

27 Felipe tim janitzon e ñicxy, e tü'am naybaatti mid tüg Etiopía jäy. Hue' je' anajty eunuco, mjtungmid jim Etiopía. Yi' je' tesorero'ajt anajty ma je töxyjäy huidibi anajty yxii Candace huidibi anajty ane'mb jim. Je eunuco jim anajty ti y'oy Jerusalén Dios ojadjtp.

28 E chi yhuimbijtni anajty ma ycajp, iñayb anajty carretijoty yam chachnecycapxy. Hue' anajty chachcapxyp je Dios y'ayuc huidibi Isaías ycojaay.

29 Chi je Espíritu ñimay Felipe co huen nicxy najtzpadïy je carreti ma je eunuco anajty y'iñäy.

30 Co Felipe mihuingoñ je carreti, chi midoy co je jäy anajty capxy je necy huidi Isaías yjaay, chi y'amidooy:

—¿Nej mhujnhuiyib huidibi mgapxyp?

31 Chi je jäy y'adzooy:

—¿Nej ich nhujnhuipy pen ca' pin xyajnimäyich?

Chi je eunuco nimay je Felipe co huen mid inäyii carretijoty.

32 Je huidibi anajty je eunuco chachcapxyp jadu'n je' anajty ymina'n:

Jadu'n ajcxy nicxy yaj'ögy nej jäy borregi nicxy yaj'ögy. Je' amon'ijty jadu'n nej borregi amon'ity co jäy nime'pxy. Ni tüg'aa huam ycaminañ.

33 Ti jäy yajtzöyduñyii, ca' ajcxy a'ixiy co yjanayñigapxtüdaani. Ni y'ap y'oc ycaca'ty pin ocni gapxtüdiib. Co yaj'öci, chi chooni ya naaxhuiñ.

34 Chi je eunuco y'amidooy Felipe:

—Tunmay'ajt yajnimaygich pin jada ayucnajtzcaxiybi ñimiydacy, ¿ci'm ñayñimidyägyii o ji jada huingbi pin nimiydacy?

35 Chi Felipe yajtzondacy je ayuc capxticxin ma jadayaabi Dios y'ayucjoaybi ñecy. Chi yajmüdmiydaaci nej Jesús yajty y'ayoy.

36 Co ajcxy ñajx ma tüg ni, chi je eunuco yminañ:

—Cha ni, ¿nej ca' ich jëbi huaad nñibetyi?

37 Chi Felipe y'adzooy:

—Pen mmibijcpy Jesús mid tüg'óciy yi mjet mhujnma'n jëbi mnñibety.

Chi je jäy y'adzooy:

—Nmibijcpiych co Jesucristo Dios yi' y'ung.

³⁸ Chi je eunuco nimay je carretî huindzin co huen yajtinayxipy je' carretî. Chi nimetz ajcxy ñicxy ma ñi, e chi Felipe yajñibejty je eunuco.

³⁹ Co ajcxy ñibidzimy, chi je eunuco ijxtigoy je Felipe. Jadu'ñyi je Huindzin Dios y'Espíritu yajñicxi. E chi je eunuco ytü yajyöyñi jotcujc.

⁴⁰ Felipe yajpaty jim Azoto, chi ñajxy cajp cajp capxhuäcxi Jesucristo y'ayuc ixti yja'ty jim Césarea.

9

Saulo yjothuimbijty

¹ Ooy Saulo tzach'ixhuuidijty pahuidijty Jesús yjäy, y'ahuändacy ooy, e yaj'öga'ñ anajty ajcxy. Paady oy ixty je teedy miltungmüdpî,

² pijtzoj cötújcîn, co anajty ñicxa'ñ jim Damasco ma yi judíojäy ajcxy ñaymujctac, madza'ñ pinjaty Jesús y'ayuc mibijcip. Saulo yajmiina'ñ anajty ajcxy mach jim Jerusalén huen yëydijctijcity huen töxyjäydijcity.

³ Jim anajty Saulo ñicxy mihuingoñ je Damasco cajp. Huin'it jotcömoñyi je ticxin huidi tzomb tzajpjoty, ñigidaaci jühuidity je Saulo.

⁴ Huin'it Saulo yciday, e midoy co ñimäyii:

—Saulo, Saulo, ¿na'amy co xychach-pahuidijttägyich?

⁵ Chi Saulo yajtiy:

—¿Mbin miich, Huindzin?

Chi midoy co y'adzoyii:

—Ich je' Jesús, je huidibi miich mdzach-pahuidijttacpy, ci'm nayyajtzaachytunyii

jadu'n nej huajyuub co jįjpconebi'y huidi mįid
ńuumygyyii.

⁶ Chi Saulo chiyuygoty chachchigįy, e ymįnań:

—Huindzin, ęti mdzojcpy ndunįpyich?

Chi je Huindzin Jesůs ńįmaayi:

—Pidęg etz nicx cajpjoty, e jįm nyajnimąhuiipy ti
jębi mduń.

⁷ Je yęydįctįjc huidibi anajty Saulo ymįd ooy
ajcxy ńay'adzįgyi, co mįdoy je' ajcxy ayuc e ca'
ajcxy ni pįn ma y'įjxy.

⁸ Chi Saulo ypidęgy, e co huindįcxįcni ca' pįn ma
oc'įxnį. Chi ajcxy majch Saulo ma yci', e chi ajcxy
huijtnįcxy jįm Damasco.

⁹ Tugįg xįi Pablo jįm y'įjty huiintz, ca' ycaay
y'uucy.

¹⁰ Jįm Damasco anajty tųg yęydįjc chinąy huidibi
Jesůs y'ayuc mįbįjįcip, huidi anajty yxįi Ananías,
cumąyjoty Dios ńįmaayi:

—įAnanías!

E chi je' y'adzooy:

—Cha ńch, Huindzin Dios.

¹¹⁻¹² Chi je Huindzin Dios ńįmaayi:

—Pidęg, nicx ma je tų huidibi yxįi Derecha, e
jįm ma Judas ytįjc yajtįu tųg Tarso jąy, huidi yxįi
Saulo. Dios mįbįjįctzoob je' jįm cham, cumąyjoty
ti huin'įjxy tųg yęydįjc huidi yxįi Ananías, co oy
ńįmińyii, e ycińįxajįy jįgįx y'įjxįgįp jadųg'oc.

¹³ Chi Ananías y'adzooy:

—Huindzin Jesůs, mayjįy ti xyajmįdmįydągyich
ajcxy jadu'n nej yi Saulo jįbic y'idęch jįm Jerusalńn
mįd mįich mjįy ajcxy.

14 Jadachambi ti mimiñ ya je necy, ma teedy mjtungmüdpí ti ycötujcmöyíi, co huen majtztäy je jäy, e yajnicxtähuiipy jim Jerusalén, tüg'óciy pinjaty ojadajtp miich mxii.

15 Chi je Huindzin Jesús nimay Ananías:

—Nícx, com ti ñich nhuin'ixy yijibi yéydíjc, jigix ñich nxii etz n'ayucich capxhuäcxipy ma tüg'óciy naax cajp huídi ca' yjudíojäyity, etz ma yi reydíjc, etz nañ jadu'n ma yi judíojäy ajcxy.

16 ñich yi' nyajnimähuiipy tüg'óciy, nej ayo'n yaj-naxipy müd ñich nxii ycixpi.

17 Chi Ananías ñicxy ma Saulo anajty ti yjättägy, co ytigiiy tigoty, chi cñixajy Saulo, e chi nimay:

—Migüg Saulo, je Huindzin Jesús huídibi nayguëxíci jim tü'am ma miich anajty miiñ, yi' ti xyquexyich jigix m'ijxigipy jadüg'oc, etz je Espiritu Santo xyñidigihuip xycödígihuip.

18 Mic'amy ycäy ma Saulo yhuin jadu'n nej acx ñimeeñ, chi y'ijxígy. Huin'it Saulo ypidígy e chi yajñibejtí.

19 Chi Saulo ycaay y'uucy, e chi ymic'pijcy jadüg'oc. Chi jim müd'ijty jecy huídibi ajcxy ixpijciy Jesús y'ayuc jim Damasco.

Saulo capxhuäcxy Dios y'ayuc jim Damasco

20 Chi janch mic'amy Saulo ytigiiy Dios y'ayuccapxhuäcxp ma je judíojäy ajcxy ñaymujctac jim Damasco, ymínañ co je Jesús hue' je' Dios y'ung.

21 Tüg'óciy pinjaty anajty midoohuip Saulo y'ayuc, ooy ajcxy jihuüy huinmaay, etz ñayñimáayigixy:

—¿Nej ca' jada' yjējity je huídibi tzachya-jcōdigoyam yí jāy ajcxy huídibi Jesús yxii miyaax ojadajtip jim Jerusalén? ¿Nej ca' jada yjējity huídi anajty ti ymiiñ ya jāy ymajtzpi, e nicxy cīyega'ñ ma teedy mijtungmīidpi?

²² Je Saulo capxhuacxip anajty Jesús y'ayuc huinmic jotmic, e nigapxtāy co Jesús hue' je' je Cristo, chi yí judío jāy ajcxy huídi anajty jim tzinaayb Damasco cijx ajcxy yhuinma'ñ tigoydāy.

Saulo yqueecy ma judío jāy ajcxy

²³ Ti anajty hueeni xii tiempo ñajtznīnicxiyñi, chi je judío jāy ajcxy ñaygapxi co yaj'ōgaangixy je Saulo.

²⁴ Saulo ñejhuiy co anajty yaj'ōga'ñyii. Chi jim anajty ajcxy y'ahuixyii xim tzuum ma je poch aguú cajppābi, jim anajty yaj'ōga'ñyii.

²⁵ E je jāy ajcxy huídibi anajty ymījpidacpy Jesús, chi je' ajcxy codīyñajxy je Saulo mijcachjoty ma je pochycop huídi je cajp mīd jūbojtz'ahuidityty, e jadu'n je' choocy.

Saulo yajpaady jim Jerusalén

²⁶ Co Saulo yja'ty jim Jerusalén, oy japuyōyīhuaañ je mībijcpīdijc ajcxy. Nidüg'óciy anajty ajcxy ooy tzigīyigixy anajty com ca' anajty mībijccixy co je Saulo ti anajty yjothuimbity.

²⁷ Chi Bernabé yajnicxy Saulo ma je nimajmetzp apóstoles ajcxy yajpaady, e chi yajmīdmīydactay nej Saulo anajty ti ixty je Huindzin Jesús tū'am, e nej anajty Saulo Jesús y'ayuc ti capxhuācxi huinmic jotmic jim Damasco.

²⁸ Huin'it Saulo yhui'my jim Jerusalén, e mīd huídity anajty ajcxy.

29 Aamic jotmic capxhuäcxy je Huindzin Jesús y'ayuc, etz müd miydaaccixy e ñaymicmigápxiği xy müd je judíoja y huídibi griego ayuc capx. E je' ajcxy ni huinmayi yb co yaj'ögaangi xy.

30 Co je mi b i j c p i d i j c nejhu i y, chi ajcxy yajnicxy je Saulo jim Cesarea, e chi ajcxy quejxnajxy huen nicxy jim Tarso.

31 Huin'it tiempo je' ajcxy huídijaty mijpidacp Jesús, jotcujc anajty chinaaygi xy, e ni gi ana jty ixpijc'idich Dios y'ayuc ytiy'ajt, jadu'n nej yi huídibi ajcxy tzinaayb ma yi Judea ñaaxjot, Galilea ñaaxjot, etz Samaria ñaaxjot. Chi ajcxy ooy yajmij'ajtcixy je Huindzin Jesús, e müd je Espiritu Santo ypubéjtin, ni gi anajty yjacmayi ygi xy.

Pedro yajtzoocy Eneas

32 Co anajty Pedro yhuídijty cogapxi y cajp cajp je mi b i j c p i d i j c ajcxy, y'oy nañ jadu'n ma je mi b i j c p i d i j c ajcxy huídibi tzinaayb jim Lida.

33 Jim minaybaatti tüg yëydijc huídibi anajty yxi i Eneas, huídibi anajty ti ypa'm'ijtni tuctujc jimijt, hue' je' anajty ycixuxy ytecyxuxy.

34 Chi Pedro nimay:

—Eneas, Jesucristo xyajtzoocp, pidig, etz yajpidig yi mmaabejt.

Chi Eneas mic'amy ypidigy.

35 Chi ijxy tüg'óci y jäy huídibi tzinaayb jim Lida etz Sarón. Chi ajcxy yjothuimbijttay nidüg'óci y, ixmajztay tüg'óci y yi ñi'ap huinma'ñ e jijptigi y i y yi Huindzin Jesús y'ixpijcin.

Co Dorcas y'o'cy, chi yjugypijcy jadüg'oc

³⁶ Je huin'it tiempo jim Jope, jim anajty tüg töxyjäy chinäy huidibi mibijcp Jesús, hue' anajty yxi Tabita, je' huidi griegojäy ytijyp Dorcas. E je Dorcas oy xi tiempo anajty yajnaxy mi'oyjäy'aty yi jäy ajcxy.

³⁷ Jadu'n yjajtí huin'it tiempo Dorcas ypa'mbejty, e chi ytimy'o'cy. Co ajcxy yajtziiday, chi ajcxy je öcpi yajnicxy ma je tijc mimejtnihuijtzpetypi.

³⁸ Je Jope cajp naymihuingon'ájtíp anajty mïd Lida cajp ma anajty Pedro yajpaady, co mibijcpidijc ajcxy anajty nehuiy co je' anajty yjímity, chi ajcxy mejtz yëydijc quejxy co huen nimäyii:

—Min tzojc ya Jope.

³⁹ Huin'it Pedro ñicxy mïd je' ajcxy. Co jim yja'ty, chi ajcxy yajnicxy ma je tijc mimejtnihuijtzpetypi, e jim anajty ajcxy je co'ögy töxyjäydijc ajcxy ytinayjuhuidityi ma je öcpi, chachyaaxcixy. Chi ajcxy Pedro yaj'ijxy je huit nïjen huidibi Dorcas anajty ti yaj'oyïy co anajty yjugy'atyñi.

⁴⁰ Mic'amy je Pedro quejxpídzimday je jäy ajcxy. Chi ycoxtinay'ahuïy, e Dios mibijctzoy. Chi huindicxpejty je öcpi, nimay:

—Tabita, pidig.

Huin'it Tabita yhuindicxïgy, e ijxy je Pedro, chi iñaygugïy.

⁴¹ Chi Pedro majtzi yci', e chi huijtzïgy. Chi yaaxi ymigügtijc etz co'ögytöxyjäydijc ajcxy, chi ajcxy yajcidigïy juugy.

⁴² Tüg'óciy jäy ajcxy jim Jope nejhuiyday co Pedro yajjugypijcy je Dorcas. E mayjäy mibijcy je Huindzin Jesús.

⁴³ Jadu'n yajty co Pedro y'ijty jim Jope canaag xii ma je coodzpi ytijc huidi anajty yxii Simón.

10

Pedro etz Cornelio

¹ Jim Cesarea anajty tüg tungmüdpí huidi anajty yxii Cornelio, hue' je' anajty capitán'ajtp ma tüg batallón soldado ajcxy yxii jip, la Italiana.

² Je Cornelio ooy anajty ytudägyity, etz je' müd tüg'óciy y'ung ytöxyijc ooy anajty yajmij'ajtcixy Dios. Je Cornelio nañ jadu'n ypubety müd meen je judíojäy ayoobtjic, e je' Dios ojadajt anajty jabom jabom.

³ Tüg xii, minacyxii anajty, Cornelio huin'ijxy janch huadz Dios tüg y'ánel ñigidaaci, e ñimaayi:

—¡Cornelio!

⁴ Chi Cornelio huindicxpejty je ánel janch tzigüyb anajty, e chi yajtüy:

—¿Ti Huindzin?

Huin'it je ánel y'adzooy:

—Jadu'n nej mDios'ojadaty etz jadu'n nej mbubety ayoobtjic ti Dios jäygidägy.

⁵ Quex mjäy jim Jope, huen nicxy yajtzoñ Simón, huidibi nañ jadu'n yajtijp Pedro.

⁶ Jim je' yja'ttacy ma jadügpí Simón, je cootzpi huidi ytijc mihuingon mejypa'. Je Pedro xyajnimähuiy ti mdunipy.

⁷ Co je ánel ñicxni huidi anajty ti ymígapxyii, chi Cornelio yaaxi mejtz ytumbí, etz tüg soldado

huidi Dios capxymidoob, etz huidibi je Cornelio ooy ymijnicxpedyii.

⁸ Chi yajmimidmıydactay nej je ángel ñımaayi, chi ajcxy quejxy jim Jope.

⁹ Com jabom jim anajty je quejxyöybi ajcxy ñıcxy mihuingon Jope, cujc yxii anajty, e chi Pedro ypejty ma tijcnıcx Dios ojadajtp.

¹⁰⁻¹¹ Ooy Pedro anajty yuubögyii, e ooy jacaya'ñ, jimni anajty yjııcxy yaj'oyıyii. Chi Pedro huin'ixy je tzajp ahuädz, e huin'it ijxy quidägy jadu'n nej poob huit mijpi yxóchity majaty ytaatz.

¹² Jiıby ma je poob huit, jiıby anajty canaagnax iyujc huıdjaty mıdaax yci' ytecy etz tza'ñ etz joon.

¹³ Huin'it Pedro midoy co anajty ñımäyii:

—Pedro, pidıg nıcxy yaj'ög yi iyujc etz tzüdz.

¹⁴ Chi Pedro y'adzooy:

—Ca', Huındzin, camınaabi ııch ti njıcxy huıdibi jıbícip etz huıdibi ca' ñıgödúcyıty nıcxy judıójäy jııcxıcy.

¹⁵ Huin'it jadüg'oc ayuc midoy ñımäyii:

—Huıdibi Dios yajhuäch ca' huaad mdıjy co yi' yjıbıcity.

¹⁶ Tugııg'oc jadu'n yjajti, chi je poob huit ypättıgııyñi tzajpjoty.

¹⁷ Jim anajty Pedro tzachhuınmay nej anajty yhuımbıdzımy je tııbi ıxy co yja'ty ma tijc aguu je Cornelio yquexyöybi huıdi ajcxy anajty nidııhuıp yajtııhuıp je Simón ytıj.

¹⁸ Chi ajcxy mıc ycogapxııy yajtııy pen jim anajty yjättägy Simón huıdibi anajty nañ jadu'n yajtıjp Pedro.

19 E je Pedro je' anajty chachhuinmaayb t̃ibi ixy, chi je Esp̃ritu Santo Pedro ñimaayi:

—Tug̃ig ỹydijc ji xy'ixtäy.

20 Pid̃ig e minac, nicx m̃id je' ajcxy, e ca' ti mhuinmay, com ñch jadu'n ti nnimäy co huen xy'ixtäy.

21 Huin'it Pedro yminajcy ma je' ajcxy, je Cornelio quexyöybi, nimay ajcxy:

—Ñich je' huidibi miich ajcxy m'ixtaayb, ¿ti yciñpi co ti mmiingixy?

22 Chi ajcxy y'adzooy:

—Yi' ñch ajcxy ti xyquexyich yi Cornelio huidibi capitán'ajtpi, je' tudägy jäy huidibi Dios yajmij'ajtp, je huidibi t̃üg'óciy judíojäy ooy tzójccixy, etz cömaaygixy. Huindzin Dios t̃üg y'ángel ñimay Cornelio co miich miñ nyajhuoy, jigix mñicñip ma yi' ytijc, e y'amido'ida'ñ ajcxy nej miich myaj'ixpiga'ñ.

23 Chi Pedro yajtijctig̃iy je' ajcxy. Chi ajcxy jim ymaahu'i'my. Com jabom Pedro ñicxy m̃id je' ajcxy, e chi nij̃jity ypanicxi huidibi mijpidacp Jesús huidi anajty ajcxy tzinaayb jim Jope.

24 Com jabom ajcxy yja'ty jim Cesarea ma Cornelio anajty y'ahuixy t̃ügmucy m̃id yjugymig̃üg, etz nij̃jity pin ooy m̃id ñaymig̃üg'adyii, huidijaty anajty ajcxy jayijp ti nimäy.

25 Co Pedro oyjäty ma je tijc, chi Cornelio ytijcp̃idzimy oy yjijpcobad̃iy je Pedro, e chi ycoxtinay'ahuñiy yajmij'ada'ñ anajty je Pedro.

26 Chi Pedro huijztinaỹgy je Cornelio, e nimay:

—Tinaỹg, ca' xyajmij'ida'ñich, nañ jadu'n ñch njäyity nej miich.

27 Miid anajty ycapxy ymiydägy co ytijctigiy, jii by anajty mayjäy ni'amugi'ahuijxcixy.

28 Chi Pedro nimay ajcxy:

—Miich ajcxy mnejhuuyb co yi judíojäy ycostumbre capx'aducy ca' huaad judíojäy yöymucy miid huídibi ca' yjudíojäyity, ca' huaad ytigiiygixy ma ajcxy ytijc. Per Dios ti xyajni'ixiyich co ca' huaad nmına'ñich ca' oyjäyity huádzjäyity pınjaty.

29 Paady co oy ti xyajhuoyiijich ti nmiiñich, ni ca' huam ti nmına'ñich. Nnejhuñhuaamyich na'amy co oy ti xyajhuoyiijich.

30 Chi Cornelio y'adzooy:

—Cham ymimidaaxxiñy, jadu'n nej jadachambi hora, ya ñich anajty ma ndijcich, jaygay jay'ügy nDios'ojadatyich. Com hue' anajty mijminacy xi mına judíojäy ajcxy ycapxtaaccixy, co tüg ñayguëxiçi jadu'n nej jäy miid ypoob huit janch adicxp.

31 E je ángel xyñimaayich: “Cornelio, Dios ti xymidoohui m'oración e ti jadu'n jäygidägy jadu'n nej mbubety yi ayoobtjic ajcxy.

32 Quex mdumbi jim Jope, huen nicxy yajtzoñ Simón huídi nañ jadu'n yajtjip Pedro. Jim Pedro yja'ttägy ma je cotzpi ytijc huídibi yxi Simón, huídibi tzinaayb mihuingon mejypa'. Co je' ymiinipy, chi xymidmiydägipy.”

33 Paady nguejxyich janch mic'amy huen nicxy xy'ijxtäy. E ti may'ajt mduñ co ti mmiiñ. Jadachambi cha ñich ajcxy nidüg'óciy ma Dios yhuinduu. E n'amido'idángixyich tüg'óciy je y'ayuc huídibi je Huindzin Dios ti xyaj'ane'my jébi xyajniimaaygixy.

Pedro Dios ytiy'ajt nigapxy nimiydacy ma Cornelio ytiyc

³⁴ Huin'it Pedro ytiçiiy y'ayuccapxhuäcxpi, nimay ajcxy:

—Jadachambi huinjihuüybich, co yi Dios ca' ni tüg ix'y'ixy jäy, y'actzojctaayb hueñypinüty.

³⁵ Dios ycöbijcpy hueñypinjäyity huídibi tzinaayb huen huídibi naax huen huídibi cajpity, pen çhiçiiyb ajcxy Dios, pen tumyb oybi.

³⁶ Dios ti quexy yi' ytiy'ajt ma yi Israel jäy ajcxy, yajnimay co ji cham jotcujc'ájtin müd Jesucristo iich ajt nHuindzin.

³⁷ Müich ajcxy mnejhuüyb yajxon nej ti ytunyii ti yjadyii ma judíoçäy ajcxy ñaax ycajp chondacy jim Galilea, Juan el Bautista ti anajty capxhuäcxí Dios y'ayuc ytiy'ajt etz yjäyyajniibety.

³⁸ E mnejhuüyb müich ajcxy co Dios yejc je Jesús je Nazaretpi je Espíritu Santo, e nej Jesús yhuídijty e tuuñ oy'ájtin, etz miçhuinma'ñ, jadu'n nej yajtzocy je jäy ajcxy huídi anajty ane'm'ijtp ma yi mujcu'. Com Dios anajty müd y'ity je Jesús.

³⁹ Iich ajcxy je tiy'ajt nmüidich tüg'óciy jadu'n nej Jesús yjajty y'ayoy jim Judea naaxjot etz jim Jerusalén. Huin'it ajcxy Jesús yaj'o'cy cruudzcíxy.

⁴⁰ E Dios yajjugypijcy codugüçg xii, e çhi yaj-nayguëxíci ma iich ajcxy.

⁴¹ Ca' ti yajnayguëxígyii ma tüg'óciy jäy, jëyi ma iich ajcxy huídi jayijp Dios yhuin'ijx jigix tiy'ajt nyegipiyich. Iich ajcxy caaymujc uucmujc huin'it co yjugypijcy ma y'o'cy.

⁴² Ti xyquexy iich ajcxy ayuc ngapxhuäcxpi ma mayjäy ajcxy etz nidiy'ajt'adipiyich ajcxy co Dios

Jesús ti pidägy mij'ane'mbi ma yi juugypi etz ma yi ögypi.

⁴³ Nañ jadu'n jecy'ajty tüg'óciy Dios y'ayucnajtzcapxiiybi ñimiydac ajcxy Jesús, e ymíñañ ajcxy co tüg'óciy je jäy ajcxy pinjaty mibijc je Cristo, Dios huinmecxib ajcxy ypocy.

Je Espíritu Santo ycidacy ma je ca'pi ajcxy yjudíojäyity

⁴⁴ Yam anajty Pedro ycapxyñi co je Espíritu Santo ñidigiiyi ycödigiyyi ajcxy nidüg'óciy huidijaty y'amido'ijt Pedro y'ayuc.

⁴⁵ E je judío mibijcpidijc ajcxy tüibi anajty miiñ miið Pedro, ooy ajcxy jihuiy huinmay co Dios quejx Espíritu Santo ma je jäy ajcxy huidibi ca' yjudíojäyity,

⁴⁶ co midoy ycapxcixy miið huingbi ayuc, etz cömaygixy jäymejtzcixy Dios.

⁴⁷ Chi Pedro ymíñañ:

—¿Nej ca' jada' y'óyity co ñiibedipy ajcxy huidibi Dios ti ymóoyigixy je yEspíritu Santo jadu'n nej iich ajt xymooyim?

⁴⁸ Chi Pedro ni'ane'mdiy huen niibejtzcixy ma Huindzin Jesucristo yxii. Huin'it ajcxy Pedro co-huaniiy huen hui'my tüg xii mejtz xii miið je' ajcxy.

11

Pedro yajmiiðmiydacy jim Jerusalén nej anajty ti ytuñyii ti yjadyii

¹ Je apóstoles ajcxy etz je mibijcpidijc ajcxy huidi anajty ajcxy jim Judea, midoy ajcxy ayuc co nijëjity jäy huidi ca' yjudíojäyity ti anajty ajcxy cöbójciy Dios y'ayuc.

² E co Pedro yhuimbijty Jerusalén, chi nijëjity judíojäy ajcxy ogy Pedro, je' ajcxy huídibi tzachmijpidaaccixp judíojäy ycostumbre jadu'n nej ajcxy tiy'ajttiyygixy ymang.

³ Je' ajcxy nimay Pedro:

—¿Na'amy co oy ti mgo'ixiyy jäy ajcxy huídi ca' yjudíojäyity, etz ti mgay m'ügy mïd je' ajcxy?

⁴ Chi Pedro nimïydactay tüg'óciy jadu'n nej anajty ti yjaty, chi ymïnañ:

⁵ —Jim ïch anajty Jope nDios'ojadatyich. Chi nhuin'ijxyich jadu'n nej tüg mij poob huit chooñ tzajpjoty, cidägy ma ïch nhuinduu, xóchity anajty ma mïdaax ytaatz.

⁶ Co nnimijhuägyich n'ixa'ñich ti jiihy, chi n'ijxyich may iyujc, jiihy iyujc mïdaaxpi yci' ytecy, jiihy ahua'nbi iyujc, jiihy tza'ñ, etz joon.

⁷ Chi nmïdooyich tüg ayuc huídibi xyñimaaybich: “Pedro, pidig, yaj'ög yi iyujc etz tzüdz.”

⁸ Chi n'adzooyich: “Ca' Huindzin, com caminaabi ndzüchich iyujc huídibi ca' ñigo'adúcyity judíojäy ajcxy tzüdzipy.”

⁹ Chi mïmetz'ocpi tüg ayuc tzajpcíxy xyñimäyich: “Huídi Dios ti yajhuäch, ca' huaad mdijy co ca' y'oychú'tznity.”

¹⁰ Tug'ig'oc jadu'n yjajti, chi je poob huit ypättigiyñi tzajpjoty.

¹¹ Huin'it xyñimiiñich je quexyöybi nidugüg, chooñ ajcxy jim Cesarea.

¹² Chi je Espíritu xyñimaayich, co min n'ocnicxich mïd je' ajcxy, ca' ma ni ti nhuinmayipyich. Mïd nicxyich nidugüg

nmigügtijcich. Chi ñich ajcxy ndigüy ma je jäy ytijc.

¹³ Je codijc xyajmüdmüyaacich co je' anajty ti huin'ixy tüg ángel ma ytijc, ñimäyüi: “Quex mdumbi ajcxy jim Jope huen nicxy yajtzoongixy Simón huidibi jäy ytijpy Pedro,

¹⁴ e je' xyajnimähüip nej jëbi Dios m'alma xyanüdzooçip, miich etz tüg'óciy mjün mdijc mjuugymigüg.”

¹⁵ Co Jesús y'ayuc ngapxhuäcxtzondaacich, chi je Espíritu Santo nüdigüyüi ycödigiüyüi je' ajcxy. Tim jadu'n nej xyñüdigüyüm xycödigiüyüm je jayijp'atypi.

¹⁶ Huin'it njäymejtzcoodyich nej je Huindzin Jesús yminañ: “Janch Juan, je Bautista, jäy yajniibejt müd nü, e Dios jäy ajcxy y'adigihüiyb yjottigihüiyb je Espíritu Santo.”

¹⁷ Pen Dios ti ymöyüi je jäy ajcxy huidibi ca' yjudíojäyüty tú'ciy müd huidibi ñich ajt ti xymooyüm co nmibijcim Jesucristo. ¿Oçactim pin ñich co Dios nmüdzip'adiybich?

¹⁸ Je mibijcpidijc ajcxy jim Jerusalén, co ajcxy midoy Pedro y'ayuc, chi ajcxy y'amonday. Chi ajcxy Dios jäymejch cömay, chi ajcxy yminaangixy: “Dios jadu'n ti yminañ co je' ajcxy huidibi ca' yjudíojäyüty jëbi yjothuimbijtcixy, jigix Dios ymöhüiyb jugy'ájtin huinixibi.”

Antioquía jäy ymüdoo ajcxy Dios y'ayuc

¹⁹ Taabi jäy yaj'o'cy Esteban, chi jäy ajcxy ooy ixhuidijtcoty pahuidijtcoty Jesús yjäy jim Jerusalén. Chi nijjëjüty ajcxy yqueecy, nicxy ajcxy

jim Fenicia ñaaxjot, etz jim Chipre, etz jim Antioquía. E capxhuäcxy ajcxy je oybi ayuc ma jadyii judíojäy, ca' ajcxy jac ni pin yajnimay.

20 E nijëjity mibijcpidijc huídibi jim anajty ajcxy yconaaxip ycogájpip Chipre etz Cirene, chi ajcxy ñicxy jim Antioquía. Chi yajmüdmüydacy ajcxy je Huindzin Jesús y'ayuc müd griegojäy ajcxy.

21 E je Huindzin Dios ooy ypubejtí je' ajcxy, e ooy mayjäy ixmajch je jibic-huinma'ñ etz mijpidaaccixy yí Huindzin Jesús ytiy'ajt.

22 Co je mibijcpidijc ajcxy jim Jerusalén midoogixy jada ayuc, chi ajcxy quejxy Bernabé jim Antioquía.

23 Co Bernabé jim yja'ty, chi ijxy jadu'n nej Dios anajty oy'ájtín tí tuñ, chi oy yjotcugüy je Bernabé. Chi capxhuijy tüg'ócüy co huen ajcxy janch cixyot huinjot cuyduuni yí Huindzin Jesús y'ayuc ytiy'ajt.

24 Com Bernabé ooyjäy je' anajty, e ooy mijpidägy Dios y'ayuc etz ooy müdity je Espíritu Santo jotjoty huinma'ñyoty. Ymüd je' ycapxhuijin ooy mayjäy mijpidacy Jesús y'ayuc ytiy'ajt.

25 Co jadu'n yjajti, chi Bernabé oy ixtay Saulo jim Tarso, e co paty, chi müdmüñ Antioquía.

26 Jadu'n yjajty jim ajcxy y'ijty tüg jimijt, yaj'ixpijccixy je mayjäy huídibi ajcxy jijptigiyüy je Jesús y'ixpijcin. Jim Antioquía oga'n yximoy cristiano, je jäy ajcxy huídibi mijpidacp Jesús.

27 Huin'it tiempo nijëjity tiy'ajtnajtzcapxiybi chooñ Jerusalén ñicxy ajcxy jim Antioquía.

28 Tüg huídi anajty yxü Agabo ytinay'ahuüy mayjäyoty, e chi je Espíritu Santo yajcapxi, e ymíñañ co mijyuu anajty ñaxcidäga'ñ huindu'ñybi

naaxhuiñ. E janch jadu'n yjajti taab anajty Claudio y'ane'my.

²⁹ Huin'it je mibijcpidijc ajcxy jim Antioquia pidacy ajcxy yhuinma'ñ co quexaangixy pubéjtin ma ymigügtijc ajcxy huidi tzinaayb jim Judea, jadu'n nej pubéjtin pin tim yega'ñ.

³⁰ E jadu'n ajcxy tuuñ. E je meen tiibi anajty ymucy yajmiguejxy ajcxy je Bernabé etz Saulo ma je mibijcpidijc tungmüdpi jim Judea.

12

Co Jacobo y'o'cy etz co Pedro yajpujxtijctigiyi

¹ Huin'it tiempo je rey Herodes yajmajtzi nijëjity Jesús yjäy, e chi yajtzaachytuuni.

² Chi ni'ane'mdiy huen yaj'ögyii müd espada je Jacobo, je Juan y'uch.

³ Co je rey nejhuüy co je judíojäy ajcxy jadu'n ooy jäygidaaccixy, chi ymajtzi Pedro nañ jadu'n. Hue' jadu'n yjajti xijoty, je xi mina tzajcaagy caaygixy huidi ca'pi ylevadura müdity.

⁴ Co Pedro yajmajch, chi yajpidacy pujxtigoty. E chi je rey ane'my co huen midaaxpicy soldado ajcxy cuend'adyii, tügpicyjaty midaax soldado ajcxy. Hue' anajty je rey ti huinmay xinaxy anajty tiyduna'ñ Pedro mayjäy agujc.

⁵ Pedro jiiiby anajty pujxtigoty janch oy cuend'aty. E je mibijcpidijc janch Dios mibijctzodüb anajty ajcxy müd Pedro ycixpi.

Dios y'ángel yajpidzimy Pedro pujxtigoty

⁶ Huin'it coodz ma ca'ni anajty yximiy, ma je Herodes anajty tiyduna'ñ Pedro mayjäyjoty com jabom, Pedro maab anajty, e soldado agujc

ajcxy c̄xoch tecyxoch anajty m̄id cadena, e jadügp̄icy soldado ajcxy pujxt̄ijc'aguy anajty ajcxy ycuend'aty.

⁷ Chi janch timetiini yHuindzin Dios t̄üg y'ángel ñayguēx̄ici ytināy ma Pedro yhuinduu, e je pujxt̄ijc yaj'anidyday. E chi je ángel tijyücx̄y Pedro ma ycaach, chi yajmäyhuijy, e ñimay:

—Pid̄ig mic'amy.

Chi je cadena ycäday ma Pedro yci'.

⁸ Chi je ángel ñimay Pedro:

—Ñayhuini, yajtigi' mḡig.

Co Pedro yajtigiyday yc̄ig, chi je ángel ñimaayi:

—Yajtigi' mjocxhuit, e pajamḡich.

⁹ Chi Pedro pujxt̄ijc pidzimy axam ma je ángel, ni ca' nejhūiy pen janch anajty hūidibi je ángel tumyb, hue' j̄ihūiy jadu'n nej ycumāy.

¹⁰ Chi ñajxy ajcxy ma t̄ügp̄icy cuend'ajtp̄i, mic'amy ajcxy mimetzp̄i ñinajxy. Co ajcxy yjät̄y ma mijpujxt̄ijc aguu, ma m̄jt̄üba', chi je' ci'm'ahuaach. Chi ajcxy yp̄idzimy. Ti anajty mijyöygīxni co je ángel ixmajtzni Pedro.

¹¹ Huin'it Pedro yhuinma'ñymejch, chi yminañ:

—Jadachambi njihūiyb̄ich co janch jada' co je Huindzin Dios ti quexy y'ángel, e yi' ti xyñihua'ñich ma Herodes, etz jadu'n nej t̄üg'óc̄iy judíōjāy ajcxy anajty xytuna'ñich.

¹² Co Pedro yjot yhuinma'ñ ymejch, chi ñicxy ma María yt̄ijc, je Juan ytaj, je Juan hūidi jāy yt̄ijpy Marcos, ma anajty ajcxy jim mayjāy t̄ügmucy y'j̄tc̄ixy Dios m̄ib̄ijctzoogixy.

13 Co Pedro tijc'aguu cojxnojcy, je t̄iba'y'amybi, chi t̄üg t̄öxy'anäg ypidzimy huidi anajty yx̄i Rode, ixa'ñ pin je' tijc'aguu cojxnojcy.

14 Co oy yögmidoy co Pedro je' anajty, chi ca' ytijc'aguu yaj'ahuaach. J̄eyi co poȳigy ñicxy tigoty co anajty tzachjotcújcity, nigapxy co Pedro je' anajty ma tijc'aguu.

15 Chi je j̄äy ajcxy nimay Roda:

—Mloocj̄iyb jada' miich.

Chi je t̄öxy'anäg y'adzooy co janch je' anajty. E je j̄äy ajcxy yminaangixy co ca' yi' yj̄ejity, hue' jada' Pedro y'ángel.

16 Yam Pedro anajty tijc'aguu tzachcojxnocy co ajcxy yaj'ahuaach, chi ajcxy ijxy, chi ajcxy ooy chiḡiyy yjihuiiy.

17 Pedro cim̄id ytiy'ajtyejcy co huen amoñ ajcxy. Chi yajm̄idmiydacy nej je Huindzin Dios anajty ti yajpidzimyii pujxtigoty. E nimay ajcxy co huen ñicxy yajm̄idmiydägy jada je Jacobo etz jacjadyii m̄ibijcpidijc.

Chi Pedro ñicxy huingbi cajp.

18 Co yx̄im̄iyy, huin'it soldadtijc ajcxy ooy ytiḡiyy huambi jihuiybi huinmay'ahūidijty, com ca' nejhuiygyixy nej je' anajty ti ytunyii ti yjadyii m̄iid Pedro ycixpi.

19 Chi Herodes ni'ane'md̄iyy huen ñicxy yaj'ixt̄äy Pedro. E co ca' yajpaty, chi pijctzoy tiy'ajt ma soldado ajcxy huidi anajty Pedro ti ycuend'adyii. Chi ni'ane'md̄iyy huen ajcxy ñicxy yaj'ögyii. Chi Herodes chooñ jim Judea, chi oy chinaydacpiy jim Cesarea.

Herodes y'ögy

20 Herodes janch ymijotmätpy anajty je jäy huídibi tzinaayb jim Tiro etz Sidón. Chi je Tiro etz Sidón jäy ajcxy ñaygapxi nej jëbi huin-gohuägihuaangixy je rey. E ymimadac ajcxy co migapxy je Blasto je mijtungmüdpí maabi rey Herodes ytjç. E chi ajcxy pijctzoy co huen tzip cixy naxy, com co ajcxy xijc mooc jim anajty yajt-zoongixy ma rey ñaaxjot.

21 Chi Herodes agapxtujcy tüg xií, chi je rey-huit yajtigüy, chi iñaydac paty ma ycötujctac, chi migapxy ajcxy je jäy.

22 Chi je mayjäy ajcxy ytigüy mic capxp miydaacp, chi ajcxy yminaangixy:

—¡Jada jäy huídibi capxp, ca' jada yjäyity, jadu'n yi' nej tüg díos!

23 E huin'ítüy Huindzin Dios y'ángel yajpa'mbejty Herodes, com ca' anajty huindzigüy cömay je Dios. Chi y'o'cy, ting je' tzütztaayi.

24 Je Huindzin Dios y'ayuc mibijc'idächpy anajty jäy, e yajcapxhuäcxp anajty hueñytimma'amyity.

25 Co Bernabé etz Saulo ajcxy ytungmay jim Jerusalén, huin'it chooni ajcxy jim ymüdnicyx huídibi anajty yxií Marcos.

13

Bernabé etz Saulo yajtzondaaccixy ytung huídibi ajcxy pátip

1 Ma je' ajcxy huídi mijpidacp Jesús jim Antioquía, jim anajty jadyii huídi Dios y'ayuc yaj'ixpijcp anajty, etz nañ huídibi tiy'ajt najtzcapxiyb. Jim anajty Bernabé etz Simón, huídi anajty ajcxy ytijpy el Negro, etz Lucio huídi

tzoon Cirene ñaaxjot, etz Manaén huidi tüg yeectac m̄id Herodes, huídibi ane'm j̄im Galilea, etz Saulo.

² Tüg x̄i ajcxy ñayyöymújciḡixy jaygay jay'ügy Dios ojadajt̄cixy. E chi je Esp̄iritu Santo ñ̄imaayi:

—Huen pidáacigich ajcxy Bernabé etz Saulo ahuing j̄iḡix ajcxy ytun̄ipy ma je tung t̄ibi nyajni-huohūiyich.

³ Chi ajcxy yjacDios'ojadajt̄y etz yjac'ayuu'ajty, e chi je jāy ajcxy c̄in̄ixajy Bernabé etz Saulo, e chi ycapxycijxy m̄id je' ajcxy.

Je apóstoles ajcxy capxhuäcx̄cixy Dios y'ayuc j̄im Chipre

⁴ Chi jada' je Esp̄iritu Santo yquejxi Bernabé etz Saulo huen n̄icxy Seleucia, e j̄im ajcxy ybarcotiḡiyy n̄icxy ajcxy j̄im Chipre mejy agujcpi.

⁵ Co j̄im ajcxy yja'ty ma barco yjättac huidi yx̄i Salamina, chi ytiḡiyy Jesús y'ayuccapxhuäcxp ma je judíojäy ajcxy naymujctac. Tzooñ je Juan anajty nañ jadu'n je' anajty Bernabé etz Saulo pubéjt̄ip.

⁶ Huídijttay ajcxy ma je naax mejy'agujcpi, e yja'ty ajcxy ma je cajp huidi yx̄i Pafos. J̄im ajcxy paty tüg judíojäy huidi anajty yx̄i Barjesús, hue' je' anajty huijyjäy, e ñaydiyii anajty co Dios ytiy'ajt najtzcapx̄iyyi, e ca' anajty yjanchity.

⁷ Je huijyjäy ooy m̄id ñaymigüg'adyii anajty je huídibi ane'm j̄im, hue' anajty yx̄i Sergio Paulo. Je Sergio Paulo ooy anajty ycohuinma'ñity, ooy y'ixp̄icyity. Chi ni'ane'mdiy co huen n̄icxy yajt-zonyii Bernabé etz Saulo. Com je Sergio Paulo anajty m̄idoohuaani je Dios y'ayuc.

8 Je huijyjäy, huidi nañ jadu'n yajtijp Elimas, midziptzoñ Pablo etz Bernabé, e tücci'y capx'aduga'ñ ca'ydi je gobernador ymibicy.

9-10 Chi Saulo, huidibi nañ jadu'n yajtijpy Pablo, miid je Espíritu Santo huindicxpejty je huijy jäy, e nimay:

—¡Ooy mjibicjäyity miich, ooy m'anijity, mu-jcu' miich xy'ung'ajtp, ooy mmidzip'aty pinjaty oyjot oyhuinma'ñ miid! ¿Mina m'ixmadza'ñ nej mdzachyajtigoya'ñ je Huindzin Dios ytiy'ajt?

11 Jadachambi je Huindzin Jesús xychachytunaamb, e mhuí'mip huiintz, etz ni ca' je ximbi tzojc m'ixipy.

Chi je huijyjäy mic'amy yhuí'my huiintz coodz, chi ixtay pin oc-huijtznicxib com ca' anajty y'oc'ijxni.

12 Co je gobernador jadu'n ijxy, chi mijpidacy Jesús y'ayuc, e chi ooy jihuíy huinmaay nej Pablo nimiydägy je Huindzin Jesús y'ayuc ytiy'ajt.

Pablo etz Bernabé yajpátcixy jim Antioquía etz Pisidia

13 Chi Pablo etz ymigügtijc ajcxy miid ybarcotigíy, chi ajcxy ñicxy Perge ma Panfilia ñaaxjot. Chi Juan puyöyduutni Pablo etz Bernabé, e chi ñicxni Jerusalén.

14 Pablo etz Bernabé ñajxy jim Perge oyja'tcixy jim Antioquía ma Pisidia naaxjot. Sábado xi ajcxy ytigíy ma je judíojäy ajcxy ñaymujctac, chi ajcxy ixtactay.

15 Co ñecycapxtay ma Moisés ñecy etz Dios y'ayucnajtzcapxíybi ñecy, chi je naymujctac huindzin quejxy ayuc ma Pablo ajcxy, ñimaayi:

—Migügtijc, pen mmïd ayuc tiy'ajt mïd jäy ycixpi jëbi cham myajnimäy ajcxy.

16 Chi Pablo ytinayïgy, yci' mïd ytiy'ajt yecy co huen amoongixy, e nimay ajcxy:

—Midoogix, miich Israel jäy ajcxy, etz huïdibi Dios yajmij'ajtp.

17 Je Israel jäy Dios huin'ijxy iich'ajt nmij'ap nmijteedy jecy'ajty etz yajyujcpejt ajcxy micho'n co anajty ajcxy jim yjactzinäy Egipto ñaaxjot. Chi ajcxy yajpidzïmni mïd Dios ymic'ajt.

18 Dios je' ajcxy mihuindinay huixchigüïpx jimijt jim mijtigïduum.

19 Je Dios huixtujc it naax cajp yajtigoy huïdi anajty jim tzinaayb Canaán ñaaxjot, etz yajmoy je naax iich'ajt nmij'ap nmijteedy jecy'ajty jigix ajcxy jim chinähuïpy.

20 Mïdaax mïgo'px jahuixchigïpx majc jimijt Dios mic'ajt mooy juez ajcxy huen ane'myii Israel jäy ixti mabaad Samuel je Dios y'ayucnajtzcapxïyb ytungbijcy.

21 Huin'it ajcxy tüg rey pijctzoy huïdi ane'mïb ajcxy. Chi Dios yajreytigïy Saul huïdi tuun huixchigïpx jimijt. Je Saul yteedy hue' je' anajty yxi Cis, hue' je' anajty Benjamín y'ap y'oc.

22 Chi Dios tungbijcy Saul e yajreytigïy David, chi Dios ymïnañ: “Ti nbaadyich David, Isaï ymang, tüg yëydijc huïdibi cuydundähuïpy nej ndïmdzocyich.”

23 Ma David y'ap y'oc Dios yajnïbijcy Jesús, jigix nihuänïpy yajnïdzögïpy je Israel jäy ajcxy, jadu'n nej anajty jëcyïp Dios yaj'ahuanïy ajcxy.

24 Ca'ni anajty Jesús miñ co Juan, je Bautista,

capxhuäcxy Dios y'ayuc ma je Israel jäy ajcxy, nimaaygixy co copicy huen jothuimbijtcixy ma Dios, e huiñ'it jëbi ñiibéjtcixipy.

²⁵ Co anajty Juan y'o'cin huington, chi ymíñañ: “Ca' ñich njëjty je Cristo, jadu'n nej mmínaangixy. Jayjip ti nmiiñich, jac'axam miíñañ je Cristo; jacmic'ajt mñid je' ca'ydi ñich. Ca' xypaadyich nicxy yi' ycighuin nguejich.”

²⁶ Chi Pablo yjacmíñañ:

—Migügtjic, Abraham y'ijx y'oc etz pinjaty yajmij'ajtp Dios, Dios ti xyajniguexy jada ayuc nej ajcxy jëbi m'alma nídzoocin paady.

²⁷ Je jäy ajcxy huídi anajty ajcxy tzínaayb jim Jerusalén etz tungmñidpi ajcxy, ca' ajcxy nejhuiy pin je' anajty je Jesús, ni ca' anajty huinjihuñygyxy y'ayucnajtzcapxñiybi ajcxy y'ayuc huídibi anajty yajcapxp ma ajcxy ñaymujctac huindüg sábado. E je' ajcxy ci'm yajpocycáy Jesús, e cuyduñ nej anajty ajcxy yjaybetyity ma Dios ñecy.

²⁸ Oy ajcxy ca' paty pocy nej yaj'öccixipy Jesús, chi ajcxy nibjctzohuiy ma Pilato co huen nicxy yaj'ögyii.

²⁹ Co je jäy ajcxy cuydunday jadu'n nej anajty yjaybétyity ma Dios y'ayuc mñid je' ycixpi, chi ajcxy yajminajcy cruudzcixy, etz oy yajnaaxtigñygyxy.

³⁰ E Dios je Jesús yajjugypjic co anajty ti y'ögy.

³¹ Chi canaag'oc ñayguëxigo'ci ma ymigügtjic huídi anajty ti ymñidhuídidyii co chooñ Galilea ñicxy Jerusalén. Jadachambi yi' je' ajcxy huídi tiy'ajt yejcpy ma je jäy ajcxy.

³² Je oybi ayuc ñich miich ajcxy nyajmñidmñydacpy cham, huídi Dios yajnimay

hich'ajt nmij'ap nmijteedy jecy'ajty.

³³ Je oybi ayuc ti Dios cuyduñ cham ma hich ajt co yajjugypijcy Jesús co y'o'cy. Jadu'n yi Dios y'ayuccojaaybi jaay jecy'ajty ma je Salmo necy mimetzpi ma Dios jadu'n ymínañ: “N'ungich cham ti nyajjuugypicyich.”

³⁴ Miid jadayaabi ycixpi co Dios ti yajjugypicy Jesús co y'o'cy, jigix ñinícx ca yhuindigooyipy jadu'n anajty jaybétyity ma Dios ñecy ma Dios jadu'n ymínañ: “Nmöhuaamyich miich ajcxy je conúcxin huídibi nyajñimaayich je David.”

³⁵ Paady nañ jadu'n Dios y'ayuccojaaybi jaay jadüg'it, ma ymína'ñ: “Ca' Dios a'ixiy nicxy y'ung ñinícx yhuindigooy, je y'ung huídibi miid huádz jot huinma'ñ.”

³⁶ Com janch co je David Dios huin'ijxy, jigix ane'mipy yi' yjuugy ymígüg ajcxy. E co ytung yajmay, chi y'o'cy, e je' y'alma ñaybaatti miid je y'ap yteedy y'alma, e je' ñinícx huindigooy je'.

³⁷ Je Jesús huídibi Dios yajjugypijc ca' je' ñinícx yhuindigooy.

³⁸ Migügtijc, jëbi mnejhuñyigixy, co je pocyhuinmeecxin yajñihuäcxy yajcapxhuäcxy miid Jesús ycixpi.

³⁹ Miid je' ycixpi pinjaty mibijcp ti ypocyyajhuinmeexcixy huídibi Moisés yley anajty ca'p pocyhuinmeecxin yecy.

⁴⁰ Nayguend'ájtigix, ix xyajcidacpejtix je mij ayo'n jadu'n nej Dios y'ayuccojaaybi jaay jecy'ajty co Dios jadu'n ymínañ:

⁴¹ Midoogix hich n'ayuc, miich ajcxy nixiicpi yajxiicpi, nay'adzigñyigixy, ix m'alma myajtigooyigixy. Com hich Dios ndumybich

tüg mihuinma'ñ ma miich ajcxy mxii
 mdiempo. May miich ajcxy ca' mmibiigipy,
 oy pin xyjayajmiiidmíydáaccixipy.

42 Co Pablo ajcxy ypidzimy ma yi judíojäy
 ñaymujctac, chi je jäy huidibi ca' yjudíojäyity nimay
 je Pablo co huen nañ jadu'n yajmiiidmíydägiiyb ma
 je jadügpí sábado.

43 Co ajcxy yöyhuäcxni ma nayoöymujctac may
 judíojäy etz mayjäy huidi ca' yjudíojäyity huidibi
 jiiptigiyyi je judíojäy y'ixpijcin, panicy ajcxy je
 Pablo etz Bernabé. Pablo etz Bernabé capxhuijy
 ajcxy co huen paníxcixy je tiy'ajt jadu'n nej Dios
 tiibi tuñ may'ajt miiid jäy ycixpi, e ca' ajcxy ix-
 madziipy.

44 Co sábado yxii paty, chi jäy ñayoöymujci
 jahuenjaty cajp jäy ycanixtay co anajty
 tzachmidoohuaangixy Dios y'ayuc.

45 Ca' anajty ajcxy yjotcújcity co je judíojäy ajcxy
 ijxy je mayjäy. Chi ajcxy ooy yjot'ambijccoty
 ni'ojiiygixy etz nimaaygixy oy ni nej Pablo.

46 Chi Pablo etz Bernabé ytiigiiy miccapxpi
 yminañ ajcxy:

—Copicy anajty co iich miich nyajnimähuipy
 Dios y'ayuc jayijp. Com ca' mgöbigaangixy Dios
 y'ayuc, e co ca' mnaybidáacigixy tudägy ma
 jugy'ájtin miiid huiniixibi, nicxyiich n'ocyajnimäy
 ajcxy Dios y'ayuc huidibi ca' yjudíojäyity.

47 Com jadu'n xy'ane'myich ajcxy yi Huindzin
 Jesús, e xyñiimaayich ajcxy:

Ti iich miich nbidägy jadu'n nej tüg tiicxin jajin
 ma tüg'óciy naaxhuiñybi jäy jigix myajne-

jhuñhuipy ajcxy je nĩdzoocĩn jiguembaad huindu'my naaxhuiñ.

⁴⁸ Co ajcxy jadu'n midoy huĩdibi ca' yjudíojaỹity, chi ajcxy ooy nĩgi yjotcugĩy, e chi ajcxy ymĩnandacy co je Huindzĩn Jesús y'ayuc ooy anajty y'óyity. E may ajcxy mĩbĩjcy huĩdibi anajty Dios ti yajnigödungĩy co paatip jugy'ájtĩn huinĩxĩibi.

⁴⁹ E jadu'n jĩm yajcapxhuäcxy Jesús y'ayuc ma je jĩmbi naaxcajp.

⁵⁰ E je judíojaỹ ajcxy minaygapxi nijējity tőxyjāydĩc ajcxy tudāgypĩ huĩdibi Dios yajmĩj'ajtp, etz je mĩjjāydĩc, e je' ajcxy mĩd mĩbĩdĩgy Pablo etz Bernabé co pahuojpquēgaangĩxy ma jejĩmbi naaxjot.

⁵¹ Chi Pablo etz Bernabé ycĩg huĩnhuojpy, je' je' tĩy'ajtp co ca' jāygidacy ajcxy nej jāy anajty ytungĩxy. Chi ajcxy ñĩcxni jĩm Iconio.

⁵² E je' ajcxy huĩdibi mĩjpidaacp Jesús ooy anajty ajcxy yjotcujcity. E ymĩd anajty ajcxy je Espĩritu Santo ma yjot yhuĩnma'ñ.

14

Pablo mĩd Bernabé jĩm Iconio

¹ Jĩm Iconio Pablo etz Bernabé ytĩgĩy ajcxy yquĩpxyĩ ma je judíojaỹ ñaymujctac, e oy yajxon ajcxy capxhuäcxy Jesús y'ayuc. E may judío etz griegojaỹ ajcxy ymĩbĩjcy.

² Je judíojaỹ ajcxy huĩdibi anajty ca' ymĩbĩjccĩxy nigapxcoty ni'ojĩygoty ajcxy huĩdibi ca' yjudíojaỹity huen je cajp jāy ajcxy mĩjotmādĩpy je mĩbĩjcpĩdĩc.

³ M̄id jada yc̄ixpi Pablo etz Bernabé yhu'i'my je' ajcxy jecy etz capxhuäxc̄ixy ajcxy Dios y'ayuc huinmic jotmic etz je Huindzin mijotcuje'ajtc̄ixy ooy, e mooyi ajcxy je mic'ajt jēbi ajcxy pa'mjäy yajtzöḡipy etz mijhuinma'ñ tungixy hūidibi iix-pejt'ajtp ma Dios ymic'ajt.

⁴ E je cajpjäy mejtzp̄icy je' anajty ajcxy, nijējity ym̄ijp̄idacpy ajcxy yi judíojäy, etz nijējity ym̄ijp̄idacpy ajcxy je Dios y'ayuccapxhuäcxpi.

⁵ Chi nijējity judíojäy etz hūidibi ca' yjudíojäyity ñaygapxi m̄id tungm̄idpi co mijotm̄atcodaangixy etz tim tzaagöḡadzaangixy Pablo etz Bernabé.

⁶ Co Pablo etz Bernabé nejhuiy, chi ajcxy yqueecy ñic̄xy ajcxy jim Lистра etz Derbe jim Licaonia, e majaty naax cajp hūidi huinduy'agonbi.

⁷ Jim ajcxy capxhuäcxy Jesucristo ytiy'ajt nej jēbi ajcxy huaad y'alma n̄dzooc̄in paatc̄ixy majaty cajp huingonbi.

Tzaagätzc̄ixy Pablo jim Lистра

⁸ Jim Lистра anajty t̄üg yēydijc̄ iñäy tecyma'tpi, caminaabi anajty yöy, com jadu'n anajty yma'xung'aty.

⁹ Je tecyma'tpi am̄ido'ijtpy anajty Pablo y'ayuc, e Pablo iixpy anajty co ym̄id m̄ib̄ijc̄in nej jēbi chögy.

¹⁰ Chi Pablo mic̄ nimay:

—Tinaaȳig.

Chi je tecyma'tpi t̄üg tipy ytinayguḡīy, e chi ytīḡīy yöyb.

¹¹ Co je mayjäy ajcxy iixy nej Pablo anajty pa'mjäy ti yajtzögy, huin'it ajcxy ytīḡīy huambi jihūiybi m̄id Licaonia ayuc chachm̄inaangixy:

—¡Dios ajcxy jadu'n nej jäy ti ycidaaccixy ma ñch ajt!

¹² Yminaangixy co Bernabé je' anajty Júpiter, e je Pablo je' anajty Mercurio, com je' anajty capxp.

¹³ E je Júpiter teedy huídibi anajty tumb jim ma je Júpiter chajptijc cajppäbi, mimiñ toro ajcxy etz pijy. E je teedy miid je jäy ajcxy yhuindzigihuaangixy etz ojadadaangixy anajty Pablo etz Bernabé, yaj'ögaangixy je toro ajcxy.

¹⁴ Co Pablo etz Bernabé nejhuñy, ca' ajcxy jäygidacy nej jäy anajty ajcxy y'idídaangixy, chi ajcxy ci'm yhuit agídzñy, e ytigñy ajcxy mayjä'aguyc yam chachminaangixy:

¹⁵ —¡Yëdyjctijc ajcxy! ¿Nej co jada jadu'n m'idítcixy? Nañ jadu'n ñch ajcxy jäyity, jadu'n nej miich ajcxy. Paady ñch ajcxy ti nmingixy ma miich ajcxy mgajp jigix ajcxy m'ixmadzipy jada jadu'mbi huinma'ñ huídibi ca' choobaady ma Dios. E mijpidaaccixp je Dios juugypi huídi oyduñ tzajp etz naaxhuiñybi, je mejy etz tüg'óciy tijaty ya n'íxim.

¹⁶ Jecy'ajty Dios ixmajch je jäy ajcxy huen túngixy nej tzojccixy.

¹⁷ Oy Dios anajty jayecy tiy'ajt co je' Diosity, jatuñ jadu'n yi oybi miid miich ajcxy ycixpi. Dios yi' yajtuub etz yecy oybi cosecha e xymooyim mijcajee huídi ngaayim n'uucim e xyajjotcugñyim.

¹⁸ Oy anajty Pablo jadu'n jadim tzachnimaaygixy, ca'p ajcxy mimadacy co yi jäy ajcxy ca'p yaj'óccixipy je toro co anajty yhuindzigihuaangixy.

19 Huin'it xi# nijëjity judío#jáy yja'ty, chooñ jim Antioquía etz Iconio. Chi ajcxy yajnimay je mayjáy co huen midziptzoongixy Pablo etz Bernabé. Chi mic'amy je mayjáy midziptzooñ Pablo etz cögäch ajcxy. Hue' ajcxy tijy ti anajty yaj'öccixy. Chi ajcxy oy ixjugucy cajppa'.

20 Chi je apóstoles ajcxy jübigi#y je Pablo, chi je' ypidigy, e ñicxy jadüg'oc cajpjoty. Com jabom Pablo etz Bernabé chooñ, ñicxy ajcxy jim Derbe.

21 Co Pablo etz Bernabé jadu'n capxhuäcxy je Jesucristo y'ayuc oybi jim Derbe, chi mayjáy ajcxy mijpidacy Jesús. Chi Pablo etz Bernabé ajcxy yhuimbijty Listra, Iconio, etz Antioquía.

22 Jim ajcxy jotmicmigapxy je mibijcpidijc ajcxy, e capxhuijy huen tügi#jp mibijccixy Dios y'ayuc, nimáaygi#xy:

—Co ndigihuaanim ma Dios y'ane'my copicy co nyajnáxim may ayo'n.

23 Cajp cajp majaty mibijcpidijc yajpaady jim Pablo etz Bernabé yajñibicy nijëjity yëydijctijc huen nigohuajc'ajtcixy je jáy ajcxy huídibi mijpidacp Jesús. Co anajty ti yajñibicy je' ajcxy huídibi nigohuajc'adipy, chi jaygay ajcxy y'ijty etz Dios mibijctzoy mi#d je' ajcxy ycixpi.

Pablo mi#d Bernabé yhuimbújtcixy Antioquía jim Siria naaxjot

24 Pablo etz Bernabé ñajxy ajcxy Pisidia oy ajcxy yja'ty jim Panfilia.

25 Chi Pablo etz Bernabé Jesús y'ayuc capxhuäcxi jim Perge, chi ajcxy ñicxy jim Atalia.

²⁶ Chi ajcxy jim ybarcotig'iy ñicxcixy jadügtecy jim Antioquía ma anajty ajcxy ti yajnib'igyii Dios chójcin m'iid je tung hu'idibi anajty ti yajc'ixcixy.

²⁷ Co ajcxy yja'ty jim Antioquía, chi ajcxy huoomujcy je jäy ajcxy hu'idibi anajty mijpidaacp Jesús, e yajm'iidm'iydactay tüg'óc'iy nej anajty Dios ti ytuñ m'iid je' ajcxy yc'ixpi, nej anajty Dios ti yaj'ahuäch je tü'aa nej huaad mib'icy ajcxy je hu'idibi ca' yjudío'jäy'ity.

²⁸ Pablo etz Bernabé ijt ajcxy ooy jim jecy m'iid je mib'ijcp'idijc ajcxy.

15

Mib'ijcp'idijc ñayyöymujci ajcxy jim Jerusalén

¹ Je huin'it tiempo nijëj'ity jäy hu'idi tzoon Judea yja'ty ajcxy jim Antioquía, e ytig'iy yaj'ixpijcp ma ajcxy je hu'idibi mijpidaacp Jesús, ym'inaangixy: "Pen myajnidzögamy ajcxy yi m'alma, cop'icy co ajcxy myajtiy'ajttihuipy jadu'n nej Moisés y'ane'my."

² Chi Pablo etz Bernabé ñaymidziptzongooti ajcxy m'iid hu'idi anajty ajcxy tzomb jim Judea, e ca' ajcxy ñay'ayuc-huin'ihu'iyi. Chi jada' yajnibejti Pablo etz Bernabé etz jacjadyii mib'ijcp'idijc huen nicxy ajcxy Jerusalén yajtiydig'iy ma je apóstoles ajcxy etz hu'idibi ajcxy nigohuajc'ajt je mib'ijcp'idijc jim Jerusalén.

³ Je mib'ijcp'idijc hu'idibi anajty ajcxy jim Antioquía oy ajcxy tüj'ijphuohu'iy Pablo etz je' ajcxy hu'idi nicx m'iid Pablo. Chi Pablo etz m'iid yjaym'iidtjic ajcxy ñicxy, e ñajxy ajcxy Fenicia ñaaxjot etz Samaria ñaaxjot. Yajm'iidm'iydaaccixy

je mibijcpidijc cajp cajp jadu'n nej jäy ajcxy huídibi ca' yjudíojäyity ti yjothuimbijtcixy etz yajmij'adaangixy Dios. E tüg'ócüy mibijcpidijc ooy ajcxy jäygidacy je Pablo y'ayuc.

⁴ Co Pablo etz Bernabé ajcxy yja'ty jim Jerusalén, chi je mibijcpidijc ajcxy cöbijci je apóstoles ajcxy, etz je' ajcxy huídi nigohuajc'ajtp anajty je mibijcpidijc. Chi Pablo yajmídmíydactay nej anajty Dios ti ytuñ míid je' ajcxy.

⁵ Chi nijëjity fariseojäy, tiibi anajty mibijccixy Jesús, ytinayigy ajcxy juntijoty, e ymínañ ajcxy:

—Copicy co huen yajtiy'ajttiy je jäy huídibi mibijcp Jesús huídi ca' yjudíojäyity, e copicy nyaj'ané'mim co huen ajcxy Moisés ycötújcín cuyduuni.

⁶ Chi ñayyöymujci je apóstoles ajcxy etz huídi ajcxy nigohuajc'ajtp je mibijcpidijc, co capxyöyaangixy je fariseojäy y'ayuc nej yhuí'mip.

⁷ Ca' ajcxy tzojc ñay'ayuc-huinjihuiyi, chi Pedro ytinayigy ymínañ:

—Migügtijc, mnejhuíyb ajcxy co jayhuin Dios ti xyhuin'ixyich ma miich ajcxy, jigix nyajnimähuibich jäy ajcxy huídibi ca' yjudíojäyity je Jesús ytiy'ajt oybi nej ajcxy y'alma nízooicín paadipy.

⁸ E Dios huídi nejhuíyb jäy yjot yhuinma'ñ xyaj'ixyich je tiy'ajt co yejcy Espíritu Santo ma yi' ajcxy nañ tim jadu'n nej ytuñ ma ích ajt.

⁹ Dios tú'ciy ytuñ míid ích ajt etz míid yi' ajcxy, míid co yi' ajcxy mibicy Jesús paady Dios ya-jhuaatzi ajcxy yjot yhuinma'ñ.

¹⁰ Jadachambi, ¿nej co ca' mhujnihuihuaangixy mibigaangixy nej Dios ytuñ mïd huïdibi ca' yjudíojäyity? ¿Nej co adzip myajnihuidzaangixy je costumbre huïdi ni ïch ajt ni n'ap ndeedy ca' ti mïmadägy nicxy cuydundaaygixy?

¹¹ Janch ïch ajt nmibijcim co mïd je may'ajt huïdi Jesús ti tuñ mïd ïch ajt ycixpi ti nbaatim n'alma ñïdzocïn. Nañ tim jadu'n je' ajcxy huïdi mibijc Jesús huïdi ca' yjudíojäyity ypaat y'alma ñïdzocïn mïd je may'ajt huïdi Jesús ti tuñ.

¹² Huin'it je jäy ajcxy y'amonday, y'amïdo'ijtcixy nej Bernabé etz Pablo nimiydaaccixy nej anajty Dios ti tuñ mïd yi' ajcxy, jadu'n nej ajcxy ti ya-jtzögy pa'mjäy mïd Dios ymic'ajt, etz jac tijaty mijhuinma'ñ huïdi ti tuñ ma yi' jäy ajcxy huïdi ca' yjudíojäyity.

¹³ Co Pablo etz Bernabé ajcxy miydactay, chi Jacobo ymïnañ:

—Migügtijc mïdo'mbijcigich ajcxy ïch n'ayuc.

¹⁴ Simón Pedro ti xyajmïdmïydaacim nej Dios may'ajt ti tuñ oga'n ma huïdibi ca' yjudíojäyity, co huin'ijxy huïdi yi' yjäy'adaanip ma yi' ajcxy.

¹⁵ Quipxy jada ñaybadyii mïd huïdi je Dios y'ayucnajtzcaxïybi jecy'ajty ycojay,

¹⁶ co jadu'n ymïnañ:

Co anajty jadu'n ti y'ocjadyii, chi nhuimbidipyich ya naaxhuiñ. Nyaj'oyïhuibich jadüg'oc je naax cajp huïdi David anajty y'ane'myb huïdi anajty ti y'octigooybi jadu'n nej tüg tijc huïdi ti yciday. Ma David y'ap y'oc nyaj'a'oyïhuibich jadüg naax cajp, jadu'n nej jäy ytijc cojy huinjemybi.

17 Jigix jacjadyii jäy y'ojadadipy ajcxy yi Dios. Nañ jadu'n je' ajcxy huidi ca' yjudíojäyity, huidi ïich njäy'adaanip.

18 Jadu'n je Huindzin Dios jécyip jada tıy'ajt jadu'n yejcy.

19 Chi Jacobo yjacmınañ:

—Paady ïich jadu'n nmına'ñich co ca' huaad n'amayıyım ajcxy huidi ca' yjudíojäyity huidi ajcxy ti mijpidägy Dios.

20 Hue' janchtıy tzoc nijayıyım co ajcxy ca' tzüdızıpy huidi jäy yajhuindzigıyb ídolos, etz ni ca' huaad mıgapxcıxy huıngbı töxyjäy, etz ni ca' huaad tzützcıxy iyujc huıdıjaty jäy yóc-huııdypi, etz ni ca' huaad jııxcıxy tijaty iyujc nı'py.

21 Jecy'ajty ixtı chamnı tüg tüg cajp, ji pın ïihua'cxp capxhua'cxp Moisés yley majaty nayıöymujctac naag naag pocxınxıı.

22 Chi je apóstoles ajcxy etz je huıdı nigohuajc'ajt yi mıbıjcpıdıjc, mııd tüg'ócıy Jesús yjäy pidacy ajcxy yhuınma'ñ co huın'ıxaangıxy nijėjıty jäy ma je' ajcxy etz quexaangıxy jım Antioquía quıpxyi mııd Pablo etz Bernabé. Chi ajcxy yajnıbejty Judas, huıdı nañ jadu'n yajtıpy Barsabás, etz mııd Silas, yėyđıjctıjc huıdı ajcxy capxpaadıp.

23 E je' ajcxy yajmıguejxy necy nej anajty ti jaay: “İich ajcxy apóstoldıjc, etz huıdı nigohuajc'ajt yi mıbıjcpıdıjc, etz nıdıg'ócıy mıbıjcpıdıjc, cham ïich ajcxy nguexy capxpocxın ma ajcxy mıbıjcpıdıjc huıdı ca' yjudíojäyity huıdı ajcxy tzınaayb jım Antioquía, etz huıdı ajcxy tzınaayb Siria etz Cilicia ñaaxjot.

24 Ti ñch ajcxy nejhuïyich co nijëjity jäy ti xyñinïxcixy, choñ ma ñch ajcxy, ca' ñch ajcxy ngötujcïn mooy, e xy'amayïygixy jim miid y'ayuc, e xyajhuinma'ñytigoya'ñ ajcxy, co ajcxy xyñimaaygixy co copicy co myajtiy'ajttihuij ajcxy m'ung, etz mbayöyipy ajcxy je Moisés ycötújcïn.

25 Paady ñch ajcxy ti nnyagápxigixy nidüg'óciy co nyajniñbedipyich nijëjity jäy huïdi yajpaatp ma ñch ajcxy co huen nicxy xy'ljxcixy niguipxyi miid nmigügtijcich huïdi ooy ndzocyich, je Bernabé etz je Pablo.

26 Je huïdi ajcxy yjugy'ajt ti yoxy ti toogy miid ajt nHuindzin Jesucristo ycixpi.

27 E jadu'n yam nguexyich ajcxy Judas etz Silas, e yi' ajcxy ci'm xyajmïdmïydägiipy tüg'óciy ñch ajcxy n'ayuc.

28 Ti je Espíritu Santo huinma'ñ pidägy ma ñch ajcxy nhuinma'ñ etz ñch ajcxy ti nhuinma'ñ nbidägyich, co ca' nyajniñbigipy ajcxy tijaty ayuc tzaachypi, jëyi janchtiy je huïdi copicyip.

29 Copicy co ca' ajcxy mdzüdzipy huïdi jäy yajhuindziñyib ídolos, ca' ajcxy ni'py mjïxcixipy, ni ca' ajcxy mdzüdzipy iyujc huïdi yöc-huiity ti y'ögy, e ca' ajcxy mmigapxtigooygixipy huingbi töxyjäy. Pen mguydundaayb ajcxy jada ané'min, oy anajty mdungixy. E Dios ajcxy xypubedipy xypudigihuiipy.”

30 Jadu'n je' ajcxy huïdi ti yajquexy nicxy ajcxy jim Antioquía. Jim ajcxy huoomujcy je mibijcpidijc, e yajcïdigïy ajcxy je necy.

31 Co je mibijcpidijc je necy capxy, chi ajcxy ooy yjotcugïy miid je oybi ayuc tïibi anajty ajcxy

yajniguexyii.

³² Com Judas etz Silas hue' je' anajty Dios y'ayucnajtzcapxiybi, paady ajcxy yajjotcugiiy jot'amij moy je mibijcpidijc miiid je ayuc.

³³ Jecy ajcxy jim yhuäcxijpy, chi je mibijcpidijc miiid ajcxy ycapxycijxy, yajmihuaniiy ajcxy Dios, chi ajcxy yhuimbijtni ma anajty ti choongixy.

³⁴ Chi Silas yhuinma'ñypidacy co anajty yhui'ma'ñ.

³⁵ Nañ jadu'n Pablo etz Bernabé ijt ajcxy jim Antioquía, etz miiid jac nijējity ymigügtijc yaj'ixpijc'idiitzcixy etz capxhuäcx'idiitzcixy je Huindzin Jesús y'ayuc ytiy'ajt.

Pablo miiimetz viaje

³⁶ Ti xii tiempo anajty ñajtznñicxiyñi co Pablo niiimay Bernabé:

—Jam'ajt nmigügtijc co'ixiiyim cajp cajp majaty ti ngapxhuäcxim Huindzin Jesús y'ayuc. Ooy njanejhuñhua'ñich nej ajcxy yajpaady.

³⁷ Bernabé ymiiid nicxaamy anajty je Juan huidi yajtijp Marcos.

³⁸ E je Pablo ca' a'ixiiy co miiid nicxip Juan, com ti anajty y'ocpuyöydúutibi jim Panfilia, e ca' anajty ti yjacmiiidyajtüyöyii je tung.

³⁹ E ca' ajcxy ñay'ayuc-huinjihuiiyi miñ xyipy. Chi Bernabé miiidnicxy Marcos e ybarcotigiiy ajcxy, chi ajcxy ñicxy jim Chipre.

⁴⁰ E je Pablo abicy huin'ijxy Silas huidi anajty miiid ñicxa'ñ. Chi je mibijcpidijc miiid ycapxycijxy, chi chooni ti anajty je mibijcpidijc yajmihuaniiy Dios,

⁴¹ chi ñajxy jim Siria ñaaxjot etz Cilicia ñaaxjot jot'amijmooy je mibijcpidijc.

16

Timoteo mijhuäcpejty je Pablo etz Silas

¹ Chi Pablo etz Silas yja'ty ajcxy jim Derbe etz Listra. Jim ajcxy paty tüg jäy huidi anajty yxii Timoteo huidi anajty mijpidaacp Jesús. Judíojäy anajty ytaj'ajtpy, e griegojäy anajty yteedy'ajtpy. Je' ytaj nañ ymibijcpsy anajty Jesús.

² Je jäy ajcxy huidi yajmij'ajtp Jesús jim Listra etz jim Iconio ooy anajty oy nimiydaaccixy Timoteo.

³ Pablo ooy jatzojcy co Timoteo ycajäymiid'ajti. Chi Pablo yajtiy'ajttiyi Timoteo, jigix ca' ymijotmädiyb je judíojäy huidi anajty ajcxy jim tzinaayb, com tüg'ócüy ajcxy nejhuüy co griegojäy teedy'adyii.

⁴ Cajp cajp ma anajty ajcxy ñaxy yajm#dmiydaaccixy ajcxy je mibijcpidijc je cötujcin huidi je apóstoles ajcxy, etz huidi nigohuajc'ajt je mibijcpidijc jim Jerusalén.

⁵ Je' ajcxy huidi yajmij'ajtp Jesús cajp cajp ñigi anajty yjotmicpijccixy, etz mijpidaaccixy Dios y'ayuc, etz ñimayiy'iditczixy jabom jabom.

Pablo yhuin'ijx tüg Macedonia jäy

⁶ Je Espíritu Santo ca' a'ixiy nicx capxhuäxcixy Dios y'ayuc jim Asia ñaaxjot. Paady ajcxy huingduum ñicxy yajyöyñajxy ajcxy Frigia ñaaxjot etz Galacia ñaaxjot.

⁷ Chi ajcxy jim yja'ty ma Misia ñaaxtziba'n. Chi huinmay co ñicxa'ñ ajcxy Bitinia ñaaxjot. E je

Espíritu yajnejhuñy ajcxy co ca' yí' tzocy co jím níxcixipy.

⁸ Chi ajcxy jüyöyñajxy Misia ñaaxjot, chi ajcxy y'idacy jím Troas.

⁹ Chi Pablo cumäyjoty huin'ijxy tüg yëdyjc, huídibi yconaaxity anajty Macedonia, ytinay'ahuñy ma Pablo yhuinduu, e ycohuaníyii, ñimäyii: “Tun may'ajt nícx jím Macedonia, e jím xypubedipy ñch ajcxy.”

¹⁰ Co Pablo jadu'n huin'ijxy cumäyjoty, chi ñch ajcxy n'ixtay barco huídi nícxamb jím Macedonia. Nhuinjihuñy ñch ajcxy co jím Dios xyquéjxcixyich jigix jím ngapxhuäcxibich Jesucristo yty'ajt je oybi nej jëbi ajcxy alma nidzoocin paadipy.

Pablo etz Silas jím Filipos

¹¹ Chi ñch ajcxy nbarcotigñy jím Troas nícxxy ñch ajcxy tñyi ma naax mejy'agujcpi huídibi anajty yxñi Samotracia. Chi com jabom ajcxy nja'tyich jím Neápolis.

¹² Co ñch ajcxy jím ndzooñ, chi ñch ajcxy nícxxy jím Filipos. Filipos hue' je' romanojäy ycajp. Je' je cajp jac mijpi ma je Macedonia ñaaxpa'. Jím ñch ajcxy nhuäcxijpy jecy.

¹³ Tüg sábado nícxxy ñch ajcxy cajppa', mihuingon tüg mijñi, ma anajty judíojäy ajcxy mñdity Dios ojadajttac. Chi ñch ajcxy n'ixtacy jím, e ngapxhuäcxich ajcxy Jesús y'ayuc ma je töxyjädijc ajcxy huídi jím anajty ajcxy ti yöymujccixy.

¹⁴ Je Lidia anajty y'amido'ijtp. Hue' je' anajty Lidia ycogajpity jím Tiatira, e ytocpy anajty ucy huit oy jatypi. Lidia yajmij'ajtpy anajty Dios, e

je Huindz'in Dios yajyung'iyi yjot yhuinma'n, jigix amido'idipy nej Pablo Dios y'ayuc capxhuäcxi.

¹⁵ Je Lidia nibejt m'id tüg'óciy yjuugy ymigüg, chi ñich ajcxy xycohuan'iy, e xyñimáaygixich:

—Pen minamb ajcxy co nmibicyich je Huindz'in Jesús, miin jättaaccix ma ñich ndijc.

Chi ooy xycohuan'iy ñich ajcxy, ixti cooni jim xyajhui'myich ajcxy.

¹⁶ Jadu'n yjajti tüg tecy co ñich ajcxy anajty ñicxy ma Dios ojadajttac, chi ñich ajcxy nbaty tüg tumbi töxy'anäg mañ'ajt m'idpi huidi ooy ytiygapxy. Ym'id anajty yhuindz'in ma ytuñ, e je' yhuindz'in ooy anajty ymeeñybaaty co je töxy'anäg ytiygapxy.

¹⁷ Je töxy'anäg ypanicxy chach yam Pablo etz ñich ajcxy ym'inañ:

—Jada yëydijc Dios tzajpjotypi ajcxy ymidumyb. Capxhuäcxi ajcxy Dios y'ayuc jadu'n nej jëbi ñich ajt n'alma nidzoocin paady.

¹⁸ Canaag xii jadu'n ñich ajcxy xychach'amay'iy. Co Pablo chijpin, chi yhuäc-huimbijty nimay je mañ'ajtm'idpi:

—M'id Jesucristo yxii n'ane'myich, pidzim ma jada töxy'anäg.

Tim huin'itiy je ca'oybi yajyöyduuty je töxy'anäg.

¹⁹ Co je töxy'anäg yhuindz'in jadu'n ijxy co ca' y'ocmeeñybadaani, chi m'id je' ycixpi ajcxy majch Pablo etz Silas, e yajnicxy ajcxy ma je tungm'idpi ma je' ajcxy y'agujctijc.

²⁰ Co ajcxy jilby m'idja'ty ma je tungm'idpi, chi ym'inañ:

—Jada yëydijc ajcxy judíojäy jada, nigoo ajcxy ñaax yajmäty ycajp yajmäty,

21 etz yaj'ixpicy ajcxy costumbre huidi ca' huaad ñich ajt ngöbïjcim, e nihuaad ngatuunim, com hue' ñich ajt romanojäy.

22 Chi je mayjäy ajcxy mïddziptzoon Pablo etz Silas, e je tungmïdpï ni'ane'mdiy co huen ajcxy yajniñeñ yaj'ixjeñ huen yajhuojpcixy mïd matz.

23 Co ajcxy huojptay, chi pidacy ajcxy pujxtigoty, e ane'my ajcxy pujxtijc huindzin co huen cuend'ajtcixy yajxon.

24 Co je pujxtijc huindzin ypaati je cötuycin, chi pidacy Pablo etz Silas jac jüby öc'am, e chi ajcxy ixmajch co'adzity ytecy ma je quipy huidi yxiï cepo.

25 Chi jadu'n yajty mijcuctz anajty, co Pablo etz Silas chach Dios ojadajtcixy chach huin'ïgixy yi Dios, e jacjadyii machyjäy chach amïdoo'ijtcixy.

26 Chi timitiini ujx huinxijty pujxtijc poch. Chi y'ahuaatztay je pujxtijc agi', e y'adzittuttay je cadena ma tüg'öciy machyjäy.

27 Chi oy ymähuijy je pujxtijc huindzin. Co jadu'n ijxy ac'ahuädz pujxtijc aguu, chi yajpidzimy y'espada ñayyaj'öga'ñyii anajty. Com hue' anajty tijy ti je machyjäy yqueectäy.

28 Huin'it Pablo mic'amy migapxy je pujxtijc huindzin nimay:

—Ix nej mnayduuni, cheeby ajcxy nidüg'öciy.

29 Chi je pujxtijc huindzin pijctzoy jin, e ytigiiy poyigy pujxtigoty, janch tziyuuyb mïd tzig'iñ. Chi ycoxtinay'ahuïy ma Pablo etz Silas ajcxy yhuindu.

30 Chi yajpidzimy Pablo etz Silas, e yaj'amidooy:

—Huindzin, ¿ti ñich jëbi nduñ jigix nïdzoocin nbáadibich?

31 Chi je' ajcxy mīnañ:

—Mībic Huindzin Jesús etz mbaadipy nīdzoocin, miich etz m'ungdōxyijc.

32 Chi ajcxy yajnimay je Huindzin Jesús y'ayuc tūg'óciy pinjaty anajty jim ma je pujxtijc huindzin ytijc.

33 Mijcuctz je pujxtijc huindzin puji je Pablo ajcxy chaachī'au, e chi je pujxtijc huindzin ñībejtay ajcxy mīd y'ung ytōxyijc.

34 Chi je pujxtijc huindzin yajnicxy Pablo etz Silas ma ytijc, yajcaay yaj'uucy ajcxy. Ooy anajty ajcxy yjotcujiy nidūg'óciy, com ti anajty mībijccixy Dios.

35 Com jabom je mījtungmīdipi quejxy mutztungmīdipi jim ma pujxtijc huindzin mīd cōtujcin huen najtzmazhīygiy Pablo etz Silas.

36 Chi je pujxtijc huindzin nimay Pablo:

—Ti je tungmīdipi quexy cōtujcin co jēbi nnajtzmazhīyich miich ajcxy. Nicxcix jotcuje.

37 Chi Pablo migapxy je mutztungmīdipi, e chi nimay:

—Romanojāy ich ajcxy. Yi cajptungmīdipi ti xyhuopyich mīd matz mayjāy agujc, ni ca' jayijp ti xytīyduñich, e ti xypīdāgyich pujxtigoty. ¿Nej co jadachambi xyñajtzmazhīhua'ñich ameechi? Ca' jadu'n y'óyity. Huen mījtungmīdipi cī'm mīñ xyajpīdzīmgīxich ich ajcxy.

38 Chi je mutztungmīdipi cijx nimīydactāy ma mījtungmīdipi tūg'óciy Pablo y'ayuc. Chi ajcxy ñay'adzīgīyī co nejhuīy co Pablo etz Silas hue' je' anajty ajcxy romanojāy.

39 Chi je mǎitungmǎidpǎi ñicxy ci'm oy capxjotcidägy je Pablo etz Silas. Chi yajpidzimy pujxtigoty, e pijctzoy may'ajt huen huingduum ñicxcixni.

40 Co Pablo etz Silas ypujxtijcpǎidzimy, chi ajcxy ñicxy ma Lidia ytijc. Jim ajcxy jadu'n ijxy mǎibijcpǎidijc, e jot'amǎjmoy ajcxy. Chi ñicxcixni.

17

Jim Tesalónica yjajtǎi ooy capxy ayuc, ca' nay'ayuc-huinjihuǎhuǎ

1 Pablo etz Silas ajcxy ñajxy Anfípolis, etz Apolonia, chi ajcxy yja'ty Tesalónica. Jim anajty judíojäy ajcxy tüg ñaymujctac.

2 Com jadu'n anajty costumbre mǎidǎity, Pablo ñicxp anajty ma judíojäy ajcxy ñaymujctac sábado xǎi. E tugǎig sábado xǎi jim capxy mǎydacy mǎid je' jim Tesalónica.

3 Hue' anajty mǎid mǎydaaccixy jadu'n nej jaybecyity ma Dios ñecy co Cristo copicy ayo'n yaj-naxtǎhuǎp, e chi y'ögipy, huin'it yjugypigipy. Chi Pablo ymǎinañ:

—Je Jesús huidibi y'ayuc ngapxhuäcxibich, je' je' je Cristo.

4 Nijëjity judíojäy ymǎibijc ajcxy e mǎjyöybejty ajcxy Pablo etz Silas. Nañ jadu'n may griegojäy huǎdi anajty Dios yajmǎij'ajtp, etz maytöxyjäydijc huǎdijaty oy ymǎjpidacni ymǎjnicxpejt etz mǎibijc ajcxy Pablo etz Silas y'ayuc.

5 Je judíojäy huǎdi anajty ca' ymǎibicy, yjotmǎtcoty ajcxy. Huomujcy ajcxy amügy jäydijc etz jǎbic

jäydijc, etz naax cajp yajmättay, anejptuuti agojx-tuuti ajcxy Jasón ytijc'aguu tzach'ixtaaygixy Pablo etz Silas.

⁶ E co ca' ajcxy paty Pablo etz Silas, chi ajcxy majch Jasón etz jacjadyii mibijcpidijc. Adzip ajcxy yajnicxy pahuijch pajugujcy ajcxy jim ma cajp tungmüdpí. Yam chachmínaangixy mic:

—Jada jäy ajcxy je' huidi tzachya-jhuinma'ñydiigooyb tüg'óciy naax cajp, nañ iyabaad ajcxy ti ymiingixy.

⁷ Jada Jasón ti Pablo etz Silas jim yajjättägy ma ytijc, tüg'óciy ajcxy müddzip'adyii je César huidi ane'mb, ymínaangixy co ji jadüg rey, je' je' je Jesús.

⁸ Co jadu'n midoy, chi ajcxy ooy yajyumügy yaj'oxügy cajpjäy etz je tungmüdpí ajcxy.

⁹ Chi Jasón etz ymígügtijc yajmeeñyejcy, chi najtzmazüy ajcxy.

Pablo etz Silas jim Berea

¹⁰ Co oy ycodziy mic'amy yi mibijcpidijc yajpidzimy ajcxy cajpjoty Pablo etz Silas, e quejxy ajcxy jim Berea. Co ajcxy jim yja'ty, chi ajcxy ñicxy ma judíojäy ñaymujctac.

¹¹ Jim Berea judíojäy ajcxy yjacmüd oyjot oy-huinma'ñ, ca'ydí judíojäy ajcxy jim Tesalónica. Je Berea jäy ajcxy ycöbijc ajcxy Jesús y'ayuc ymüd oyjot oyhuinma'ñ. Jabom jabom ixtaaygixy ma yjaybetyity ma Dios y'ayuc pen janch jadu'n ymína'ñ nej Pablo yaj'ixpicy.

¹² May judíojäy ymibijcy etz may griegojäy huídibi ooy ymüppidaacni nañ jadu'n ymibijcy, töxyjäydijc etz yëydijctijc.

13 Co yi judíoꝝäy jim Tesalónica nejhuñy co Pablo nañ jadu'n Dios y'ayuc capxhuäcxi jim Berea, chi ajcxy jim ñicxy, etz yajyumigy yaj'oxigy je cajp jäy ajcxy.

14 Míc'amy ajcxy, je mïjpidaacpi Jesús, yquejx Pablo míc'amy, huen ñicxy jim ma mejypa'. Chi Timoteo etz Silas yjac-hui'my ajcxy jim Berea.

15 Je huidibi ajcxy Pablo jaymïd'ajt ymïdnicxy, mïd ñicxy ajcxy ixti cooni yja'ty jim Atenas. Huin'it ajcxy yhuimbijty mïd tüg ayuc co huen Timoteo etz Silas ñicxy minaybadyii Pablo jim Atenas janch míc'amy.

Pablo jim Atenas ahuijxy Silas etz Timoteo

16 Co anajty Pablo ahuixy je Silas etz Timoteo jim Atenas, ooy anajty ytajy ymay co ijxy nejhuñy co je cajp mïd ooy may quipychech, tzaadzech, etz oori oyduñ huidi ajcxy dios'ajtpy.

17 Paady Pablo nimïydacy Jesús ma yi judíoꝝäy ñaymujctac mïd je judíoꝝäy etz jacjadyii jäy huidi Dios miyaaxp ojadajtp. E jabom jabom mïd miydaaccixy pinjaty y'oymujcp cajp cujc.

18 Nijëjity ixpiçytijc ñay'ijxquípxigixy y'ixpiçin mïd Pablo. Jim huidibi ni'ixpigüyb epicúreo ixpiçin, etz cham huidi ni'ixpigüyb estoico ixpiçin. Chi ajcxy nijëjity yminaangixy:

—¿Ti jada jada' ajt xyajnímaayim jada yëydijc capxymaaybi?

Chi jadyii yminaangixy:

—Hue' jada ycapxhuäcxyp huingbi dios y'ayuc.

Jadu'n ajcxy yminañ co Pablo nimïydacy Jesús etz jadu'n nej jäy yjugypicy huidijaty ti y'öccixyp.

19 Chi ajcxy m'udn'icxy Pablo ma je it ma je ixp'icyt'ijc ñaymugy'ii hu'idi anajty yx'ii Areópago, chi ajcxy Pablo ñimay:

—¿Nej j'ëbi njájt'ic'ixich jada jemy'ibi ixp'ijc'in hu'idi mi'ich mm'imimb?

20 Com ti 'iich mi'ich xyaj'nimaayg'ich ayuc ca'p'i yhuinj'ihu'iy'ñ'ity, e nejhu'ihuaamy'ich ajcxy nej yhuimb'ídz'ímy t'üg'ó'ciy jada ayuc.

21 T'üg'ó'ciy Atenas j'äy etz nañ jadu'n hu'idi ajcxy j'im adz'inaayb, ca' anajty ni ti tung'ixy, j'ëy'í n'igoobi am'ido'ijtc'ixy etz m'iydaacc'ixy jemy'ibi ayuc t'iy'ajt.

22 Huin'it Pablo ytinay'igy mayj'äy agujc j'im Areópago, e ym'inañ:

—Atenas j'äy, n'ijxyp'ich co mi'ich ajcxy ooy myajm'ij'ajtc'ixy canaagnax hu'idibi mi'ich ajcxy mdios'ajtpy.

23 Com ti x'ii ya n'ixy'ich canaagnax hu'idi ajcxy m'ojadajtpy, chi ti nbaaty'ich t'üg altar ma jadu'n yjaay'ity: “Je Dios hu'idi ca' p'in ix'y'adyii.” Je Dios hu'idi mi'ich ajcxy m'ojadajtpy, e ca' ajcxy m'ixy'adyii, jada je' hu'idi nyaj'nimaayb ajcxy.

24 Je Dios hu'idi oyduñ naaxhuiñy'ibi etz tzajp etz jac tijaty, y'í je' nihuindz'in'ajttayb t'üg'ó'ciy. Je Dios ca' chin'äy ma tzajpt'ijc hu'idi j'äy ajcxy cojpy.

25 Dios ca' ni ti yajtigoy'ity hu'idi naaxhuiñy'j'äy jam'öhuaan'ip. Dios y'í yejcp jugy'ajtin etz hu'idibi nxej'im, etz t'üg'ó'ciy tijaty.

26 E t'ügpi n'í'py t'ügpi jot ti yaj'oy'iy t'üg'ó'ciy y'í j'äy, j'ig'ix huen tz'inaayg'ixy hu'indu'my naaxhuiñ. Dios t'iy'ajt yejcp nej x'ii tiempo y'öy'ipy, e ma j'äy j'ëbi huaad chinaayg'ixy,

27 jigix ixtáaygixipy Dios, jadu'n nej jihuïy ixtaaygixy tondäy xajtäy, com ca' je' jiguemity ma ich ajt nidüg nidüg.

28 Dios ycixpi ich ajt ndzinaayim nyücxim etz nji'ajtim, com jadu'n minañ miich ajcxy mboeta, huïdibi ñy yajcojp: “Dios ich ajt xy'ung'ajtim xy'anäg'ajtim.”

29 Pen Dios ich ajt xy'ap'ajt xy'oc'ajtim ca' huaad nhuinma'ñ nbidaacim co Dios yjadu'ñity nej oori oyduñ, plata oyduñ, etz tzaadzech quipychech huïdi jäy ti yaj'oyiy müd yci'mhuinma'ñ.

30 Dios ca' müdity jotcöduuyb je jäy chuuhuinma'ñ tiibi ñajxni. Jadachambi ane'mb Dios hueñytimma'amyity huen jäy ajcxy jothuimbijtcixy.

31 Com ti Dios yajnihuinmayiy tüg xii mina tiyduna'ñ yi naaxhuiñybi jäy müd je yëydijc huïdibi ti huin'ixy, jada tiy'ajt Dios ti yaj'ixy yajnejhuïy tüg'óciy jäy co ti yajjugypicy Jesús co y'o'cy.

32 Co ajcxy jadu'n midoy co yi öcpi yjugypigipy, chi nijëjity ytigiy nixiicpi yajxiicpi. Chi jacjadyii yminaangixy:

—Huaad ich ajcxy n'amido'idipyich miich m'ayuc mina anajty jadüg'oc.

33 Chi Pablo jim chooni ma je' anajty ajcxy.

34 Chi nijëjity jäy ypadzooni huïdi anajty ti mibicy Pablo y'ayuc. Ma je' ajcxy jim anajty tüg jäy huïdibi anajty yxii Dionisio, yi' je' anajty tungmüd jim Areópago. Nañ jadu'n tüg töxyjäy huïdi anajty yxii Dámaris ypadzooni, etz jacjadyii jäy.

Chi Pablo ñicxy jim Corinto

¹ Co jada jadu'n ytuni yjajti, chi Pablo chooni jim Atenas, ñicxi jim Corinto.

² Jim minaybaati tüg judíojäy huidi anajty yxi Aquila, Ponto anajty ycogajpity, namja'tni anajty miid ytöxyjc Priscila. Jim anajty ti chongixy Italia ñaaxjot, jégixpi co je mij'ane'mbi, Claudio, pidacy cötujcin co huen tüg'óciy judíojäy pidzimdaaygixy jim Roma. Chi Pablo oy cogapxiy Aquila.

³ Aquila etz Priscila ytung'ajtpy anajty cochactijcxuyi, com nañ cochactijcxuuyb anajty Pablo, paady Pablo jim yhui'my miid je' ajcxy. Chi ajcxy tú'ciy ytuuñ.

⁴ Tüg tüg sábado xii Pablo ñicxy ma je judíojäy ajcxy ñaymujctac yajmiidmiydaaccixy Jesús y'ayuc ytiy'ajt etz capxjotcidaaccixy judíojäy etz nañ huidi ca' yjudíojäyity.

⁵ Co ajcxy Silas etz Timoteo yja'ty jim Corinto, chooñ ajcxy Macedonia, chi Pablo adüggijp ytiğiay ayuccapxhuäcxpi ma judíojäy ajcxy co Jesús je' je' je Cristo huidi je' ajcxy chach'ahuijxyp.

⁶ E je judíojäy ajcxy ytiğiay jotma'tpi, tzipcapxpi ahua'ngapxpi. Chi Pablo yhuit huinxijty, je' je' je tiy'ajt co puyöydüdaani ajcxy, e chi Pablo yminañ:

—Miich ajcxy miid mgi'mbocy ajcxy myajtigoya'ñ yi m'alma. Ich ca' ti pocy nmíidiyich ma miich ajcxy. Cham nicxy Dios y'ayuc ngapxhuäcxich ma huidi ca' yjudíojäyity ajcxy.

⁷ Chi Pablo yöybojtni ma judíojäy naymujctac, chi ñicxy ma Justo ytiyc. Justo ooy anajty Dios miyäxy

ojadaty, e ymïd anajty ytïjc mihuingon je judíojäy ñaymujctac.

⁸ E Crispo, je judíojäy ñaymujctac huindzin, ymïbijc je' je Huindzin Jesús y'ayuc ytïy'ajt, miïd tüg'óciy y'ung y'anäg, yjuugy ymïgüg. Nañ jadu'n nijëjity Corinto jäy co midoy Jesús y'ayuc, chi mïbijcy e ñïbejty ajcxy.

⁹ Chi je Huindzin Dios nimay Pablo cumäyjoty:

—Ca' mdzïgï, capxhuäcx'adïtz n'ayucich, e ca' mni'amoñ.

¹⁰ Com ñich miïch nbubedïpy, ca' pïn jot mïd'adïpy nicxy nejjaty xytuñy. ñich may ñich ya nmïdïty jäy ma jada cajp.

¹¹ Chi Pablo yhuï'my jim Corinto tüg jimïjt jacup, yaj'ixpijcy jäy je Huindzin Dios y'ayuc ytïy'ajt.

¹² Huin'it tiempo co Galiön ygobernador'ajty jim Acaya ñaaxjot, chi judíojäy ajcxy midziptzoñ je Pablo, yajnicxy ajcxy ma cötujctac.

¹³ Chi ajcxy nimay je gobernador:

—Jada yëydïc tzach jäy yaj'ixpijcp co ca' ycopicyty yajcuydunïpy Moisés ycötujcin huïdi jaybety ijtp.

¹⁴ Pablo capxamb anajty co oy yi Galiön nimäy ajcxy je judíojäy:

—Pen yi Pablo ti ytundïgooy o mijpocy ti tuñ, huin'it nmïjpidägïbich miïch ajcxy m'ayuc, miïch ajcxy judíojäy.

¹⁵ Pen je Cristo y'ayuc etz miïch ajcxy mgötujcin myajtzibïyb myajcapxyïyb, ca' ñich huaad nyajtigïyïyich yijïibi huinma'ñ.

¹⁶ Chi je gobernador y'ané'mïn pidacy co huen judíojäy ajcxy yajpidzimdäyïi ma je cötujctac.

17 Huin'it tüg'óciy griegojáy ma je cötujctac huijtzpidzi#myb je Sóstenes, yi judíoáy naymujctac huindzin, e chi ajcxy cujy jibijpy huingojxy jipcojxy ma gobernador yhuinduu, e Galión ca' tuñycuenti.

Pablo yhuimbijtni Antioquía, e yajtzondacy midug#gpi viaje

18 Jac-huäcxijp Pablo jecy jim Corinto. Chi yhuinma'ñypidacy co chonaani. Chi ycapxycijxni miid je mibijcpidijc, e chi ybarcotig#iyñi ñicxni jim Siria ñaaxjot. Ñicxni quipxyi miid Priscila etz Aquila. Jim Cencrea, ca'ni anajty ybarcotig#iyi, Pablo yajcöme'px cödza'm co anajty cuyduñ yhuandaacin.

19 Co ajcxy yja'ty jim Efeso, chi Pablo ñay'ixmajtz ajcxy miid Priscila etz Aquila, e ñicxy ma je judíoáy ajcxy ñaymujctac. Chi miidmiydacy je judíoáy ajcxy huidi jim anajty ti ñayyöymújcigixy.

20 Chi je judíoáy ajcxy jim Efeso cohuan#iy co huen jac-hui'my, e Pablo ca' a'ix#iy co yhui'mipy.

21 Chi Pablo ycapxycijxni miid je Efeso jáy, chi yminañ:

—Copicy co jim xi nyajnaxa'ñyich Jerusalén, e nhuimbidi#pyich jadüg'oc ma miich ajcxy, pen Dios jadu'n tzojcp.

Chi Pablo ybarcotig#iy chooni jim Efeso.

22 Co anajty ti ypättig#iy jim Cesarea, Pablo ñicxy Jerusalén co anajty capxpocxaangixy je mibijcpidijc, chi mic'amy idaacni jim Antioquía.

23 Jim hueeni yhuäcxijpy, chi choñ jadüg'oc ñicxy cajp cajp ma Galacia ñaaxjot etz Frigia ñaaxjot jotmicmigapxcixy tüg'óciy yi mibijcpidijc.

Apolos Dios y'ayuc capxhuäcxi jim Efeso

²⁴ Huin'it tiempo yja'ty jim Efeso tüg jäy huidi anajty yxi Apolos, hue' anajty ycocájpity Alejandría. Ooy anajty oy ayuc capxhuäcxy. E yajxon nejhuïydäy Dios y'ayuc huidi jaybety ijtp.

²⁵ Apolos ooy anajty ixpicyity ma Huindzin Jesús y'ayuc e ooy yotmiccapxy, oy anajty yaj'ixpicy nej je Huindzin Jesús yjajty y'ayoy. Oy jëda'ajty anajty janehuïy nej Juan, je Bautista, jäy ajcxy yajniibejty.

²⁶ Chi Apolos ytigüy capxpi miydaacpi ma je judíojäy ajcxy ñaymujctac janch ni ca' chigüy chöyduñ. Chi co Priscila etz Aquila ajcxy midooy Apolos y'ayuc, chi ajcxy yajnicxy ahuingujc, chi ajcxy oy yajmidmïydägy jac-huädz Dios y'ayuc ytiy'ajt.

²⁷ Chi co Apolos anajty ñicxa'ñ jim Acaya ñaaxjot, chi je mibijcpidijc jotmicmigapxy, e pubejty ajcxy. Chi ajcxy nijayiy je mibijcpidijc huidi ajcxy jim Acaya, huen ajcxy cöbigipy yajxon je Apolos. Co Apolos yja'ty jim Acaya ñaaxjot, chi ypubejti ooy pin anajty mibijcp Jesús y'ayuc, com Dios anajty may'ajt ti tuñ ma je' ajcxy.

²⁸ Chi je Apolos oy capxpidzimy mayjäy agujc co ca' yjanchity nej anajty ajcxy judíojäy yhuinma'ñ midity, co Jesús ca' je' yjëjity je Cristo. Je Apolos jim je' mic'ajt tzachpaady ma Dios y'ayuc ycojaayity co Jesús je' je' anajty je Cristo huidi anajty ajcxy y'ahuijxyp.

19

Pablo may mibijcpidijc minaybaati jim Efeso

¹ Jim Corinto anajty Apolos, co Pablo tegy'i'm yajyöyñajxy mijyuugjot, chi oy yja'ty jim Efeso. Chi jim paty may mibijcpidijc.

² Chi Pablo y'amidooy je mibijcpidijc:

—¿Nej ti xy'adigiñy xyjottigiñy je Espíritu Santo taab ajcxy mmibijcy Jesús?

Chi ajcxy y'adzohuimbijty:

—Ni ngamidooyñi ñich ajcxy pen ji Espíritu Santo.

³ Chi Pablo y'amidooy ajcxy:

—¿Ti ñibejtin miich ajcxy mbaad?

Chi je' ajcxy y'adzooy:

—Je Juan, je Bautista, ñibejtin.

⁴ Chi Pablo yminañ:

—Juan jäy yajnibejt je', je' je' je tiy'ajt co huen jothuimbijtcixy. E nimaaygixy anajty co huen ajcxy mibigipy je Cristo huidi jacmiinamni. Je' je' je Jesús, je Cristo.

⁵ Co jada ajcxy jadu'n midoy, chi ajcxy oy ñibety mid je Huindzin Jesús yxi.

⁶ E co Pablo cñixajy ajcxy, huiñit je Espíritu Santo y'adigiñy yjottigiñy ajcxy. Chi ajcxy ytiñy capxpi miydaacpi tigachyjaty ayuc, e capxhuäcxy anajty ajcxy Dios y'ayuc.

⁷ Jeyi anajty nimajmetz yëydijctijc huidibi ajcxy ñibejt.

⁸ Tugig po' Pablo jim yhuäcxijpy, e yöydiib anajty ma judíojäy ajcxy ñaymujctac capxhuäcxy Dios ytiy'ajt janch huiñmic jotmic. Chi capxjotcidägy mayjäy mid Dios ytiy'ajt.

⁹ Nijëjity jotjuuñydijc ca' ajcxy ymibijcy, jeyi ajcxy jibic tzachnigapxy Jesús ytiy'ajt ma jäy ajcxy yhuinduu. Chi Pablo puyöydúutcixni. Chi abicy

yajnicxy je miɓijcpidiɓc ma tüg escueltijc. Hue' je' je escuela huindzin anajty yxii Tirano, e jim Pablo Dios y'ayuc anajty capxhuäcxi jabom jabom.

10 Mejtz jimijt jadu'n jim chachyaj'ixpijcy, e tüg'óciy jäy ma je Asia ñaaxjot ymidoday ajcxy je Huindzin Jesús y'ayuc, je judíojäy etz huidi ca' yjudíojäyity.

11 E Pablo mayba'mjäy yajtzoocy miid Dios ymic'ajt etz ooy mijhuinma'ñ ytuñ.

12 Ixti yajnicxy anajty ajcxy yhuit etz ypaayi huidi Pablo ñiniɓc anajty ti ypadyii, e yajpaatcixy anajty pa'mjäy, e je' anajty miid chooccixy, e nañ je' anajty miid ca'oybi ypidzimy ma jäy ajcxy y'ay yjot.

13 Chi nijëjty judíojäy huidi anajty huidijtp tzojdumbi, huidibi anajty yajpidzimgixyp ajcxy ca'oybi, jayajtzögaañ tüg pa'mjäy miid je Huindzin Jesús yxii co huen yajyödyüdyii je ca'oybi. Chi ajcxy nimaygixy je ca'oybi:

—Ich miich yam nimaayb miid Jesús yxii, je huidi Pablo ycapxhuäcxp, yajyödüt jada jäy.

14 Jadu'n anajty y'idäitzcixy je Esceva ymang ajcxy, je nihuixtujcpi ajcxy. Je Esceva hue' je' anajty judíojäy etz nihuindzin'aty teedy'adi.

15 Co je Esceva ymang ajcxy miɓapx je ca'oybi, chi je ca'oybi y'adzooy:

—N'ix'atypich je Jesús, e nnejhuuybich pin je' Pablo, e miich ajcxy, ¿mbin miich ajcxy?

16 Chi je yëdyjc huidi ca'oybi anajty miid, ytiɓcpiɓy tüg ma je' ajcxy, ymimadactay je nihuixtujcpi, e yqueectay ajcxy ma je tijc nihuädz ixhuädz etz tzaachi.

17 Tüg'óciy jäy ajcxy huidi anajty tzinaayb jim Efeso, judíojäy etz huidi ca' yjudíojäyity nejhuiyday ajcxy, chi ooy ajcxy chigi y e nimiyaaccixy e cömaaygixy je Huindzin Jesús yxi.

18 E mayjäy huidi mibijc Jesús y'ayuc ooy ajcxy ypocy nigapxtay, jadu'n nej anajty yi jibic mañ'ajt ajcxy ti mi'ijtcixy.

19 E mayjäy tiibi anajty capxy je mañ'ajt necy yajminday tüg'óciy e no'ctay je necy ma jäy ajcxy yhuinduu. E co ajcxy maymujcy je libro tzou, chi naybaati jada' huixchiguipx majc mil plata meeñ (moneda mexicana naybaati jacnaxy jahueenjaty ycatüg migo'px jamajcmocx tüg mil).

20 E je Huindzin Jesús y'ayuc niği anajty yhuäcx'idich, niği ymijtigiy'idich.

21 Co anajty jadu'n ti ytuñyii ti yjadyii, chi Pablo yhuinma'ñypidacy co nicxy cogapxihua'ñ je mibijcpidijc jim Macedonia etz Acaya. Chi anajty yjacnicxa'ñ Jerusalén e jadu'n yminañ co jim chondäga'ñ jadügtecy e ñicxa'ñ jim Roma.

22 Chi quejxy jim Macedonia mejtz je ypubejtpi, Timoteo etz Erasto. Chi Pablo je' yjac-hui'my jecy jim Asia.

Canay'ayuc-huinjihuñhuñ jim Efeso müd Dios y'ayuc ycixpi

23 Huin'it tiempo tzip oy pidicni jäy y'ocyumigni y'oc'oxigni müd Huindzin Jesús y'ayuc ycixpi.

24 Co je', je plateri huidi anajty yxi Demetrio, yaj'oyiy anajty ac plata Diana chajtpijc'ung, e jadu'n anajty Demetrio etz jacjadyii jäy oy ymeeñybaatcixy müd je ytung.

25 Chi Demetrio huomujcy ymīgügtijc je huidi jadu'mbi tung tumb, nimay ajcxy:

—Migügtijc, mnejhuıyb ajcxy co mıd jadayaabi tung huidi ıch ajt nduunim, jada mıd jotcuyc ndzınaayım njugy'ajtim.

26 E miıch ajcxy m'ijxpy mnejhuıyb co je Pablo chach yaj'ixpijcy co ca' yi' diosity huidi jäy ajcxy yajcojpy. E Pablo ti ooy mayjäy capxjotcidägy, canan yaayi Efeso, nañ jadu'n ma tüg'óciy Asia naaxjot.

27 Mij jada xyajtigoyaanım ma ıch ajt n'adogıı e nañ jadu'n je miıpi dios, je Diana, ytigoyıpy, ca' ni pin occapxpaatnıpy, je huidi cham mayjäy y'ojadajtpy tüg'óciy ya Asia ñaaxjot etz huindu'my naaxhuiñybi.

28 Co jadu'n ajcxy mıdoy, chi ajcxy ooy yjotmätcooty, chi ytigııy ajcxy huambi jıhuıyb, chachmınaangıxy:

—ıCömay jada Diana, yi efesiojäy ydiosal

29 Chi ajcxy yajhuinmãñydigoyday je cajp jäy e majch ajcxy je Gayo etz Aristarco, huidi tzoon Macedonia, metz yëydijc, huidi Pablo anajty ajcxy ymıd huıdijtpy. Chi je cajpjäy ooy pahuijch pajugujcy ajcxy je Gayo etz Aristarco, yajnicxy ajcxy ma agujctijc huinduu ma jäy ñaymugyii.

30 Chi Pablo yjatigıhuaañ jäy agujc, mıdcapxa'ñ mıdmıydäga'ñ anajty je mayjäy. E je mıbijcpıdijc ca' ajcxy a'ixıy nicxy jııby ytigıy.

31 Nañ jadu'n nijejıty Asia mıjtungmıdipi huıdi anajty Pablo mıd ñaymıgüg'adyii, yajniguejxy ayuc, co ca' huaad ñicxy ma jäy ñaymıjcgıxy.

³² Je mayjäy tügmucy anajty íjtcixy, ooy anajty yhuaangixy yjihuüygixy, ca' anajty ajcxy ñay'ayuc-huinjihuüygixy. E je jacmaaybi ni ca' anajty ne-jhuüygixy ti co chachnaymújcigixy.

³³ Nijëjity jäy huidibi anajty ajcxy mayjäy agujc, je ajcxy yajmüdmüydactay je Alejandro ti anajty tuunip jajtíp. Chi je judío jäy ajcxy tijpídzimy je Alejandro ma mayjäy agujc. Chi Alejandro cümüid tíy'ajt yejcy co huen amongixy. Je' anajty ñigapxtüdamy judíojäy ajcxy.

³⁴ Co je mayjäy nejhuiy co je' je' yjudíojäyity, chi ajcxy ytigüy huaambi jihuüybi jahuenjaty ycame-jtzhority, yminaangixy:

— ¡Cömay ooy yi Diana, yi Efeso jäy ydiosa!

³⁵ Chi je cajp jaaybi co anajty je jäy ti yaj'amoongixy hueeni, chi ajcxy nimay:

— Efeso jäy, tüg'ócüy yi naaxhuiñyjäy nejhuiy co jada Efeso cajp yi' cuend'ajtp yi Diana chajptijc, je' Diana huidi ooy ti yajcömay, etz yi Diana ñinicx huidi cá'u tzajpcíxy.

³⁶ Ca' huaad ni pin yminañ co ca' yjánchity. Amongix, ca' ti mdúngixipy pen ca' jayijp yajxon mhuinmaaygixy.

³⁷ Com jada yëydijc ajcxy tübi myajmiingixy, ca' ma ytundigooygixy, ca' yi' ma ajcxy jibic capxcixy ma miich ajcxy mdiosa Diana.

³⁸ Pen Demetrio etz huidijaty müid ytuñ pen ymüid xihuín müid pinjaty, paady tungmüdpí etz tiydundac jiijity. Jëbi nigapxy ma tungmüdpí, jëbi miñ xyipy ñayñigapxtúutigixy.

³⁹ E pen huingbi ayuc huidi miich ajcxy mbijctzooyb, copity jada y'oyihuipy ma jäy

naymugyii.

⁴⁰ Ymüid jada ayo'n co nicxy nayyajxihuim co jäy cham ñaymihuididyii müid jada ycixpi nej yam ytunyii yjadyii e ni ti tiy'ajt #ch ajt nganejhuyim nej nmínaaním pen ji anajty xyaj'amídoohuim müid co jäy cham chachhuaangixy chachjihuiyigixy.

⁴¹ Co jadu'n miydactay, chi ycapxycijxy müid je naymujcpídiyc.

20

Pablo ñicxy jim Macedonia etz Grecia

¹ Co je cajp jäy ycapxy'ayuc xeemy, chi Pablo huoomujcy je mibijcpídiyc, e jaccapxhuijy ajcxy chi ycapxycijxni, chi chooni Efeso ñicxy jim Macedonia ñaaxjot.

² Cajp cajp Pablo oy co'ixiy je mibijcpídiyc jaccapxhuijy ajcxy. Chi Pablo yja'ty jim Grecia ñaaxjot.

³ Chi Pablo yhuäcxijpy jim tugig po'. Jim Grecia Pablo anajty ybarcotigihua'ñ ñicxa'ñ Siria. Co Pablo oy nejhuïy co judíojäy ajcxy ti yajnihuinmayïyii yaj'öga'ñyii barcojoty, chi yhuinma'ñybaty co huimbida'ñ tegyi'm, ñaxa'ñ jadüg'oc Macedonia.

⁴ Pablo mayjäy müid ñicxy, müidnicxy je Sópater huïdi anajty cogajp Berea, etz Aristarco, etz Segundo huïdi anajty cogajp Tesalónica, etz Gayo huïdi anajty cogajp Derbe, etz Timoteo, etz nañ jadu'n Tíquico, etz Trófimo huïdi tzoon jim Asia ñaaxjot.

⁵ Co jada mibijcpidijc ajcxy ñicxy jayijp, chi ajcxy xy'ahuijxyich jim ma je cajp huidi xii Troas.

⁶ Co xii ñajxtay mina yajcaay je tzajcaagy je huidi ca' miiidity levadura, chi ñch ajcxy ndzooni jim Filipos barcojoty. Co migoox xini, oy ñch ajcxy naybaatigixy jim Troas. Jim ñch ajcxy yhuäcxijpy huixtujc xii.

Pablo co'ixiiy je mibijcpidijc jim Troas

⁷ Domingo xii ajcxy ñayyöymujci je mibijcpidijc chajcaagy ytujc-huäcxaangixy, e Pablo anajty ymigügtijc yjacyaj'ixpijcpy. Je' co anajty com jabom chonaani, paady oy ayuc jacyajyoon ixti yucj-cua'cxchumiiy.

⁸ Jiiby anajty canaag lámpara ytiicxy ma ajcxy anajty ti yöymujccixy ma tüg cuarto huidi anajty oy ycixity.

⁹ E tüg yeeg'anäg huidi anajty yxii Eutico, ma ventana aguu anajty y'ñäy. Com Pablo jecy oy yaj'ixpijcy, chi je yeeg'anäg ymäymajtzi, e tugiig nihuijtzpety anajty ycixity je tijc ma ycäy. Chi ajcxy yajpidigy ögy.

¹⁰ Co Pablo yminajcy, chi ñaygijxnajaji amineenmujcy je yeeg'anäg huidi anajty ti ycäy. Chi Pablo nimay ymigügtijc:

—Ca' mdzigiiygixy, juugy jada.

¹¹ Chi Pablo jadüg'oc ypejty ma je cuarto cixpi, chi chajcaagy tujc-huäcxy e yajcaay ajcxy, e jadu'n Pablo yjacmïydacy co oy ximiiyñ. Chi ycapxycijxni miiid je' ajcxy, chi ñicxni.

¹² E je yeeg'anäg huidi anajty ti ycäy, chi ajcxy yajnicxy juugy, e ooy ajcxy yjotcugiy nidüg'ócïy.

Choñ ajcxy Troas ñicxcixy Mileto

13 Chi ñich ajcxy jayijp nicxigý barcojoty jim Asón co anajty jim nyajtzonáangixich Pablo, com ti anajty jadu'n mïidnayñimáayigixich co je' tegyi'm anajty ñicxa'ñ.

14 Co ñich ajcxy naybaatti jim Asón, chi Pablo ybarcotigñy mïid ñich ajcxy. Chi ñich ajcxy ñicxy jim Mitilene.

15 Chi ñich ajcxy jim ndzoñ, chi com jabom ñich ajcxy najxy mihuingon Quío, comaax ñich ajcxy nja'ty jim ma barco jättac huïdi anajty yxi Samos. Jim Trogilio ñich ajcxy nbocxy, com jabom ñich ajcxy nja'ty jim Mileto.

16 Chi Pablo ca' ñicxa'ñ jim Efeso co ca' yhuäcxiba'ñ jim Asia ñaaxjot, com tzojc anajty yjada'ñ Jerusalén, com jim anajty yajnaxa'ñ Pentecostés xi.

Pablo yajmïidmïydacy je huïdibi ajcxy ane'mb je mibijcpidijc

17 Jim Mileto anajty Pablo, chi capxyñiguejxy huïdi ajcxy nigohuajc'ajtp je mibijcpidijc huïdi ajcxy jim Efeso.

18 E co ajcxy miiñ, chi Pablo ymïnañ:

—Miich ajcxy mnejhuïyb jadu'n nej ñich ti njäy'atyich ma miich ajcxy tüg'ócïy je xi je tiempo nej oga'n nja'tyich ya Asia.

19 Jecy ñich ooy ti n'ityich mïid miich ajcxy, nduñich ma nHuindzin Jesús ytung mïid yung naxy njot nhuinma'ñich, etz mïid huinnï jotmay, etz ti may ayo'n nyajnaxyich ma yi judíojäy ajcxy.

20 Ca' ti n'ixmachich je ngapx'ayuc huïdi oyip mïid miich ajcxy ycixpi. Ti nyaj'ixpicyich mayjäy'agujc etz tijc tijc.

21 Ti ndiy'ajt yecyich ma judíojäy etz cham ma huidi ca' yjudíojäyity. Nnimaydaayich co huen jothuimbijtcixy ma Dios, etz huen mibijccixy ich ajt nHuindzin Jesucristo.

22 Jadachambi nicxpich jim Jerusalén; adzip je Espíritu Santo xyquexyich e ni nganejhuíyich ti ich jim xyjadamy.

23 Co ich cajn cajn ma nnicxyich, je Espíritu Santo xyajnejhuíybich co jim Jerusalén jäy ajcxy xypidäga'nich pujxtigoty etz jim ajcxy xychaachytuna'nich.

24 Yi jadu'mbi ayuc ca' ich nduñich cuendi, jada njugy'ajtich ca' ti tzoohuity. Jëyi janchtiy co nyajcixipyich jada tung jotcujc, e nguydunipyich je Huindzin Jesús y'ayuc, je tibi xyajnibicyich jada tung. Ngapxhuäcxibich yi oybi Jesucristo y'ayuc ytiy'ajt jadu'n nej Dios may'ajt ti tuñ mid jäy ajcxy ycixpi.

25 E jadachambi nnejhuíybich co miich ajcxy ma ti ngapxhuäcxych Dios y'ayuc, ca' miich ajcxy xy'ocjac'íxcixni jadügtecy.

26 Paady cham nnimäyich miich ajcxy, ca' ni ti ngo'adzohuipyich mid miich ajcxy ycixpi.

27 Com ti ngapxhuäcxych ma miich ajcxy tüg'óciy je Dios y'ayuc je Dios yhuinma'n. Ni ti ayuc ni ti ytiy'ajt ti ngacoyüchich ma miich ajcxy.

28 Naycuend'ájtigixy ci'm etz cuend'ajtcixy tüg'óciy jäy ajcxy huidi yajmij'ajtp je Huindzin Jesús, jadu'n ajcxy nipaady nej tügpicoy cöbixy, etz miich ajcxy huidi nigohuajc'ajt je mibijcpidijc jadu'n miich ajcxy nipaady nej cöbixy cuend'ajtpi. Je Espíritu Santo ti xyajnibijccixy co mgüend'adipy

ajcxy yi Jesús yjäy, huidi ti cojuuy ajcxy ypocy müd yci'mni'py co y'o'cy.

29 Chi Pablo yjacminañ:

—Nejhuybich co ya ndzóonibich miinip huingbi jäy huidi yajhuinma'ñydygoyam mibijcpidijc, jadu'n nej ahua'n iyujc huidi cöbixy tzüdzip.

30 Ji ma miich ajcxy ji jäy yaj'ixpigam anii ma yjapadyii yaj'ixpigipy tiy'ajt oybi jigix yi mibijcpidijc ypanicxiyb.

31 Naygüend'ájtigix, mjäymedziyb ajcxy jadu'n nej ich tugig jimijt ti nyaj'ixpicyich xim tzuum jabom jabom, müd huinni jotmay ti nyaj'ixpicixy miich ajcxy nidüg nidüg.

32 Jadachambi ich, nmigügtijcich ajcxy, Dios mich ajcxy nyajpuhuaniyb, nyajmihui'maamyich miich ajcxy Dios y'ayuc jadu'n nej Dios ajt xychojcm xyjhuiyim. Ma Dios y'ayuc miich ajcxy mbaadipy mic'ajt ma yi mibijcin, e mbaadipy ajcxy it lugar ma Dios quipxy müd ajcxy nidüg'óciy tibi yajhuäch yjot yhuinma'ñ.

33 Ni ti ich ti nga'adzocy, ni pin yhuit ymeeñ huidibi n'ocjediybich.

34 Miich ajcxy mnejhuyb co ti nduñich, müd ngi'mgijich ci'm ti nnaymöyijich huidi nyajmayjajtpyich etz nañ jadu'n ti nbubetyich nmigügtijcich huidi ich anajty nmüd.

35 Ich miich ajcxy ti nyajni'ixiygixy nej jëbi mdungixy, nej jëbi mbubéjtcixy migügtijc huidi pa'm'ijtp, etz huidi tijaty yajmayjajtp. Jäymedzi ajcxy je Huindzin Dios y'ayuc co yminañ: “Jacjotcujc je' huidi yejcp, ca'ydi huidibi yajmooyb.”

³⁶ Co jadu'n ycapxtay, chi Pablo ycoxtinay'ahuñy mñid je' ajcxy, e mibijctzoy ajcxy Dios.

³⁷ Ytigñy ajcxy yaaxpi nidüg'óciy, e mineeñ ajcxy Pablo etz tzücxu.

³⁸ Ooy ajcxy jihuñy nej anajty ti ñimáayigixy ajcxy co ca' yjac'ixñyb ajcxy jadügtecy. Chi ajcxy oy najtzhuohuñy jim ma barco.

21

Pablo ñicxy jim Jerusalén

¹ Co ñich ajcxy ngapxycijxy mñid je mibijcpidijc, chi ñich ajcxy nbarcotigñy, tñyñi ñicxy ñich ajcxy jim Cos. Com jabom ndzooñich Cos ñicxy ñich ajcxy jim Rodas. Chi ñich ajcxy ndzooñ Rodas ñicx ñich ajcxy jim Pátara.

² Jim Pátara ñich ajcxy nbaaty tüg barco huñdi anajty najxp Fenicia ñaaxjot. Jim ñich ajcxy nbarcotigñy jadüg'oc, chi ñich ajcxy nnicxni.

³ Chi ñich ajcxy mmij'ijxy Chipre je naax mejy'agujcpi, anajty'amy je' yhuñmy. Jacñicxy ñich ajcxy Siria ñaaxjot, chi je barco ytigñy ma yjättac jim Tiro co jim anajty chimydajc yajhuñma'ñ.

⁴ Jim ñich ajcxy nbaty jäy huñdi anajty yajmij'ajtp Jesús, chi nmñidhuäcxijpich ajcxy huixtujc xiñ. Je' ajcxy je Espíritu Santo yajnejhuñy co Pablo ayo'n padañ Jerusalén, paady ajcxy ñimay Pablo co ca' huaad jim ñicxy.

⁵ Co huixtujc xiñbi yca'pxy, chi ñich ajcxy ndzooni. E tüg'óciy mibijcpidijc mñid y'ung ytöxyjic oy xytüñijphuohuñygyixyich cajppa'. Jim ma mejypa' ngoxtinay'ahuñy ñich ajcxy, chi ñich ajcxy nmibijctzoy Dios.

6 Huin'it ñch ajcxy ngapxycijxni, chi nbarcotigñyñi ñch ajcxy e je mibijcpidiyc yhuimbijtni ajcxy ma ytijc.

7 Co ñch ajcxy ndzooñ Tiro, chi ñicxy ñch ajcxy Tolemaida. Jim ñch ajcxy ngapxpocxich je huidi anajty ajcxy mijpidaacp Jesús, e nmñdhuim'y ñch ajcxy jim tüg xi.

8 Com jabom ñch ajcxy ndzooñ Tolemaida miid Pablo etz pinjaty ñch ajcxy anajty nmñd. Chi ñch ajcxy nja'ty jim Cesarea. E chi ñch ajcxy ñicx ma Felipe ytijc, je huidibi anajty capxhuäcxy Jesucristo yti'ajt je oybi. Je' je' huidi tuun je nihiuxtujcpi taabi ajcxy caayin uucin yajhuäcxy jim Jerusalén oga'n. Chi ñch ajcxy nhui'my miid je'.

9 Felipe midaax anajty ñix miidity, ca'ni anajty ajcxy ypijccixy. E je' ñix ajcxy anajty Dios y'ayucnajtzcapxiyipy.

10 Ti anajty ñch ajcxy jim nhuäcxipy canaag xi co oy yjaty tüg ayucnajtzcapxiybi huidi anajty yxi Agabo, jim anajty ti chooñ Judea.

11 Chi Agabo y'oy xycogapxiygixy ma ñch ajcxy njättac. Chi Agabo Pablo yhuin huijtzicci, e je' miid ñaygixojtz ñaydecyxojtzi, chi ymñañ:

—Je Espíritu Santo jadu'n minamb co jim Jerusalén jadu'n judíojäy ajcxy cixodza'ñ tecyodza'ñ jada huin yhuindzin, e ñañ ceyega'ñ ajcxy ma huidi ca' yjudíojäyity.

12 Co jadu'n yajmidoy, ñch ajcxy etz je Cesarea jäy ngohuanñy ñch ajcxy Pablo co ca' huaad ñicxy jim Jerusalén.

13 Huin'it Pablo y'adzooy:

—¿Nej co myaaxcixy miid ñich ycixpi? ¿Nej ñich miich ajcxy co njot nhuinma'ñ xyaj'amutzcñyi? ñich nayyéjicibich miid naygixodzñ naydecyxodzñ, nañ jëbi n'ögibich jim Jerusalén miid je Huindzin Jesús ycixpi.

14 Co ca' ñich ajcxy mimadacy nicxy nyajhuí'mgixyich Pablo, chi ñich ajcxy n'amooni, chi ñich ajcxy ñayñimaayi:

—Huen cuyduñ je Huindzin Jesús chojcin.

15 Co jadu'n yajti, chi ñich ajcxy ndzonñ ni'ixñy e chi ñich ajcxy nicxy jim Jerusalén.

16 Miid nicxy ñich ajcxy nijëjity mibijcpidijc huidi tsoon Cesarea, e nañ tzoon anajty tüg Chipre jäy huidi anajty yxñ Mnasón, jecyip anajty jipigiyñi jada mibijcin e je' ñich ajcxy nicxy xyajjättägaangixy.

Pablo oy cogapñy Jacobo

17 Co ñich ajcxy nja'ty jim Jerusalén, chi je mibijcpidijc ñich ajcxy xycöbijcy janch jotcujc.

18 Com jabom ñich ajcxy nicxy miid Pablo, y'oy ñich ajcxy ngogapñy Jacobo, e jim anajty tüg'óciy huidi nigohuajc'ajtp je mibijcpidijc.

19 Chi Pablo ymigügtijc capxpocxy, e yajmñdmíydacy ti anajty Dios ti tuñ miid yi' ma yi jäy ajcxy huidi ca' yjudíojäyity.

20 Co ajcxy jadu'n midooy, chi ajcxy huin'ñy jäymejch yi Dios, chi ajcxy Pablo nimay:

—Migüg Pablo, miich mnejhuñyb co ya canaag mil jäy ti mibicy Jesús, e yjactimmína'ñ ajcxy co copicy nguyduunim Moisés ycötujcin je jecyip.

21 Ti ajcxy yajmñdmíydägyii co miich mdzachjäyay'ixpicy ma tüg'óciy judíojäy huidi

ajcxy jiguëgy adzinaayb co ca' huaad tuñycuenti Moisés ycötújcín je jecyíp, etz ca' ycopicyity co tìy'ajttíygyixipy y'ung, etz ni ca' ycopicyity payöyipy ìch ajt ngostumbre.

22 ¿Ti huaad nduunim? Jotmädam ajcxy co ne-jhuñhuipy co ya miich tì mjäty.

23 Hue' janchtiy jadu'n miich mdunipy: cha mîdaax yëdyjc huïdi cuydunamy tüg huandaacín.

24 Mîdnicyx je' ajcxy, nicx nayyajpocyñihuaatzî mîd yî' ajcxy, e miich mgojuydayipy nej anajty ajcxy ypadyîi je meeñydunîi. E chi ajcxy myajcöme'pxipy cödza'm, e jadu'n je jäy ajcxy huinjihuïdyähuipy co ca' yjanchity jadu'n nej xyñimiydaaccixy, jëyi co miich nañ jadu'n mguydun je Moisés ycötujcín je jecyíp.

25 Huïdibi janchtiy jadu'n nej yî huïdibi ajcxy ca' yjudíojäyity, e tî mîjpîdaaccixy Jesús, tî ìch yî' ajcxy nijayíygyixich co ca' túngixipy cuenti jada jadu'mbi judíojäy ycostumbre. Je' janchtiy co ca' huaad tzützcixipy je tîibi jäy yajhuindzigi'y ídolos, ni ca' huaad jíxcxixipy nî'py, etz ni ca' ajcxy tzüdzipy huïdi yo'c-huïdy tî y'ögy, etz ca' ajcxy huingbi töxyjäy mîgapxtigóoygixipy.

Chi ajcxy majch je Pablo ma Dios ytîjc

26 Chi Pablo mîd nicxy je nimîdaaxpi yëdyjc, com jabom ajcxy nayyajpocyñihuaatzî ajcxy, chi ajcxy ytîgyîy ma Dios ytîjc, e chi ajcxy ytîy'ajt yejcy ma judío teedy tî xî ycxaxa'ñ je nayyajpocyñihuädzîi, etz tî xî huindzigi'ñ iyujc cîyegaangixy nidüg nidüg.

27 Ma anajty yca'pxaani je mihuixtujcxibi nijëjity judíojäy, choon jim Asia, chi ajcxy ijxy Pablo ma Dios ytijc. Huin'it ajcxy je mayjäy majch Pablo, yajhuangoty yajjihuiygoty,

28 chi ajcxy yam chachminaangixy:

—Israel jäy ajcxy, pubejtcich ich ajcxy! Jada je' je yëydijc huidi xi ya tzach nigapxp ni'ojnyb judíojäy ycostumbre, Moisés ycötújcín, etz nDios ytijc. E jadüg nax ti yajtigiiygixy griegojäy ma Dios ytijc, yajjibiciiygixy jada it lugar huätzpi. (Com ca' ñigödúcyity nicxy griegojäy ytigiy ma Dios ytijc.)

29 Paady anajty jadu'n yminaangixy je huidi ajcxy majtz je Pablo, com co ijxy ajcxy Pablo miidhuidity cajpjoty je Trófimo, huidi anajty cogajp Efeso. Hue' anajty tijcixy co Pablo ti miidtigiy Trófimo tzajtigoty.

30 Tüg'óciy je cajpjäy yjotmätcottay, miin ajcxy poyigy majch ajcxy je Pablo yajpidzimy tzajtigoty pahuijch pajugujcy. Chi ajcxy mic'amy agiiy Dios ytijc.

31 Yaj'ögamyb anajty ajcxy Pablo. Chi je soldado huindzin ayuc midoy co tüg'óciy je cajp jäy ajcxy ti chachhuaangixy chachjihuiiygixy.

32 Je soldado huindzin huodzonday ysoldado ajcxy, e chi ajcxy ñicxy poyigy ma je mayjäy yhuaangixy yjihuiiygixy. Co je mayjäy ajcxy ijxy miñ soldado ajcxy miid yhuindzin, chi ajcxy ixmajch Pablo ca' ocjaccójxcixni.

33 Co je soldado huindzin jim ja'ty, chi yajmajtzí je Pablo, ni'anëmdiý co huen cixochyii miid mejtz cadena. Chi yajtiy pin je' anajty, e ti ti tuñ.

³⁴ Chi je mayjäy ajcxy ytigiiy huaambi jihuuybi, e jadu'n je soldado huindzin ca' ni nej huinjihuuy miiid je ne'mbi. Chi ni'ane'mdiy co huen Pablo yajnicxyii ma cuartel.

³⁵ Co jim yja'ty ma cuartel pedydac, chi je soldado ajcxy ciyigy Pablo, co anajty je mayjäy chachjottigoyña'jxcixy tzachyaj'ogaangixy anajty Pablo.

³⁶ Tüg'óciy je mayjäy pamiingixy axam je soldado ajcxy, yam chachmīnaangixy:

—¡Huen ögy!

Pablo ñaygohuaani ma je mayjäy

³⁷ Co anajty yajtigihua'ñyii cuartel tigoty, chi Pablo migapxy je soldado huindzin miiid griego ayuc, ymīnañ:

—¿Nej jēbi ii nmīidmīydägy tüg'aa metz'aaji?

Chi je soldado huindzin y'adzooy:

—¿Nej mjajtpy miich griego y'ayuc?

³⁸ ¿Nej ca' jada' miich jējity je egipcio jäy huīdi namni tzip yajpidīcp, e huobidzimy mīdaax mil jäy yaj'öcpi, mīid nicxy ajcxy jim mījtigīduum?

³⁹ Chi Pablo nimay je soldado huindzin:

—Ich judíojäy iich, jim ngogájpīdyich Tarso, tüg mījcajp huīdi yajpatpi jim Cilicia ñaaxjot. Tun may'ajt miñ mayjäy n'ocmīgapxich.

⁴⁰ Co je soldado huindzin a'ixiiy, chi Pablo ytinay'ahuuy ma je cuartel pedydac, e cīmīid ytiy'ajt yejcy co huen amoongixy. Co je mayjäy ajcxy y'amoday, chi migapxcoty mīid hebreo ayuc ymīnañ:

22

¹ —Migügtijc etz mij'anäctijc, midoogixy jadu'n nej ñich yam nnayñigapxtüdyii.

² Co je mayjäy ajcxy midoy co ymigápaxigixy miid hebreo y'ayuc, chi ajcxy y'amonday, chi Pablo yminañ:

³ —Judíojäy ñich. Jim Tarso nma'xung'ajtyich, Cilicia ñaaxjot. E ya Jerusalén ti nyeegyich. Ixpijcich ya ma Gamaliel, etz yajxon Gamaliel ti xyaj'ixpíjcyich ajt nmij'ap nmijteedy ytiy'ajt etz ycötújcín. Njatyim nyajmij'ajtpyich Dios jadu'n nej miich ajcxy Dios myajmij'ajtcixy cham.

⁴ Jecy ti n'ixhuidity ti nbahuidityich je jäy ajcxy huidi anajty mijpidaacp Jesús y'ayuc, nyaj'öctähuaamyich anajty, e nyajnicxpyich anajty mach yëydíctijc etz töxyjäydíj, nbidägyich anajty ajcxy pujxtigoty.

⁵ Je teedy mijtungmiidpi etz tüg'ócíy mij'anäctijc ymiid tiy'ajt, co ñich ajcxy xymooyich cötujcín, e nnicxyich anajty jim Damasco ma nmigügtijcich yi judío jäy ajcxy. N'ixtäyich anajty je jäy ajcxy huidi Jesús y'ayuc mijpidaacp, madza'ñich anajty ajcxy, e nyajmiina'ñich anajty ajcxy ya Jerusalén huen yajtzaachytunggixy.

Pablo nimíydacy nej yjothuimbijty

⁶ Co ñich anajty ndüyöyich mihuingon Damasco, cujc yxñ anajty, chi janch timitiini ytiçxígy jühuidity jadu'n nej jñin ma ñich, hue' anajty chooñ tzajpjoty.

⁷ Chi jim ngidaayich, huin'it nmidooyich tüg ayuc xyñimäyich: “Saulo, Saulo, ¿ti co xypahuídjttägyich?”

8 Huin'it n'amidooyich: “¿Mbin miich, Huindzin?” Chi xy'adzooyich: “Hich je' je Jesús je huidi cogajp jim Nazaret, je huidi miich mdzachpahuidijttacpy.”

9 Pinjaty ich anajty nmüid y'ijx je' ajcxy je tücxin, chi ajcxy ooy chigüy, e ca' ajcxy huinjihuüy je ayuc huidi anajty nmigapxyiijich.

10 Huin'it nnimaayich: “¿Ti jëbi nduñich, Huindzin?” Chi je Huindzin Jesús xy'adzooyich: “Pidig e yajyöy mdu', nicxy jim Damasco, jim myajnimähuüyb tüg'ócüy ti jëbi mduñ.”

11 Je tücxin hue' je' xy'ixmajchich huiintz. E chi je nmigügtjicich xyhuijtzoonich ajcxy cigüxy, xyajja'tyich ajcxy jim Damasco.

12 Jim Damasco anajty chinäy tüg yëdyjc huidi anajty yxi Ananías, je huidi anajty ooy cuyduñ Moisés ycötüjcin je jécyp. E judíojäy ajcxy huidi jim tzinaayb ooy cömaaygüxy co ooy y'oyjäyity.

13 Chi Ananías ymiñ ma njättaacich, e ytinay'ihuüy ma ich nmijc, chi xyñimaayich: “Migüg Saulo, ijxigich jadüg'oc huinjemy.” Tim huin'ity n'ijxigüyich.

14 Chi Ananías xyñimaayich: “Je Dios huidi ajt nmij'ap nmijteedy ojadajt, je' ti xyhuin'ixy jigix mnejhuüipy Dios yhuinmañ, etz m'ixipy je tudäcypä jäy, e mmidohüipy ycim ayuc huidi ycapxpy.

15 Dios ti xyhuin'ixy jigix nicxy mdüy'ajt yecy ma tüg'ócüy naaxhuiñyjäy, etz mnimiydägipy nej ti m'ixy ti mmidoy.

16 Jadachambi, ¿nej co mhuäcxipy? Pidig etz nibet. Mibijctzou Dios jigix mbocy ñihuädzipy.”

Pablo nimiydacy nej oy yajquexy ma je huidibi anajty ajcxy ca'p yjudíojäyity

17 Co nicxnich jadüg'oc Jerusalén, chi nnicxich ma Dios ytijc, oy Dios nmibijctzooyich. Chi ñch jiiyby tzajtigoty n'ixmañyiyich.

18 N'ijxyich je Huindzin Jesús e xyñimaayich: “Pidzin ya Jerusalén mic'amy, ca' je Jerusalén jäy ajcxy cöbigipy miich m'ayuc jadu'n nej xyñigapxa'ñich.”

19 Huin'it n'adzooyich: “Huindzin Jesús, yi jäy ajcxy ñejhuuyb co ñch anajty nnicxich huen huidi judíojäy naymujctac n'ixtäyich yi jäy ajcxy huidi miich m'ayuc xymibijcip, ti nbidägyich anajty ajcxy pujxtigoty, ooy ñch ajcxy yi' ti ndzaachytuñ ti nga'oyduuñich.

20 Co ajcxy yaj'ögy je Esteban, miich mdumbi, huidi miich m'ayuc xycapxhuäcxip, jim ñch anajty nañ jadu'n yajpaady. E ooy njäygidacyich co ajcxy yaj'o'cy, ixti ngüend'ajtich je' ajcxy yjocxhuit huidi Esteban yaj'o'c.”

21 Chi ñch nHuindzin Jesús xyñimay: “Cham ñch miich nguexy jigüegy it ma yi jäy ajcxy huidi ca' yjudíojäyity.”

Pablo, ma je comandante yč'am

22 E yabaad je mayjäy y'amido'ijty Pablo y'ayuc, chi ytigüy ajcxy huambi jihuiybi chachminaangixy:

—¡Huen öc yjiibi yëydijc! ¡Ca' huaad yjactzinäy!

23 Yam yhuaangixy yjihuiygixy, yam yjocxhuit tzachjengixy, etz naaxhuaay tzachyujc-huijcixy.

24 Chi je soldado huindzin ni'ane'mdüy co huen Pablo yajnicxyii cuartel tigoty, e ni'ane'mdüy co

huen ci'adyii jigix nigapxip ti ti tuñ co je jäy ti ymibidiğyii.

25 Ti anajty ajcxy cixojtzcixy, e chi anajty ajcxy tzaachytunaangixy co Pablo nimay je capitán huidi anajty huinduy:

—¿Ti cötújcín miich ajcxy mïd co mdzaachytuna'ñ tüg romanojäy, ni ca' ajcxy jayijp mdiyduñ?

26 Co jadu'n mïdooy je capitán, chi ñicxy oy yajnimäy je comandante:

—Ixcim nej mduñ yi jäy, com hue' yi' romanojäy.

27 Huin'it je comandante ymijhuägy ma je Pablo, chi y'amidooy:

—¿Nej janch co miich mromanojäyity?

Chi Pablo y'adzooy:

—Janch.

28 Huin'it je comandante nimay Pablo:

—Meeñyğixy ñich jada nbaaty co naydijyiijich romanojäy.

E chi Pablo y'adzooy:

—Ñich ti nmïbi'c'ajtich yi'.

29 Mïd jëyi, je huidibi anajty ajcxy cï'adam je Pablo, chi puyöydúutcixni. Nañ jadu'n je comandante ooy ñay'adzigiiyi, mïd co cixojch Pablo mïd cadena.

Pablo ma je judíojäy ajcxy yjuntitungixy

30 Com jabom je comandante co anajty nejhuihua'ñ ti ycixpi co ti yxiyii je Pablo yi judíojäy, huen yajminagyii cadena ma Pablo yci'. Chi ane'my co yajhuomujci je teedy tungmïdpci etz je judío mij'anäctijc. Huin'it je comandante yajnicxy Pablo ma je huindzindijc etz ixpicytijc anajty ti ñaymújcigixy.

23

¹ Huin'it Pablo yaj'ijxpejty je mayjäy huidi anajty ti naysyöymújcigixy, e chi ajcxy nimay:

—Migügtijc, Dios y'ijxpy ñejhuüyb nej iich ti nduñ maabi nyeecpidzimyich, tudägy n'ityich ixti chambaadni.

² Huin'it je Ananías, je teedy mijtungmüdpí, ni'ane'mdüy Pablo co huen yaj'accojxigy.

³ Chi Pablo yminañ:

—¡Dios xychaachytunipy miich huidibi mnaybidaacip nej jihuüy ooy mdudägyjäyity, e ca' yjanchity! Paady miich m'ñäy ma cötujctac jigix nyajtiydunipyich nej je ley y'ane'my. Chi mmidundigooy je ley co ti xyajcojxyiijich.

⁴ Je jäy ajcxy huidi anajty jim minañ:

—¿Jadu'n miich mmigapxtigoy yi Dios ymijtungmüdpí?

⁵ Chi Pablo yminañ:

—Migügtijc, iich ca' anajty nejhuüyich, pen yi' je' Dios ymijtungmüdpí. Com jaybety jadu'n ma Dios ñecy: “Ca' huaad jibic mnigapxipy huidi tungmüd ijtp ma miich mjäy.”

⁶ Huin'it Pablo ijxy nejhuüy co jim juntijoty mejtzpicy ixpicytijc anajty jim, jim huidi saduceo y'ixpijcin ymijpidacp etz nañ jadu'n jim huidi fariseo y'ixpijcin ymijpidacp, chi Pablo yminañ mic:

—Migügtijc, fariseojäy iich, nañ jadu'n ndeedyich fariseojäy je'. Cham nyajtiyduñich müd jégixpi co nmibicyich co Dios yajjugypigipy jäy tibi y'öccixy.

7 Co Pablo jadu'n ym̄inanday, chi fariseojäy etz saduceojäy miñ xyipy ajcxy ca' ñay'ayuc-huinjihūiyi. Chi je naymujcp̄idijc ajcxy ñaybijc-huācx̄i.

8 Je' co je saduceojäy ym̄inaangixy co o'cp̄i ca' yjugyp̄igipy, ni ca' ji ángel ajcxy, nañ ca' jäy y'alma, nañ ca' ji je Esp̄iritu Santo, etz ni ca' ji mujcu' ajcxy. Je fariseojäy ym̄ibijcpy je' ajcxy co yjijity ángel ajcxy, co öcp̄i jugyp̄igaangixy, co je Esp̄iritu Santo yjijity, co jäy ajcxy m̄idity y'alma, etz co mujcu' ajcxy yjijity.

9 Tüg'óciy jäy ajcxy ma je naymujctac ytiḡiy huambi jihuiybi. Chi nijëjity fariseojäy huidi ni-huindzin'ajtpy je Moisés ycötújc̄in n̄igapxtuty Pablo ym̄inañ:

—Jadayaabi jäy ca' ti pocy ti tuñ. Ca' yjeyity ti jada' ym̄igapxyii tüg esp̄iritu o tüg ángel.

10 Chi je mayjäy anajty ooy mic ti ñayyajot'ambijcigixy. Je soldado huindzin tziḡiyb anajty co Pablo y'ahuoonn̄ihūiyb y'aḡidzihūiyb, paady ni'ane'mdiy huen yi soldado ajcxy yajp̄idzim̄gixy juntijoty e yajnic̄xcixipy yi Pablo jadüg'oc ma cuartel.

11 Huin'it coodz ñayguëx̄ici je Huindzin Jesús ma Pablo ym̄ijc, n̄imaayi:

—Jotmic̄pic Pablo, com jadu'n nej ya Jerusalén ti xyñigodiy'ajt'átyich, nañ jadu'n xyñigodiy'ajt'adipyich jim Roma.

Ixtaaygixy huinma'ñ nej huaad Pablo yaj'öccixy

12 Com jabom nijëjity judíojäy ñaygapxi co yaj'ögaangixy Pablo. E chi ajcxy capxycödujcy

ñay'ıbojci ñaygapxpojci co ca' ycayaangixy y'ügaangixy ixti cooni ajcxy yaj'öccixıpy Pablo.

¹³ Nihuixchiguıpx naxy anajty yëydıjtıjc huıdı ajcxy jadu'n naygapxi.

¹⁴ Chi ajcxy ninıxy je teedy ajcxy huıdıbi mıjtungmıd etz judıo mıj'anäctıjc, nımay ajcxy:

—İch ajcxy ti ngapxycödujccıxy co ca' ngayáangixyich n'ügáangixyich ixti cooni ĩch ajcxy nyaj'öcip Pablo.

¹⁵ Jadachambi mıich ajcxy, etz jacjadyii ixpıcytıjc mıj'anäctıjc nidungıygıxy ma je soldado huındzin, co huen jabom yajminyii Pablo jadügtecy ma mıich ajcxy. E aanıdaaccıxy co jacyajxon yajtıyduna'ñ, e ni'ixı ĩch ajcxy anajty n'ıjtcıxy co Pablo nyaj'ögıbıch ca'ni anajty yjätı ma naymujctac.

¹⁶ Pablo chi' ymang nejhuııy nej je' anajty ti ñaygápxıgıxy, chi ñıxy ma cuartel oy Pablo yajnimäy.

¹⁷ Huin'it Pablo yaaxı tüg soldado huındzin, e chi nımay:

—Yajnicx jada yeeg'anäg ma je comandante, ymıd yı' ayuc ti nigapxaamy.

¹⁸ Chi je soldado huındzin yajnicxy je yeeg'anäg ma je comandante, e chi nımay:

—Pablo, je machyjäy, ti xyaxyıch, ti xyñımäyıch co nmıdminıpyıch jada yeeg'anäg, ymıd yı' ayuc huıdı ñıgapxaamy ma mıich.

¹⁹ Chi je comandante majch je yeeg'anäg ma yci', e yajnicxy abıcy, chi yaj'amıdooy:

—¿Ti xyajnimähuaamyıch?

²⁰ Chi je yeeg'anäg ymınañ:

—Yi judíoꝝäy ajcxy ti ñaygápxigixy co xyñimähuaangixy co jabom Pablo myajnicxipy jim ma ñayyöymugáangixy, y'aaniidägaangixy co jacyajxon tiydunaangixy.

²¹ Ca' miich yi' mmibigipy; com nihuixchiguïpx naxy yëydijctijc jim yi' ajcxy ahuixy yüch. Ti capxycödujccixy co ca' ajcxy ycaya'ñ y'üga'ñ ixti cooni ajcxy yaj'ögipy je Pablo. Jadachambi ni'ixi jim y'ijtcixy, jëyi miich m'ayuc ajcxy xyjamidohuaani, pen mni'adzooyb.

²² Chi je comandante ycapxycijxy miid je yeeg'anäg. Chi nimay co ca' huaad ymiydägy miid jacpinjaty jadu'n nej anajty ti ymiydaaccixy.

Yajnicxy ajcxy Pablo ma je gobernador Félix

²³ Chi je comandante yaaxi metz capitán moy cötújcin huen nayñi'ixiiygixy nimejtzmigo'px soldado huidi nicxip tegyi'm, etz tugi'pxmajc huidi nicxip cohuaaygixy, etz mejtz migo'px quipyjijpxu'ñmiidpi, huen nicxcixy jim Cesarea mijcoodz.

²⁴ Nañ ni'ane'mdiy co huen cohuy ni'ixi pidägyii huidi Pablo yaj'iñahuipy, e moy cötújcin co huen oy yajxon ajcxy Pablo yajjadipy ma je gobernador Félix.

²⁵ Chi yajmiguejxy tüg necy yjaayity jadu'n:

²⁶ “Iich comandante, Claudio Lisias, cham nguejxyich jada necy ma miich, mijpi gobernador Félix, e nguejxpyich capxpooxñ.

²⁷ Je judíoꝝäy ajcxy ti anajty majtcixy jadayaabi yëydijc, yaj'ögamy anajty ajcxy co iich oy nejhuiy co je'yromanojäyity, chi nninicxich miid soldadtijc etz nnihuaañich.

28 Co ñich ooy anajty nejhuñhua'ñich ti anajty co ti xīgixy, chi nyajnicxich ma anajty ajcxy tungmüdpí etz mij'anäctijc ti ñayyöymüjcgixy.

29 Hue' anajty yi' ycixpi ti yajxïy co anajty ti ytundigooy ma yi' ajcxy ycötújcín. Ca' anajty ytiy'ájtity co yaj'öccixipy, e ni ca' huaad ymach'ñäy.

30 Co ñich oy nejhuñy co yi' judíojäy anajty ti ni-huinmayiygixy co yaj'ögaangixy, cham ñich miich yi' nyajniguexy. E ti ñich nañ jadu'n nimay huidi ti yxïyii huen nicxcixy ma miich, e jëbi ajcxy jim nigapxy ti ycixpi co midzip'ajtcixy. Ji naybaatim.”

31 Je soldadtijc nej anajty ti ycötújcín möyii tim huin'ítiy müd tzoñ je Pablo mijcoodz ixti yajja'ty ajcxy Antípatris.

32 Je soldadtijc huidi ajcxy tegyi'm nicxp, com jabom huimbjtcixni, chi yjá'tcixni ma cuartel. E je soldadtijc cohuaygixpi jacnicxy je' ajcxy müd Pablo.

33 Co je' ajcxy yja'ty jim Cesarea, chi ajcxy je gobernador necy yajcídigiñy, chi ajcxy nañ jadu'n yajquëxigy je Pablo ma je' yhuinduu.

34 Co ñecy capxtay, chi je gobernador y'amídooy Pablo ma anajty yconaaxity. Co nejhuñy co yCilici-ajäyity,

35 chi nimay:

—Jiini nejhuñhuibich je tiy'ajt co anajty miingixy huidi ti xyxīgixy.

Huin'it ni'ane'mdiñy co huen cuend'adyii ma je Herodes ymijtijc.

24

Pablo ñaygohua'ñyii ma je gobernador Félix yhuindu

¹ Co miḡoox xii Ananías je teedy ajcxy ymiḡtungmiḡdpi yja'ty jim Cesarea miḡd judío miḡ'anäctijc ajcxy etz miḡd tüḡ huingapxpi huḡdi anajty yxii Tértulo, chi ajcxy ñayguëxici ma gobernador co xihuaangixy Pablo.

² Co ajcxy Pablo yajmiñ, chi Tértulo ytiḡiiy xibi, niḡmay Félix:

—Miḡd miich ycixpi jotcuyc je naaxcajp y'ijty, ca' ma tzip, je' co yajxon m'ane'mdäy miḡd oyhuinma'ñ.

³ Tüḡ'óciy iich ajcxy njäyḡidacpyich hueñyima'ámyity, miich miḡtungmiḡdpi Félix.

⁴ Ca'ydi mdiempo nyajtiḡooyi miḡ, tun may'ajt amido'ijtiḡich n'ayuc tüḡ jaxiḡyi.

⁵ Com ti nnejhuíyḡixich co jada Pablo, ooy ayo'n yecy hueñytimma'ámyity. Xi ya judíoḡäy tzach piḡc-huäcxy miḡd y'ayuc huḡdi ymiḡd. Yi' je' nigo-huajc'ajtp tüḡ piḡcy jāy huḡdi jāy ytiḡpy Nazaret jāy.

⁶ Com tundigoy ma iich ajcxy nDios ytiḡc nej ca' ypadyii, chi iich ajcxy nmajch, e chi iich ajcxy njatiydunaañich jadu'n nej iich ajcxy ngötújcín y'ane'my.

⁷ Per je comandante Lisias je' yajtiḡiiy mictäḡy, chi iich ajcxy xypijci jada Pablo.

⁸ E Lisias ymiñañ co piñjaty anajty ti yxiiy huen miññ ma miich. Miich ci'm jëbi myajtiḡy, e mnejhuíhuip tüḡ'óciy je tiy'ajt jadu'n nej iich ajcxy yi' ti nxiiy.

9 E je judíoꝝäy ajcxy huïdi anajty jim gober-nador yhuïnduu, ac jadu'n ajcxy ymïnaangïxy co yjanchïty jadu'n nej Tértulo ymïna'ñ.

10 Huïn'it je gobernador tiy'ajt moy Pablo cïmïd co huen capxy, chi Pablo ymïnañ:

—Janch jotcuꝝc jëbi nayñïgapxtüdyïijich ma mi-ich Félix, com nejhuïybïch co miïch mïjtungmïd ma jada naax cajp cham xïi jimïjt ñïcxni.

11 Miïch cï'm jëb mnejhuïy je tiy'ajt, jëyi ana-jty ñïmajcmetzxïïy maabi anajty nbättigïyïch jim Jerusalén Dios ojadaꝝpi.

12 Ca' ïich yi' ajcxy xypaty ndzipcapxy n'ahua'ngapxyïch mïd pïnjaty. E ni ïich ngajäy'axiigïy ngajäy'agapxyï ma Dios ytïc, etz ni ma naymujctac etz ni ma Jerusalén cajp.

13 Jada jäy ajcxy ca' ajcxy mïdity pïnjaty tiy'ajt yegïpy nej ïich yi' ajcxy yxïy.

14 Huïdi janch ngapxypïdzïmybïch ma miïch jadu'n nej je tzïnaayïn, je jemybï ïxpïcïn huïdibi yi' ajcxy ytïjpy ca' y'óyïty, je' je' je' ïxpïcïn huïdi ïich mïd n'ojadaꝝpïch Dios, je Dios huïdi ïich ajcxy nmïj'ap nmïjteedy y'ojadaꝝt. Nmïbïjcpyïch tüg'óciy jadu'n nej yjaybetyïty ma Moisés ñëcy, etz je Dios y'ayucnajtzcapxyïybi ñëcy.

15 Nañ nmïbïjcpïch co Dios yajjugypïgïpy pïnjaty ti y'ögy, tïibi oybi tuñ etz tïibi jïbïcpi tuñ.

16 Paady ycïxpi naymïjottïgoyïijich co njothuïnma'ñïch huädz ooy nmïd'idïpyïch ma Dios etz ma jäy.

17 Canaag jimïjt ïich anajty ti nhuïdityïch huing-duum, chi nhuïmbijtyïch ma ïich ngajp limosna cuejtp etz nhuïndzïgïhua'ñïch anajty Dios.

18 Jadu'n ñich anajty nduñ co nijëjity judíojäy xypatyich ma Dios ytijc huidi anajty tzoomb Asia ñaaxjot. Ti anajty naybocyñihuächyijich, ti anajty nguyduñich costumbre, ca' anajty mayjäy pin yhua'ñ yjihuïy.

19 Je jäy ajcxy huidi xy'ijxyich ma Dios ytijc, je' ajcxy ixypy ti ymiingixy ya tiy'ajt yejcp.

20 Co ca' ajcxy ti miiñ, huen jada jäy ajcxy huidi ya nigapxcixy pen ypaat ajcxy nbocyich je taabi ajcxy xytidyduñich ma judío jäy tungmïdpi etz huinmij'anäctijc ajcxy ñaymujci.

21 Jëyi co ñich mic ngapxyich juntijoty, chi nmïnaañich: “Xytidydumbich miich ajcxy cham mïd co nmibicyich co Dios yajjugypigipy pinjaty ti y'o'cy.”

22 Co Félix jadu'n midodaay, com ñejhuïydaayb anajty nej tüyöy je mibijcpidijc y'ayuc yhuinma'ñ, chi capxhui'my je ayuc, nimay ajcxy:

—Co anajty miiñ je comandante Lisias, huin'it njacnejhuïydähuibich nyajtydigihuibich miich ajcxy m'ayuc.

23 Huin'it Félix ane'mdïy je capitán co huen yajcuend'aty yi Pablo, e huen a'ixihuip co pidzim tibiñ tibäy e pen ji ymigügtijc miiñ co'ixihuañyii, huen möyii huidi yajmayjajtpy.

24 Ti anajty xi ñajtnïnicxiyñi co Félix jadüg'oc miiñ mïd ytöxyijc Drusila. Je Drusila judíojäy je' anajty. Chi Félix capxyñiguejxy Pablo huen miiñ mïdmïydägyii nej jäy mibicy Jesucristo.

25 E co Pablo yajnimay je tiy'ajt nej Dios tzocy co huen jäy tudägy tzinäy, etz yajnimay jadu'n

⁶ Festo jëyi jím y'ijty tuctujc xii taxtujc xii Jerusalén, chi yhuimbijtni Cesarea. Com jabom ñicxy ma tiydundac, huiñ'it capxyñiguejxy Pablo co huen yajminyii.

⁷ Co Pablo ytiñiy ma tiydundac, chi mic'amy je judíoñäy ajcxy yjübigiydäy huidi anajty ti choongixy jím Jerusalén. Chi ajcxy oxyñiy Pablo co mij anajty ti ytundiñoy. E ca' ni ti tiy'ajt ajcxy miguëxiñy.

⁸ Chi Pablo ñaygogapxi ymíñañ:

—Iich ca' ni ti ndundiñoyich, ni ngamídundiñoyich yi judío ñäy ycötúñin, etz ni ngamídundiñoyich Dios ytiñc, etz ni ngamídundiñoyich je mij'ane'mbi jím Roma.

⁹ Co Festo anajty jatytimyajcömaya'ñ ma judíoñäy ajcxy, chi y'amídooy Pablo:

—¿Nej mñicxam jím Jerusalén, jigix jím ndiyduñiñiy?

¹⁰ Chi Pablo y'adzooy:

—Cha iich cham ma je cötujctac huidi je romano codung y'ane'myb e ma jëbi yajtiyduñich. Yajxon miich mnejhuñiy co ca' ti ti ndundiñoyich ma yi judíoñäy ajcxy.

¹¹ Pen ti ndundiñoyich huidi jëbi co'ögñiyich, ca' nmíñá'nibich co iich ca' n'öga'ñ. Pen ca' ji ni ti tiy'ajt jadu'n nej yi' ajcxy ti xyxiñiyich, ni pin cötúñin camíñity nicxy xyciñecyich ma yi' ajcxy. Iich nbijctzoy co nyajtiyduñich ma César, je emperador, jím Roma.

¹² Co Festo capxyöyday mñid ymíduñgmíñpi, chi ñimay Pablo:

—Pen miich jadu'n m̄namb co j̄im n̄icxy myajtiyduna'ñ ma je César ycötujctac, nguexipyich miich j̄im. Miich ti mbijctzoy co je emperador xytiyduna'ñ. Pis j̄im m̄nicxipy miich.

Pablo ma je rey Agripa yhuinduu

¹³ Chi ȳi x̄i tiempo ñajzn̄in̄icx̄iȳñi co je rey Agripa etz Berenice ycidacy Cesarea, cogapx̄ihua'ñ anajty Festo.

¹⁴ Co ajcxy j̄im yhuäcx̄ijpy canaag x̄i, chi Festo yajm̄dm̄iydacy je rey Agripa je Pablo ayo'n, e n̄imay:

—J̄i t̄üg ȳeyd̄ijc hūidi Félix y'ixmajtz mach.

¹⁵ Co n'oyich j̄im Jerusalén, chi je teedy m̄jtungm̄dp̄i etz judío m̄j'anäct̄ijc xym̄ix̄iȳich, nibijctzohūȳ co Pablo nyaj'ögib̄ich.

¹⁶ Chi n'adzooyich co romanoj̄äy ca' cöt̄ujc̄in jadu'n m̄id̄ity n̄icxy yaj'ögy ȳi machȳäy ma ca'ni ñayhuindináayiḡixy m̄id̄ je hūidi m̄id̄ ñayx̄iȳii, jiḡix ñaygogapx̄iyb̄ nej anajty ti yx̄iȳii.

¹⁷ Paady co je judíoj̄äy ajcxy y'oy ya ca' n̄igoob tiempo nyajt̄igooyich com jabom n̄nicx̄ich ma ngötujctaac̄ich, e n̄ni'ane'md̄iȳich co huen ya-jm̄iñȳii je Pablo.

¹⁸ Co ajcxy ñaygūex̄i'ci, je hūidi anajty ti x̄iȳ, ca' jac ni ti ayuc anajty ajcxy m̄id̄ity jadu'n nej ñch anajty ti ndijȳich.

¹⁹ J̄eyi janchtiy co jadu'n anajty ym̄inaanḡixy co Pablo ti ytundigooy ma ȳi' ajcxy ycostumbre huinma'ñ, etz Pablo capxhuäcxy co je Jesús hūidi o'c, juugyñi je'.

²⁰ Com ñch ca' nnejhūȳ nej ndun̄ip̄ich m̄id̄ jada jadu'mb̄i huinma'ñ, chi n'am̄idooyich Pablo, pen

nícxam anajty Jerusalén, jigix jim ngatiyduñich mïd jadayaabi ycixpi.

²¹ Pablo ci'm mïnañ co nïgi oy yajtiydunipy jim ma je emperador huïdi ane'm jim Roma. Chi nni'ane'mdïyich co huen jacmach'iñäy, ixti cooni nguexipyich jim Roma ma César.

²² Chi je rey Agripa ymïnañ:

—Nañ ooy ïich nja'amïdo'idaani Pablo y'ayuc.

Chi Festo y'adzooy:

—Jabom jëbi ayuc midohuipy.

²³ Com jabom miiñ Agripa etz Berenice mïd mayjäy etz xuuxpidijc, chi ytigïy ajcxy ma tiydundac mïd je soldado huindzin ajcxy, etz huinmij'anäctijc. Chi Festo capxyñiguejxy co huen Pablo nicxy yajtzonyii.

²⁴ Chi Festo ymïnañ:

—Rey Agripa, etz tüg'óciy mij'anäctijc huindzindijc huïdi ya ti mnayyöymújcigixy mïd ïich ajcxy, cha je' je yëydijc huïdi oy yi judíojäy ti yxïyii ma ïich. Xymixiyich jim Jerusalén, e nañ ya Cesarea, e jatymymïnaangixy co jëbi y'ögy.

²⁵ Ca' ti ti tundigooy, paady ca' huaad nyaj'ögyich. Com ti ci'm ñayñibijctzohuïyii co jim yajtiydunañ ma je emperador jim Roma, paady ti n'a'ixiyich co nguexaañich.

²⁶ E com ca' ni ti tiy'ajt nej nijayïhuibich nhuindzinich, je emperador César, mïd yi' ycixpi, paady nyajmiiñich ma miich ajcxy, etz tim jayijp ma miich mhuinduu, rey Agripa, jigix jëbi m'amïdohuipy e nmïd'idipyich ti ii njäayibich.

27 Ca' jadu'n y'óyity nicxy nguexyich tüg machyjäy jim ma je mij'ane'mbi e ca' ni ti tiy'ajt mïdity nej ti yxïyii.

26

Pablo nimiydägy nej anajty yjatyin ma je rey Agripa

¹ Chi je rey Agripa nimay Pablo:

—Jëbi ci'm mnayñimiydägyii.

Chi Pablo yujcxajy yci' e ytigïy nayñïgapxtuutip, yminañ:

² —Jotcuyc nayjihuiïijich, co jëbi nmïydägyich ma miich, rey Agripa, jigix nayñïgapxtüdiïybich tüg'óciy jadu'n nej judío jäy ti xyxïyich.

³ Com miich mnejhuiïyb yajxon nej judíojäy ajcxy yhuinma'ñ mïdity, etz tijaty tzip yi' ajcxy ymïd, etz jadu'n nej yi' ajcxy y'ixpïjcin oy ñay'ijxquípigixy.

Pablo nigapxy nej anajty chinäy ma anajty ca'ni yjothuimbity

⁴ Tüg'óciy judíojäy ñejhuiïyb nej ti ndzinäyich ma yi' ajcxy jim ma nnaaxjotich etz jim Jerusalén maabi nyeecpidzïmyich.

⁵ E yi' ajcxy ñejhuiïyb nañ jadu'n, e jëbi nigapxcixy jadu'n nej ti nyujcyeecpi'atyich. Hue' naydijyijich anajty fariseojäy, je tügpïcpi jäy huïdi mïctägy je judío jäy ycostumbre etz ycötújcin payöyip.

⁶ E jadachambi xytïyduñich mïd co njjpp'ixyich co Dios yajjugypiga'ñ yi jäy ajcxy tïibi y'o'ccixy, jadu'n nej Dios yajnimay nmïj'ap nmijteedy jecy'ajty.

7 Je majmetzpicypí Israel ymang y'ap y'oc y'ahuijxpy mína Dios cuyduna'ñ nej anajty ti yajnimäyíi je' ajcxy ymíj'ap ymíjteedy. Paady ajcxy Dios ojadaty huindzigíy xim tzuum. Miich, rey Agripa, nmibicyich co Dios yajjugypigipy je jäy tíibi y'öccíxy, paady ycixpi yi judíojäy yxíyich.

8 ¿Na'amy co ca' miich ajcxy mibiga'ñ co jébi Dios yajjugypicy je tíibi ajcxy y'ögy?

Nej anajty Pablo jayijp'aty mibijcpidijc ixhuidity pahuidity

9 Jecyip íich hue' ndijyich oy nduñich co anajty ndzachmidzip'adyiijich je Jesús je Nazaretpí.

10 E jadu'n nduñich jim Jerusalén. Míid je teedy mijtungmíidpi ycótújcín nbidaacich Jesús yjäy may pujxtigoty. E co ajcxy yaj'o'cy, nañ nigapxpejt íich co huen yaj'öccíxy.

11 E nníxcyich anajty majaty judío ñaymujctac jim ndzaachytuñich huídi ajcxy míjpidacp anajty Jesús, jigix ajcxy y'ixmadzipy je' ymibíjcín co Jesús je' je' je Cristo. Nígi anajty nmíjotmätcootyich ixti nbahuídiyttacyich huingnaax huinggajp.

Pablo nimíydägy jadüg'oc nej yjothuimbijty

12 Míid yi jadu'mbí huinma'ñ nníxcyich anajty jim Damasco. Je teedy mijtungmíidpi anajty xyquejxpích, e xymöyich anajty cótújcín.

13 E tú'am, señor rey, íich anajty níxcy, cujc xíi anajty co n'íjxyich tügi tíicxín jacmic ca'ydi xíi ytíicxín chooñ tzajpjoty, xyñigidacyich etz nañ jadu'n huídi anajty ajcxy xymídnícxích.

14 Huin'it nidüg'óciy íich ajcxy ngidaday, e nmídooyích tüg ayuc xymígapxích míid hebreo

y'ayuc, xyñimäyich: “Saulo, Saulo, ¿nej co chach xypahuidijttägyich? Ci'm naysajtzaachiyii jadu'n nej huaj yuub co jipconebiy huidi miid ñumygyii.”

¹⁵ Huin'it n'adzooyich, nnimaayich: “¿Mbin mi-ich Huindzin?” E je Huindzin xyñimaayich: “Iich je' Jesús je huidi miich mdzachpahuidijttacpy.

¹⁶ Pidig e tinaaygugi', com ti nnyaguexigyiiijich ma miich jigix xymidunipyich etz mgodiy'ajt'adipy jadu'n nej cham ti nyajnimäy ti nyajnejhuüy, etz jadu'n nej jiini njacyaj'ixa'ñ njacyajnejhuühua'ñ.

¹⁷ Iich miich nnihuänip nyajtzögip ma yi judíojäy, etz nañ ma huidi ca' yjudíojäyity. Iich miich jim nguejxpy ma huidi ca' yjudíojäyity.

¹⁸ Nicx jim myajhuinjihuüygyxy ich ndiy'ajt, huen ixmach ajcxy yi jibic-huinma'ñ e jadu'n ypidzimipy ajcxy ma je mujcu' y'ané'migixy, etz mijnicxpedipy ajcxy Dios ytiy'ajt. Co ajcxy mibigipy mijpidägipy ich ndiy'ajt huin'it nmöhuibich tigiydac tzajpjoty ma yi oyjäydjc ity tiibi Dios yajpocyñihuächyii.”

Pablo cuyduñ nej anajty ti y'ijxmañiyin

¹⁹ Rey Agripa, jadu'n ti ngapxymidooyich huidi n'ijxich nmidoohuich tzoön tzajpjoty.

²⁰ Jayip ngapxhuäcxich Dios y'ayuc jim Damasco, chi ngapxhuäcxich jim Jerusalén etz tüg'óciy Judea ñaaxjot, etz cham ngapxhuäcxich Dios y'ayuc ma huidi ca' yjudíojäyity. Nyajnimäygyxyich huen jothuimbijtcixy, huen mibijccixy Dios y'ayuc ytiy'ajt, etz huen yajtungixy ojot oyhuinma'ñ jigix ñiguexigipy co ti yothuimbijtcixy.

21 M̄id jada ycx̄p̄i xymajch̄ich ajcxy je judíōj̄äy ajcxy ma Dios yt̄ijc, e xyaj'ögáangixȳich anajty.

22 M̄id co Dios t̄i xypubety t̄i xypudiḡiȳich cha nyajpaadȳich juugy. Ngapxhuäcxȳich Dios y'ayuc yt̄iy'ajt ma t̄üg'óciy ayoobt̄ijc etz ixp̄icyt̄ijc. T̄üg'óciy hūidi ngapxpȳich je Dios y'ayucnajtzcapx̄īybi jaay jecy'ajty, etz je Moisés nañ jadu'n jaay jecy'ajty co jadu'n ytuna'ñȳii yjada'ñȳii.

23 Hue' yajm̄ina'ñ co je Cristo cop̄icy ayo'n tzaachyp̄i yajnax̄ipy, e y'öḡipy e huin'it jugyp̄iḡipy, e je' je' je jaȳijp̄ j̄äy hūidi jugyp̄iḡip co anajty t̄i y'ögy. E yajcapxhuäcx̄ip je ayuc yt̄iy'ajt ma ñich ajcxy judíōj̄äy, etz ma hūidi ca' yjudíōj̄äȳity.

Pablo jahueeni cayajjothuimbijty Agripa

24 Co Pablo jadu'n ym̄inañ ma anajty ñayñ̄igapxt̄üdȳii, chí Festo m̄ic m̄inañ:

—¡Mloc̄īybi miich Pablo! M̄id je ixp̄ijc̄in n̄iḡi m'ahuimbity loci.

25 Chí Pablo y'adzooy:

—Ca' ñich nloc̄ij̄y, miich m̄j̄tungm̄̄dp̄i Festo. Ȳi hūidi ñich ngapxpȳich je' je' t̄iy'ajt̄ip etz janch̄ip.

26 Ȳi rey Agripa ñejhuydaayb̄ ȳi' t̄üg'óciy jada, paady nm̄iydäḡich aam̄ic jotm̄ic ma ȳi' yhuin-duu; com nnejhūiyb̄ich co ȳi' ñejhuydaayb̄ jada t̄üg'óciy, com canan hue' jada yajtuuñ yajm̄iydacy ayüchytuum.

27 ¿Nej mm̄ib̄j̄c̄py, miich rey Agripa, jadu'n nej ajcxy ym̄inañ ȳi Dios y'ayuccojaaybi? Nnejhūiyb̄ich co miich mm̄ib̄icy.

28 Chí je rey Agripa y'adzooy, ym̄inañ:

—Janch tım jayinjaty jahuenjaty miich xycayajmıbıcyıch Jesucristo.

²⁹ Chi Pablo ymınañ:

—Oy yjayinjaty yjahuenjatyıty ooy mıjcajee mgamıbıcy, chojcpy Dios co miich mmıbıgıpy Jesucristo etz nañ jadu'n tüg'ócyı jäy huıdı cham xy'amıdoo'ıjtıp ıch n'ayuc. Dios chojcpy co mmıbıgıpy Jesucristo jadu'n nej ıch nmıbıcyıch, jeyı janchtıy co ca' mmach'ıdıpy jadu'n nej ıch nmach'ityıch.

³⁰ Co je Pablo ymıydactay, chi je rey etz gobernador ytinayıgy quıpxyı mıd Berenice etz jacjadyıı huıdı anajty ajcxy jım.

³¹ Chi ajcxy ahuingıjc oy capxyöygyxy Pablo ypocy, ñayñımáayıgıxy mıñ xyıpy:

—Jada yeydıjc ca' jada ti tundıgoy, ca' ypadyıı nıcxı y'ögy, ni ca' ypadyıı nıcxı ymach'ıñäy pu-jxtıgoty.

³² Chi Agripa nımay Festo:

—Jëbı ıxyıpy nnajtzmadzıyım Pablo co ca' cı'm ycanayñıbjctzohııyı co huen tıydunyıı je emperador César jım Roma.

27

Pablo yajnicı jım Roma

¹ Co ajcxy yajnihuınmayıy co xyquexáangıxyıch jım Italia, chi Pablo yajcıyejc mıd jacjadyıı machyjäy ma tüg capitán huıdı anajty yxı Julio, je' huıdı nihuındzın'ajtp tügıcy soldadtıjc huıdı anajty yxı batallón Augusto.

² Chi ıch ajcxy ndıgıy ma tüg barco huıdı yhuındzın cogajpıp jım Adramıtıo. Je barco hue'

anajty ñicxa'ñ ma nijëjity barco jättac jim Asia ñaaxjot. Chi ñich ajcxy ndzooni. Mïid ñich anajty ajcxy Aristarco huidi anajty cogajpîp Tesalónica jim Macedonia.

³ Com jabom ñich ajcxy nja'ty ma barco jättac jim Sidón. Jim je Julio pa'ayoy Pablo, e ahuaatzî ytu' co huen ñicxy co'ixîy ymîgüg'tîjc, etz huen je' ajcxy yajcayyii yaj'ügyii.

⁴ Co ñich ajcxy ndzooñ jim Sidón, chi je naax mejy'agujcpi yhuî'mni anajty'amy huidi yxîi Chipre, mïid co je poj anajty jîjpcobojîy je barco.

⁵ Chi je barco huinyöyñajxy je Cilicia ñaaxjot etz Panfilia ñaaxjot, oy njädyich ajcxy jim Mira, tüg cajp jim Licia ñaaxjot.

⁶ Jim je capitán paty tüg Alejandría ybarco hue' anajty ñicxy jim Italia. Chi je capitán ñich ajcxy xyajbarcotigîy.

⁷ Canaag xîi ñich nyöy janch oñdägy, adzaach ñich ajcxy nja'ty mîhuingon je Gnido co anajty je poj tzach jîjpcobojîy je barco. Najx ñich ajcxy mîhuingon Salmón, etz njüyöy'ahuidijtyich ajcxy Creta je mejy'agujcpi naax.

⁸ Adzaach ñich ajcxy nja'ty ma barco jättac huidi anajty yxîi Buenos Puertos, mîhuingon Lasea.

⁹ Ti ñich ajcxy ooy anajty nxiidigoy, e ooy anajty ycodzigîjity je barco yajyöyîi. Ti anajty je ayuuxîi ñajxni, e ti mîhuingon anajty je poj tuu tiempo huidi jäy ytijpy invierno. Paady Pablo je soldado huindzin jaccapxhuijy,

¹⁰ chi Pablo ymînañ:

—Huindzîndîjc, jadu'n nej yam codzigî' jada ooy co njacnicxim barcojoty, ca' yjeyîty co

nicxy ndigooyim miid barco etz miid ñidzimy etz n'o'ctaayim.

¹¹ E je soldado huindzin yjacmijpidac oy je barco yajyöybi y'ayuc etz je barco capitán y'ayuc, ca'ydi Pablo y'ayuc.

¹² Com je' co je barco yjättac ca' anajty y'óyity, nicxy jim yajnajxcixy je poj tuu tiempo, chi je jacmaybi ajcxy yhuinma'ñypidacy, co jëbi barco yjacyöy, oc'ixaangixy pen yjätcixy jim Fenice ma Creta ñaaxjot. Jim ma tüg barco yjättac huidi y'aguu najtz'ixiyyb ma xii pidzimy, e jim anajty je poj tuu tiempo yajnaxaangixy.

Je mijpoj mijtigoy ma je mejy

¹³ Jadu'n yajty co je jinboj hueeni ypidzimy, huin'it huinmay ajcxy co jëbi yjactüyöy je barco. Chi ajcxy yajpidigy je mij pujx huidi barco yajtinayxijp, e yajyöychooñ je barco. Chi ñicxy je barco mejypa' mejypa' ma Creta ñaaxjot.

¹⁴ Huin'it hueeni tiempo ñajx, chi je micpoj miiñ ma tiichpoj pidzimy, huidi jāy ytijpy Euroclidón, jadu'n yhuimbizim, Noreste.

¹⁵ Chi je mic poj yajtütigajch je barco, e com ca' anajty ndimdüyöygixni miid je poj ycixpi, chi je mic poj ich ajcxy xyajnicxy adzip ma anajty tzocy.

¹⁶ Najx ich ajcxy mihuington tüg naax mutzpi mejy agujcpi huidi yxii Clauda, e adzaach ich ajcxy nyujcjugujcy je mutz barco huidi anajty miimb ixhodziy ma je mijpi.

¹⁷ Co ajcxy jugujcpidzimy je mutz barco, chi ajcxy yajtuuñ maychaay e xojtzmujcy je barco aguu. Chi ajcxy yajminajcy je huit huidi anajty poj mic tzach ymajchyp. Je' co chigiiygixy

co chimnicx#yb je barco jim ma mejy huidi ca' y'agomity, ma p#jot huidi yx# Sirte. Chi ajcxy #ayyejci huen poj yajn'cxigixy.

¹⁸ Com jabom, com ooy mic anajty je poj, chi ajcxy je chimy mejy c#jibijptaayi.

¹⁹ Je midugig x#bi, chi #ch ajcxy nmejyc#jibijptay je tungbejt huidi yajtumyb ma je barco.

²⁰ Ti anajty canaagx# #ajxni e #ch ajcxy ca' ma x# madza' n'oc'ijxcixni, mid je mij poj ycixpi huidi anajty #ch ajcxy xychachyajt#y#p. Hue' #ch ajcxy ndijcixy co ti ndig#oygixyich, ca' ndijy #ch ajcxy ndz#gipy.

²¹ Ti anajty x# tiempo #ch ajcxy nyajnajxcixy jaygay, chi Pablo ytinayigy, nimay je j#y ajcxy:

—Y#ydiyctijc, co #ch miich ajcxy xyca-capxymidoy ca' ngatzoonim jim Creta #aaxjot, e ca' ixipy jada ayo'n yam jadu'n nbaatim.

²² Jadachambi ca' mdajcixy mmaygixy, ca' ni pin ytigoya'n, oy je barco yjatigoy.

²³ Amygoodz je nHuindzin Dios t#g y'angel ti #aygu#xigyii ma #ch, je Dios huidi #ch ngapxymidooybich, yi' ti quexy.

²⁴ Je angel ti xy#im#yich: “Ca' mdzigiy, Pablo, copicy co mjatyj#dipy ma je mij'ane'mbi, je César yhuinduu. Mid miich ycixpi, Dios #ihu#namy yajtz#gamy t#g'ociy huidi ji barcojoty, ca' ni t#g y'ogipy.”

²⁵ Paady nayjot'amijm#oyigix, y#ydiyctijc, nmibijcpyich Dios co jadu'n yjada'n jadu'n nej yi' y'angel ti xy#im#yich.

26 Ooy ycopicyity nicxy nmijpoipejtım ma tüg naax mejy agujcpi.

27 Majmactz xii je mic poj anajty yajyöyii je barco oyñinej jim ma je mejy huıdi yxii Adria, chi mijcutz je barco yajyöybi jihui'ñybıjcy co anajty ti mihuingoñ naax.

28 Chi ajcxy quipxy je nii jadu'ñi anajty ycicyity, e hue' ajcxy quipxy iıpx xap ycicyity. Jahuengi huin'it jadüg'oc ajcxy quipxy je nii, e hue' oy quipxcıxy majmocx xap ycicyity.

29 E co anajty chigıygıxy co tijy je barco jıpcobonıhuıpy ma tzaagop, chi ajcxy pidacy niıjoty mıdaax pujx ma barco y'ıjx, je huıdi yxiiıjıp anclas, janch tzigıyb anajty ajcxy y'ahuijxcıxy cooni xiiııhuıpy.

30 Chi je' ajcxy huıdi anajty barco yajyöyp yhuinma'ñybaty co yquëga'ñ ameech. Chi ajcxy pidacy niıhuingıxy je mutz barco. Chi ajcxy ñaybidaaci jadu'n nej jihuiy je ancla jac yajminagaangıxy jim ma barco yhuinduu.

31 Huin'it Pablo nimay je soldado huindzin etz je soldadtıjc:

—Pen ca' jada hui'mgıxy ma barco, ca' miıch ajcxy mejy ypidzimıpy.

32 Huin'it ajcxy tzujctujcy je tzaay huıdi je mutz barco anajty mıd ycoxochıty, chi ajcxy yajcäy je mutz barco niıjoty, e chi je mejy yajnicxyı.

33 Moñyi Pablo mıgapxy je jäy ajcxy, chi ajcxy nimay co huen huingayñajxcıxy, chi Pablo ymınañ:

—Cham majmactz xii ma miıch ajcxy ca' mmaagıxy, e ni ca' mgaaygıxy m'uuccıxy.

34 Tun may'ajt caaygixy oy jadu'ñyi, copicy jada co njatyñidzooctähuaanim, ni tög ngöhuay ca' ytigoyaanim.

35 Co Pablo jadu'n yminanday, chi tög tzajcaagy conigy, chi jayijp Dioscojuyip yajnaxy mayjäy agujc, chi tujc-huäcxy etz ytigiiy ajcxy caaybi.

36 Mic'amy je jäy ajcxy yjotmigiyday nidüg'óciy, e chi ajcxy ytigiiy caaybi.

37 Hue' anajty ñaybáatigixy barcojoty mejtz migo'px jatugi'px majmocxtüg jäy.

38 Co ajcxy ycayday, chi jacniiögöjibijpy je trigo, jigix huen cöminacy je barco chimy.

Chi barco tög yquiñ

39 Co yximiiy, chi je barco yajyöybi ca' ijxcapy je naax, e y'ijxpaty tög it ma mejy huen ycoguegiiy, e jim anajty püjot. Chi ajcxy yhuinma'ñybaty co'ixaangixy pen jëbi jim yjäty je barco.

40 Chi ajcxy tzujctujcy je tzaay huidi anajty miid yxochity je anclas, e chi anclas yhuimni niijoty, huin'it ajcxy miguejiiy je niigaap huidi tumb co tümöy je barco. Chi huit jadüg'oc ajcxy pidacy huidibi pojmajtzp. Chi je barco ytigiiy yöyb, tiy ajcxy yajnicxy ma püjot.

41 E chi oy minaybadyii ma anajty je mejy mejtz it oy mic ycujiin, chi oy yjëpxy püjoty. Je barco jijp oy ytigiiy tätzpiicy ca' huaad y'ocyücxni, e je barco ijx oy ytigiiyñ aguejthuäcxpi ymiid je mejy püjoty ymijaa.

42 Chi je soldado yjayaj'ögaañ je machyjäy ca'ydi yqueeccixy ayaahuip.

⁴³ Je soldado huindzin ca' a'ixi'y nicxy yaj'ögyii Pablo, chi nimay soldado ajcxy co huen ixmajtcixy yi machyjäy. Chi je soldado huindzin nimay je jäy ajcxy co huen niidigi'ygyxy pinjaty jajtp yau.

⁴⁴ E huidi ca' jajtcixy yau jaydëbi niidigi'ygyxy miid pu'y etz miid barco pedasi. Jadu'n ajcxy nidüg'óciy ymejy ypidzimday.

28

Pablo yjädy ma tüg naax mejy'agujcpi huidibi yxii Malta

¹ Co iich ajcxy niibidzimday, chi iich ajcxy nejhuiy co je naax mejy agujcpi hue' anajty yxii Malta.

² Je conaax ajcxy ooy ooyjäy'ajtin tuuñ miid iich ajcxy, chi ajcxy yajmijiiy jün mij, miid co anajty ooy ytiichity, etz co anajty ooy ytuubojoy. Chi xyñimay iich ajcxy co miin n'ocxáamgixyich.

³ Chi Pablo ytiigi'y jäxycajpmujcpi, e chi pidacy jünjoty. Chi tüg ahua'n iyujc pidzimy, yquëgy anajty miid je anbi, chi Pablo ymajtzi ma yci'.

⁴ Co je cogajp ajcxy ijxy je ahua'n iyujc ytiyñäy ma Pablo yci', chi ajcxy ñayñimaayi miñ xyipy:

—Jadayaabi yëydijc, jäy yaj'öcpi jada. Oy ca' ti y'ögy mejyjoty, je tiydumbi tzajpjotypi ca' a'ixiy nicxy yjactzinäy.

⁵ Chi Pablo yci' huinxidicxy, e jünjoty oy ycäy je ahua'n iyujc, e ca' Pablo ni nej yjajty.

⁶ E tüg'óciy je jäy tzach'ahuijxcixy mina anajty y'ocquiixigy, o mina anajty y'oc'ögy. Ti anajty ooy y'ahuijxcixy jecy; co ajcxy ijxy ca' ni nej yjaty, chi ajcxy yhuinma'ñ yajtigajch. Yminañ ajcxy co Pablo hue' jada' yi' tüg dios.

⁷ E miñhuingon anajty je Publio ytijc, je huidi nigohuajc'ajty je jimbi naax mejy'agujcpi. Je Publio xyajjättacich ajcxy, e xyajcaay xyaj'uucich ich ajcxy yajxon tugüg xii.

⁸ Jadu'n yjajti co je Publio anajty yteedy ypiigyii miid tooy gohuajc etz miidity anajty ni'pypa'm. Chi Pablo oy icy je pa'mjäy. Chi Pablo Dios miibijctzoy, e chi cinixajy, e yajtzoocy.

⁹ Miid jadaay miñ ajcxy nijëjity pa'mjäy huidi anajty ajcxy tzinaayb ma je naax mejy'agujcpi e chi ajcxy chooctäy.

¹⁰ Miid jada ycixpi nyajcömay ich ajcxy, e nyajmooyich ich ajcxy tijaty huidi ich ajcxy nidüyöyipy barcojoty.

Chi Pablo oy yjädy jim Roma

¹¹ Tugüg po' ich ajcxy anajty ti n'ijtni jim. Chi ich ajcxy nbarcotigüiy ma tüg barco huidi anajty je tuuboj tiempo ti yajnaxy jim Malta. E je barco capitán jim anajty ycogajpity Alejandría. E je barco ymiid anajty ahuinax huidi anajty yxii Cástor etz Pólux huidi ajcxy dios'ajtpy.

¹² Chi ich ajcxy oy njäty ma je barco jättac huidi anajty yxii Siracusa. E jim ich ajcxy nhui'müy tugüg xii.

¹³ Ndzoñich ajcxy Siracusa barcojoty, nicxy ich ajcxy mejypa' mejypa', ixti nja'tyich ajcxy jim Regio. Com jabom oy ypidzimy jinboj, chi co maax oy nja'ty ich ajcxy Puteoli.

¹⁴ E jim ich ajcxy nbaaty nijëjity jäy huidi anajty mijpidaacp Jesús. Je' ajcxy xycohuanüyich co ich ajcxy jim hui'müpy tüg semaan. Chi ich ajcxy jadüg'oc ndzooñ, nicxyich ajcxy jim Roma.

15 Je mibijcpidiyc ajcxy huidi anajty jim Roma ymidou ajcxy ayuc co ich anajty ajcxy jim nicxy, chi ajcxy choon nijety oy xyjijpcobadiygyxyich ma je cajp mercado mid huidi anajty yxi Foro de Apio. Jacjadyi mibijcpidiyc oy xyjijpcobadiyich ma tug jattac huidi anajty yxi, Tres Tabernas. Co Pablo jipco'ixiy je mibijcpidiyc ajcxy, chi Dioscojuyip yajnaxy etz nayjihuyi janch jotcujc.

16 Co ich ajcxy nja'ty jim Roma, chi je soldado huindzin cyejcy je machyjay ma je comandante, per a'ixiyb co Pablo tznay ahuingujc ma tug pijctzoydijc, jeyi anajty tug soldado ycuend'adyi.

Chi Pablo Dios y'ayuc capxhuacxi jim Roma

17 Tugig xi maabi Pablo anajty yjaty jim Roma co capxyñiguejcy je judio huinmij'anactijc huidi anajty ajcxy tzinaayb jim Roma. E co ajcxy naymujci, chi Pablo yminañ:

—Migügtijc ajcxy, oy ich ca' ti ndundigooyich mid judio jay ajcxy etz mid ajt nmij'ap nmijteedy ycötújcín, chi je judiojay ajcxy xymajchich etz xycyeycich ma romano tungmidpi jim Jerusalén.

18 Co je romano tungmidpi ajcxy xy'amidooyich, huin'it ajcxy xyjanajtzmazihuaañich, ca' ti ajcxy paaty ma ich huidi ajcxy xyajco'ogihuibich.

19 Co je judiojay yjotmätcoty ajcxy, ca' ajcxy a'ixiy co nyajnajtzmazihuibich, chi nayñibijctzohuyich co nyajtydunipyich ma je mij'ane'mbi ya Roma, oy ich ca' ti xihuin nmidity mid ich nmigonaax nmigogajpich.

20 Paady ti ngapxyñiguejxcixy co nyajmüdmüydäga'ñ ajcxy tigíx co nmach'ityich. Müd co üch ajt n'ahuijxim co Dios nihuána'ñ yajnidzöga'ñ yi Israel jäy etz yajjugypiga'ñ je jäy tübi y'öccixy. Paady jadachambi nyajpaadyich mach.

21 Chi ajcxy y'adzooy:

—Ca'ni üch ajcxy ni ti necy xyñijäty huüdi tzoomb jim Judea müd miich ycixpi. E ni tüg ajt nmigügtijc ca' jibic xyñimüydägy.

22 Nja'amüdo'idaamyich jadu'n nej miich mmüydägy, com nnejhuüybich co huen yma'ámyity jäy ymidzip'ajty je jemybi y'ijxpjcin.

23 Chi tüg xü ajcxy agapxtujcy. Co oy paady mina anajty ti agapxtujccixy, chi mayjäy ñayyöymujci ma je Pablo anajty jättac müdity. Jopy ajcxy yajt-zondacy capxü müydägi ixti ycootztzuu'üy, jadu'n Pablo tzachyajnimaaygixy je Dios y'ayuc nej Dios yhuinma'ñ müdity. E yajjothuimbidaangixy anajty ma je Jesús müd co capxticxy je Moisés ycötujcin nej anajty yjaybetyity, etz jacjadyii ayuc cojaaybi ñecy.

24 Nijëjity cöbijc ajcxy nej Pablo anajty ymina'ñ, etz nijëjity ca' ajcxy mübijcy.

25 Co ca' anajty ajcxy miñ xyipy yajtügüy yhuinma'ñ, chi ajcxy icy ca'ixy yöychóongixni. Chi Pablo yminañ:

—Tiytudägy je Espíritu Santo nimay je nmij'ap nmijteedy ajt co yajcapxy je profeta Isaías co yminañ:

26 Nicx nima' je jäy ajcxy: Müich ajcxy oy mjamüdohüipy n'ayucich, per ca' ajcxy

mhuinjihuip; oy mjuhuindicxixipy, e ca' ajcxy mhuinjihuipy.

27 Com jada jäy ajcxy hue' yjot'ahuimbijtcixy janch juuñ, e ymidoogixy oyñinej, jadu'n nej jihuiy yhuimbïdz'ijtcixy, e ni ca' y'oc'íjxcixy miid yhuin e ni ca' ocmidoogixy miid yta'tz'ac, ni ca' huinjihuigixy miid yjot yhuinma'ñ, ni ca' minipy ajcxy ma ich jigix myajtzögibich.

28 Nejhuigixy miich ajcxy co jadachambi etz jacnicxpi xi tiempo Dios y'ahuanib y'ayuc ytiy'ajt nej jëbi jäy y'alma ajcxy yajnidzögipy ma je jäy ajcxy huidi ca' yjudíojäyity, e je' ajcxy y'amido'idipy.

29 Co Pablo jadu'n nimay ajcxy, chi ajcxy ñicxtáaygixni chach ñayhuin'ibéjtigixy ñayhuingapxpéjtigixy miñ xyipy.

30 Pablo mejtz jimijt jim chinay ma je pijctzoydijc jim Roma, e yajxon xiic'adzoy capx'adzoy pin miñ ycogapxiyi.

31 Janch agujc jotcuje anajty capxhuäcxy je Dios y'ané'min, e yaj'ixpicy je Huindzin Jesús ytiy'ajt, e ni pin ma ycapx'adugyii.

El Nuevo Testamento en mixe de Coatlán **New Testament in Mixe, Coatlán (MX:mco:Mixe,** **Coatlán)**

copyright © 1976 Wycliffe Bible Translators, Inc.

Language: Coatlán Mixe (Mixe, Coatlán)

Translation by: Wycliffe Bible Translators, Inc.

Mixe, Coatlán [mco], Mexico

Copyright Information

© 1976, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixe, Coatlán

© 1976, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-11-16

PDF generated using Haiola and XeLaTeX on 18 Apr 2025 from source files
dated 29 Jan 2022

4190de74-18ab-52cf-ba4e-5f99ab05892f